



# ИТВЫВ ЮДЗУВ

4

АПРЕЛЬ

1978



Владимир Шевченко — Вуктыльско́й газопромыслово́й управлени́са технолог, ВЛКСМ-лөн XVIII съездыввса делегат.

Снима́тис В. Ве́щицкий.



ЛИТЕРАТУРНО-  
ХУДОЖЕСТВЕННОЙ  
ДА ОБЩЕСТВЕННО-  
ПОЛИТИЧЕСКОЙ  
ЖУРНАЛ

## ТАЙО НОМЕРЫН

Альберт ВАНЕЕВ. Комму. Пельсь кисьман кадö. Нэм чöж кезлö Кудымкарса олысь (кывбурьяс) . . . . .	3
Миян ёрт йылысь кыв . . . . .	5
Виктор КУШМАНОВ. Войвывса югыд кодзув (документальной повесть) . . . . .	7
Василий ЛОДЫГИН. «Муртса чужин — Рöдина нин эм...» Бур асыв. Чолöм, чужан му! Сарапан дöра (кывбурьяс). . . . .	31
Александр ЛАРЕВ. Ворсö Галина Лыткина (очерк) . . . . .	32
Юрий КОЧЕВ. Коми учёнöйяс йылысь пас-йöдьяс . . . . .	37
Николай ЩУКИН. Арся вöрын. Войпук йылысь (кывбурьяс) . . . . .	44
Александр НЕКРАСОВ (Гамса). Челядьдырся воясöй (кывбур) . . . . .	45
Василий ВЛАСОВ. Кöлдунья (висьт) . . . . .	46

### Публицистика

А. БЕЗНОСИКОВ. Томъяслöн водзмöстчöм	53
Анатолий КОЗУЛИН. Кык серпаслöн сюжетяс . . . . .	56
Г. П. СИДОРОВ. Рöдмöдны дона черияс . . . . .	61

### Серамбана гижöдьяс

Александр МАТВЕЕВ. Пышйис сиктö (висьт)	63
---	----

ЛЭДЗÖ КОМИ АССР-са  
ПИСАТЕЛЬСЛÖН СОЮЗ

ПЕТÖ 1926 ВОСЯНЬ

4

АПРЕЛЬ  
1978

СЫКТЫВКАР

# СЕВЕРНАЯ ЗВЕЗДА

\*

ЕЖЕМЕСЯЧНЫЙ  
ЛИТЕРАТУРНО-ХУДОЖЕСТВЕННЫЙ  
И  
ОБЩЕСТВЕННО-ПОЛИТИЧЕСКИЙ  
ЖУРНАЛ

☼

ОРГАН  
СОЮЗА ПИСАТЕЛЕЙ  
КОМИ АССР

Главный редактор *П. Шахов*

Редакционная коллегия:

*А. Ванеев, М. Игнатов, В. Попов, С. Попов,  
С. Раевский, И. Торопов (зам. главного редактора),  
Г. Юшков, В. Напалков (отв. секретарь).*



«Пригородной» совхоза теплицыин уджалысьяс (шуйгавывсянь)  
Надежда Ушакова, Алефтина Скобалева да Галина Матвеева босьтё-  
ны огурылысь виль урожай.

Снимайтис В. Вежев.

## КОММУ

Мича сарапана ань,  
Коді воысь воё томмё,  
Авъя сьёлёма да шань,  
Шондібаной, оня Комму!

Нюмсер чужомаось йёз,  
Шоныд-югыд олан гортныс.  
Ставыс эм, мый олігчож  
Колё шуда, ловъя мортлы.

Помтём, лөзалана вөр,  
Паськыдось и няня эрдяс.  
Сөстём сынёдыслөн көр  
Ульёв пөтөслунён вердас.

Уна тані оз тусь ныв —  
Шобді юрсиа, лөз синма.  
Мавтіс татчөс сьыланкыв  
Выйён-маён сьёлём дінөс.

Коми ырөш, быгья сур  
Сера дозмукъясысь юи...  
Нөда, дыр-ө мем оз сюр  
Татчө выльысь волан туйыс?

Ышөд-ышөд менсьым лов,  
Водзё сөвьяммы да томмы,  
Шонді улын сьыв да ов,  
Менам вунөдлытём Комму!

## ПЕЛЫСЬ КИСЬМАН КАДӨ

Лэбач дзользьём тан миянын сяма,  
И кыздз гортаным нимкодясим,  
Мед көть Иньва да Камушка-Кама  
Визувтөнысө лунвылө нин.

Васө босьтөны пармаысь кыськө,  
Медым юктавны муяс да видз.  
Сөстём Юсьва да меліник Лысьва  
Гажа Коммулы содтөны мич.

Татчөс гожөмлөн лышкыдджык рөмъяс:  
Быттё өмидзлөн көрыс тан мөд.  
Быттё Коммуын гырысьджык льөмйыс,  
Быттё пелысьыс миянысь гөрд.

Но мем абу, дерт, завидь, а нимкодь:  
Ми өд, кыздз көть он артышт, ас йёз,  
Парма ёльяссө өтмоза нимтам,  
Лёз кө енэж — и миянын лөз.

Сьёлём көртөдыс вокъяслөн зэлыд,  
Сьёлём тіпкөмлөн өтувья өд,  
Иньва ю весьтын өшалысь пелысь  
Өтув шудным кодь кисьмөм да гөрд.

# НЭМ ЧӨЖ КЕЖЛӨ КУДЫМКАРСА ОЛЫСЬ

1977-өд вося июлын Кудымкарса исполком лө-сьөдiс «Кудымкарса почётной гражданинлысь» ним. Медводдзаон тайö нимсö сетöма легендарной разведчик, Советской Союза Герой Николай Иванович Кузнецовлы.

Вугралöны керöсбердса козъяс,  
Гожся войлөн мөвпалöмыс лөнъ.  
Чайтан, кинад шыльöдыштны поэяс  
Раммöm Иньва юлысь ловъя вөнъ.

Кудымкарыс чöскыда на шойчö —  
Эз на вудж Уралсö югдан кад.  
Сöмын паркын син оз куньлы вой чöж —  
Изйысь сизьдöm сулалö салдат.

Сулалö...  
Öд чöла видзны колö  
Усьöмъяслысь изйö дзевöм лов...  
...Гожся войнас Кудымкарö волö  
Кувлытöm разведчик Кузнецов.

Видзöдлыны томлундырся карсö,  
Гудök шыа мусукасянiн.  
Важ мозыс-ö югзьöдöны парма  
Тöдса кодзувъяслөн лыдтöm син?

Коз и пожöm кисö мыччö сылы:  
Сувтлы пö да гажа сёрни пан,  
Парма ёльяс кылөн, коми кылөн  
Лэбачьяскöд варовитышт тан.

Но оз сувт,  
Оз кольччы ловъя вöрас,  
Окота жö эськö,  
Да он босьт:  
Усьöмъяслы весиг война бöрас  
Пөрччыны шынельнысö оз позь.

Но ме тöда, юлö парма ёлысь,  
Парма ловкöд öтлаöдлö лов  
Нэм чöж кежлö Кудымкарса олысь —  
Кувлытöm разведчик Кузнецов.





## Миян ёрт

### ЙЫЛЫСЬ КЫВ

Тавося апрель 21 луно тырис 60 арёс Степан Семёнович Раевскийлы. Должность сертиыс мортыс — Коми книжной издательства директор. Гижысьяслон списокын сылон овыс эм жё — ёртным СССР-са писателъяс Союзса член. Сысыс кындзи на сылон эмось сетом нимъяс — РСФСР-са культура кузя заслуженной работник, Коми АССР-са Государственной премия лауреат. Оти ним пето мод-

сыс, йитчө коймодыскөд, восьто этшсө нельодыслысь... Сидзи век и овло, кор морт зильо водзё, косьо и сяммо восьтыны оломын содтөд сер, сям, кужомлун.

Степан Семёнович чужлис Сыктыв юбокса Межадор сиктын, крестьянин семьяын. Визинса ШКМ помалом бёрын пырис курсъяс выло, кони дасътисны вузё пырны косьысьясөс. И со сийо — Коми пединститутса студент. 1938 воын, Коми пединститут помалом бёрын, том учитель локто Ижмаё. Вогваздін — Уквавом пыр пыськөдчө сийо сэки. Сы водзын воссис педагоглон югид, съокыд, ыло чуксалысь-ызийодысь туй — Степан Семёнович велөдо Мохчаса шор школаын. Кык велөдчан во да ношта толысь — велөдан стажыс. Но мортто ёнодз на помнитоны, тодоны Изваладорын. И, вынсьодны ко нин шуомнымос, позьё пасйыны, мый нималысь журналист А. З. Ануфриев, генерал В. И. Филиппов — С. С. Раевскийлон велөдчысьяс лыдысь жё.

1940 вося сёр арын С. С. Раевский муно армияё. Служито Литваын, граница дорын. Кокъямыс толысь на эз коль — грымөбтис война. Медводдза гымыштомсянныс да бөръя, победной гим шыөдз восьлалис советской воин С. С. Раевский да помалис ратной туйсө Одер ю вылын старшой лейтенантон, торъя дивизионлон штабса начальникон, кор сийо воли Мод Белорусской фронтлон дасөд гвардейской дивизияын. И кор старшой лейтенант С. С. Раевский ас чужан мулань, ас муса Комилань бергодчис чужомбаннас, быттьо вылысь аддзис нель вося съокыд туйсө — отступайтом, наступлениео вуджом, Курской дуга дорын би кусөдом, кыкысь ранитчылөм, Польша му вылын партияо пыром...

Первой да мод степеня Отечественной война орденъяс, «За оборону Советского Заполярья» да «За победу над Германией в Великой Отечественной войне 1941—1945 гг.» медальяс содтөд казътылоны би пыр вуджом вояссө.

Сэксянь лэбовтём 33 воыс ставнас сетёма культурной оломлы, литература вöсна тöждьсьöмлы. КПСС обкомын 5 во чöж инструкторалём, а сэсся век на Коми книжной издательствоын мырсьöм-пессьöм, дерт, колис тыдалана пас.

И кыдзи литература кузя ёрт динö, миян журнал лыддысьяс нимсянь веськöдам шыöдчöмнымöс юбиляр динö: Дона ёрт, друг, Степан Семёнович! Пöсь чолём Тэныд квайт дас вотö тыртан лунö! Ми тöдам Тэнö важөн. Тэ йöзöдлин журналын, газетьясын 40 сайö очерк да статья — торья гижысьяслөн творчество йылысь, коми литература йылысь. Тэ ас кадö комиöдлин гижöдьяссö сэтшöм писателяслысь, кыдзи М. Горький, А. Гайдар, Е. Коковин, Р. Фраерман, В. Тендряков, Н. Жернаков, Г. Красильников, С. Антонов, О. Гончар, М. Жестев, коми-пермяцкöй гижысьяс, мукöд.

15 книга Тэнад комиöдöмөн петавлисны торйөн. Торья уна пöсылун, сьöлём би, вежөр сетин Тэ поснияслы учебникьяс лöсьöдöмлы. Дас во сайын на Тэ лöсьöдлин «Лыддысян книга», а сэсся артмөдин начальной школалы «Шонди югөр», «Асья кыа», «Чужан му» нима книгаяс. Наысь Тэн и вöли сетёма Коми АССР-са Государственной премия, кодi новлö медводдза коми поэт И. А. Куратовлысь ним. Нимкодь тöдчöдны талун, мый воысь-во ассьыд учебник-книгаястö Тэ выльмөдан, мый кыскин-сибöдин тайö удж бердö уна коми писательöс. Дзик öни Тэнад петö «Миян Войвыв» нима книга — I да II классьяслы гортын ашöрысь лыддысьöм вылö. Сöмын литературасö пöся радейтём, быд коми гижöд пыдисянь тöдöм сетис позянлун бөрйыны тайö учебникас сэтшöм произведениеяс, кодьяс тырвийö лöсялöны сöмын на лыддысьны велалём войтырлы. Таысь Тэн бара на пöсь аттьö кыв! Тэнсьыд, запасса вöвлём капитанлысь, мирной уджтö пасйöма «Знак Почёта» орденөн, медальясөн, Почётной грамотаясөн. Тэ уна во дорыв — миян журнал редколлегияса член.

Сиам-вöзьям Тэн, Степан Семёнович, мед некор эн усь ловнад-сьöлёмнад, мед ашөр сямыд-талантыд петкөдчис и водзö тыр вынөн! Важ бур йöзлөн кывьясөн жö и помалам: кузь нэм Тэн да бур шуд!

*Коми АССР-са писательяс Союзлөн правление,  
„Войвыв кодзув“ журналлөн редколлегия*



Виктор КУШМАНОВ

# ВОЙВЫВСА ЮГЫД КОДЗУВ

## Документальной повесть

### ВАЖ ДРУГЯНЬ ПИСЬМӨ

(Водзкыв пыдди)

«Медым не босьтны тиянлысь уна кад, кута гижны дженьыда. Менö шуоны Вениамин Бажуковон. Уджала вузасьом кузя министерстволон гаражын шофёрон. Частö овлө сідз, мый ме пукала руль сайын и аддза — туйсö вуджö военной паськөма морт, и сэки окотá сигналитны сылы да шуны бур, мелі кывъяс. Гашкө, пырсö ті онö гөгөрвоёй менö... А ставыс сын... Ме инö ог öшйы, кор казтыла важсö... Но, ладнö, видла гижны ставсö, кызди вöлі.

Вöлі тайö кызь вит во сайын. Менам пиöй регыд мунас школаö, сэтшöм öдийö лэбö кадыс, а сэки... Сэки меным аслым вöлі сизим арöс. Нелямын витöд во: миян Ниашор посёлокö война вывсянь кутісны локтавны салдатъяс. Миян учительница Раиса Алексеевнакөд öтвылысь веськыда урок вывсянь ми котörtлім туй вылө. Ог төд, кодöс ме виччыси: менам эз вöv ни батьöй, ни мамöй, олі детдомын. Сэні öтчыд меным висьталісны, мый менам бать-мамöй кулөмаöсь, кор ме вöлі зэв на ичöt. Мый, гашкө, оз висьтавны да, думайті ме. А друг локтас батьöй, гимнастёркаа, погонъяса, морöс тырыс дзирдалöны орденъяс... Войнаыс öд помассис нин куим төлысь сайын!

Öтчыд, водз асывнас, детдомö локтіс ыджыд тушаа, кузь шынеля морт. Сійö дыр сёрнитіс миянкөд,

шмонитіс, сэсся босьтіс Боряös, кодкөд ме олі öти жырыын, да муніс. А сёрнитлісны, мый Борялөн батьыс кулөма, а со, вөлөмкө, ловъя, локтіс пныс дорö. Прöстö дыр сійö воюйтіс и водзджыксö эз вермы аддзыны Боряös... Тадз ме олі да надейтчи, виччыси... И эг сöмын öтнамön. Ми виччысим во, кыкөс, витöс... Надейтчим.

Миян медбур книгаясөн вöліны война йылысь книгаяс, медся бур ворсөмön — войнаön ворсөм, медся бур паськөмön — военной паськөм: шынель, гимнастёрка, гөрд звездочкаа шапка. Видзөдлыны кө öні бөрвылө, сійö ылö бөрö кольөм вояс вылас, позьö чайтны, мый менам челядь дырыс вöлі шуштөм, гажтөм. Но ме думайта мөд ног, көть быдтулыс, лым сылөм бөрын, ми ветлывлім муяс вылө корсьны «крахмал» — лым улын төвйөм картофель. Сыысь ми пöжавлім картофель сөчөнъяс. И ме öнөдз на чайта, мый найö вöліны зэв чөскыдöсь. А медглавнöйыс сійö, мый ми велөдчим школаын и виччысим.

Сійö луннас, кор менö примитісны пионерö, ме мыйлакө гөгөрвои, мый батьöй оз нин лок фронт вылысь: война бөрас öд коли куим во. Но сэки аслым шуи: быдма, корся йöзöс, кодъяс төдöны либö төдлісны батьöös, — найö висьталасны меным сы йылысь...

...Колины вояс. Важөн нин ме муні детдомысь, помалі ремесленной училище, — лои бульдозеристөн да шофёрон, гөтраси, öні заочнöя ве-

лѡдча лесотехнической академиян. Онѡ дзѡкѡдз вежсѡ аслам олѡмѡй и йѡзыслѡн олѡмыс. Но век жѡ, менам олѡмын мыйкѡ оз тырмы. Оз тырмы, кыдзи ме онѡ гѡгѡрвоа, важсѡ казы-тылѡмыс да бать вѡсна сѡйѡ тѡждлунныс, кодѡ йѡджѡс менам сѡлѡмѡ ичѡтысянь на. И ме чорыда шуи аслым, мый кута корсьны бать-мамѡс, рѡдвужѡс. Корсьыси дыр. Ме тѡдмалѡ, мый менам бать-мам кулѡмаѡсь, кор меным вѡлѡма ѡкмыс тѡлысь... Сѡсся ѡтчѡд ме бѡсьтѡ отпуск да мунѡ Анастасѡя Ивановна дорѡ — батьлѡн чѡй дорѡ. Олѡс сѡйѡ Троицкѡ-Печорскын.

— А тѡнад ѡд вок эм,— шуѡс сѡйѡ меным.— Лѡняѡн шуѡны, и татысянь оз ылын ов, Судострой посѡлокын.

Ме сѡки жѡ мунѡ вок дорѡ. Сѡйѡ вѡлѡ арлыднас мейсѡ ыджыдджык да тѡдлѡма батьѡс — Васѡлий Ивановѡч Бажуковѡс... А ме сылы висѡталѡ ас олѡм йылысь, челядѡ дѡыр йылысь, детдом йылысь, сы йылысь, кыдзи ми вѡччыслѡм вѡйна вѡвсыань юѡрѡяс, кыдзи ветлѡм вѡйна вылысь локтысь салдатѡяслы вѡча. Сѡйѡ видзѡдѡс ме вылѡ, видзѡдѡс да друг ньѡжѡйѡника меным шуѡ:

— А тѡ ѡд эн весьшѡрѡ вѡччысь вѡйна вѡвсыань юѡрѡяссѡ. Найѡ вермисны вѡны. И весѡг тѡ дорѡ вермис локны морт, кодѡн эськѡ тѡ вермин гордѡитчыны.

Тадзи ме тѡдмалѡ Иван Ивановѡч Бажуков йылысь, батьлѡн вок йылысь, менам дѡдѡ йылысь, кодѡ вѡлѡма оккупируйтѡм Латвѡяын партизанѡяслѡн паськыда нималысь командирѡн.

— А менам и фѡтокарточка эм,— шуѡс Лѡня.— Командѡваниелысь кывкутана ыджыд мог олѡмѡ пѡртѡмысь сылы сетлѡмаѡсь вѡлѡ отпуск да волѡма Троицкѡ-Печорскѡ. Танѡ и снимайтчылѡма. И Лѡня перѡйс вѡжѡдѡм нѡн фѡтокарточка.

— Со сѡйѡ,— индѡс Лѡня,— а орчѡн — сылѡн чѡйясыс. Со Настѡя тѡтяным, код ордын тѡ вѡлѡн...

Сѡсся друг содѡтѡс:

— Шуѡны, сѡйѡ юасьлѡма тѡ йылысь, но, дерт, некѡд абу вермѡма висѡставны...

Ме бергѡдчи мѡдарѡ: кыла, доршасѡ синваѡй.

— Вай, Лѡня, тайѡ фѡтокарточкасѡ меным...

Сѡйѡ, дерт, ставсѡ вѡлѡ гѡгѡрвоѡ да недыр думайтыштѡм бѡрын мѡччыс меным.

Бѡрыннас ме дыр видзѡдлывлѡ тайѡ фѡтография вылас, кѡнѡ вѡлѡ менам дѡдѡ, кодлѡн морѡсас дзѡрдалѡс Ленин орден. Видзѡдѡ, буракѡ, сѡдзи жѡ, кыдзи видзѡдлывлѡсны пѡяныс вѡйна вылын усѡм бѡтыасныслѡн фѡтокарточкаяс вылѡ.

Тадзи, уна во мысти, ме быттѡ аддзи сѡйѡ ыджыдторсѡ, мый меным оз вѡлѡ тырмы. Быттѡ збыльмѡс сѡйѡ, мый ми сѡтшѡм ѡна вѡччысим вѡйна помасѡм бѡрын.

Олѡмыс меным онѡ кутѡс кажѡитчыны дзѡк мѡд ногаѡн, да и унѡтор вылѡ ме видзѡдѡ мѡд ногѡн.

Воддза дорысь меным онѡ ѡнджыка колѡ збыль ыджыд шуд. Сѡсся ме тѡдмалѡ, мый детдомса ѡти детѡнка, кодкѡд ѡтлаын олѡм да пукалѡм ѡти парта сайын, лѡма гѡжысьѡн. И тайѡ детѡнкаыс — тѡ».

**АВТОРСѡЯНЬ:** Дерт, тѡтшѡм пѡсьмѡ бѡрад ми регыд аддзысим Венѡ Бажуковкѡд. Тѡпыда кутчыслѡм, тѡдѡм ѡта-мѡднымѡс, кѡть эськѡ и коли кызь во.

Венѡ петкѡдлѡс меным фѡтокарточка, пѡся шуѡс:

Со менам дѡдѡй, бѡтьѡлѡн вок. Сылы сѡки вѡлѡма кызь кык арѡс. Тшѡтш вѡлѡма сѡйѡ йѡз лыдас, кодѡяс 1941 вѡын дасѡтылѡмаѡсь Зѡяѡс враг тылѡ вуджѡдѡм вылѡ.

— Кутшѡм Зѡяѡс?— юасѡ.

— Кѡсмомѡдѡьянскаяѡс.

— Збыль али мый?— чѡйми ме.—

А помнитѡн, Венѡ, мѡян ѡтрядлѡн вѡлѡ Зѡя Кѡсмомѡдѡьянская ним... Ми тѡдѡм Зѡя йылысь ставсѡ, мый тѡдѡс став мѡрыс, но ми нѡнѡм эгѡ тѡдѡй сы йылысь, мый Ванѡ Бажуков вѡлѡма сѡйѡ повтѡм да вежѡра йѡз лыдысь, кодѡяс велѡдѡсны, ышѡдѡсны пѡдвѡг вылѡ Зѡяѡс.

Ми недыр чѡв олыштѡм. Здук мысти Венѡ юалѡс менсьым, кор ме заводѡта корсьны дѡдѡ йывьсыс унджык юѡр.

— Да лыдды, мый ме заводѡтѡ нѡн,— кѡсѡйыси ме.

Сійо кадсяньыс коли куим во. Ме эг өтчыд ветлы Москваө, Латвияө, аддзысьлі Иван Бажуковлөн да Зоя Космодемьянскаялөн боевөй өртъяскөд — Владимир Карякинкөд, Клава Милорадовакөд да мукөдъяскөд. Аддзысьлі торъя разведывательнөй частьса командир полковник Артур Спрогискөд. Найө отсалісны меным пөртны олөмө челядьдырса друг Венера Бажуковлысь корөмсө. Со тадзи и чужис тайө повестьыс.

**1941 ВОСЯ ИЮЛЬ 27 ЛУН.  
СМОЛЕНСК ҚАРСЯНЬ АСЫВ-  
ВОЙВЫЛЫНДЖЫК, ДНЕПР Ю  
ДОРЫН**

17-өд танкөвөй дивизияысь связь батальонлөн бронемашинаса командирлы, ичөтик тушаа косіник сержантлы, тшөктісны мунны ремонт вылө мастерскөйө. Мунігас нин бронемашинасө сувтөдіс скөр чужөма офицер.

— Коді командирыс машинаас?— юалис майор.

— Старшөй сержант Бажуков!

— Қытчө мунө бронемашинаыс?

— Батальонса командир тшөктіс мунны мастерскөйө ремонт вылө,— вочавидзис Бажуков.

— Мый лои машинаыскөд?— небыдджык нин гөлөсөн юалис майор.

— Башняыс оз бергав...

— Ме тэнө өні недыр кежлө босьта аслам отрядө,— шуис майор Спрогис.— Со тані неылын эм походнөй мастерскөйө. Ме сёрнитча накөд, мед өдйө ремонтируйтісны...

Та вылө сьлөн вөлі право. Майор петкөдліс татшөм документ:

*«Предъявитель сего майор товарищ Спрогис Артур Карлович является особо уполномоченным представителем Военного Совета Западного фронта.*

*Предлагаю командирам частей и соединений Западного фронта оказать всемерное содействие в его работе, а так же обеспечить людским составом, вооружением и другими видами снабжения, необходимыми*

*для выполнения возложенных на него особых поручений. Указания майора Спрогиса А. К. для командиров частей и соединений, связанных с исполнением спецзаданий, являются обязательными.*

*Майору Спрогису и другим лицам по его указанию разрешается переход фронта в любое время.*

*20 июля 1941 года. Начальник штаба Западного фронта генерал-лейтенант МАЛАНДИН».*

Спрогис да Бажуков паныдасісны буретш сәки, кор фашистьяс Днепр ю дорө шыбитісны ыджыд десант, коді босьтіс аслас киө ю во мөн вуджанінъяссө. Днепр ю мөдара рас коли миян быдса кык армия, найө вир кисьтана бойяс нуөдігтыр бөрынтьчисны Смоленсклань. А Смоленск ыпьяліс нин биын. Став туйясыс вөліны тырөсь бөрынтьчысь йөзөн да раненөйясөн...

Ичөтик тушаа сержант Бажуков кызкө пыр жө сьөлөм вылас воис майор Спрогислы, коді кужис регдыя кадөн төдмавны йөзөс...

Спрогислөн разведчикьяс төдмалісны, мый фашистьясөн босьтөм вуджанінсянь веськыдвылынджык эм мөд көрт туй пос. Майор пуксис бронемашина кабинаө младшөй сержант Қаргин местаө, Бажуковкөд орччөн. Час куим мысти, кор петісны неыджыд вөрысь, найө аддзисны көрт туй поскыслысь мыгөрьяссө. Сьөдз вөлі витсө кымын метр. Видзөднысө, пос вылас быттө некод эз вөв, но Бажуков век жө сувтөдіс машинасө.

— Мыйла ми сувтім?— юалис Спрогис.

— Колө век жө видзөдлыны,— тэрмасьтөг шуис Бажуков,— а то лектор вермас лоны. Бөрыннас сёрлоө...

Машинасянь сө кымын метр ылнаын сулаліс өтка керка. Керкасянь таланынджык вижөдіс картупель

му. Спрогис вештіс бинокльсё синъ-  
яс дорсьыс.

— Пос вылас некод абу!  
— Видзодлы, майор ёрт,— мый-  
лакё гусьон шуис Бажуков.  
Картупель коръяс костод налань  
гырддаяс вылас кысис еджыд юр-  
сна детинка. Му вывесьыс чеччытот  
сійо городіс:

— Дядя! Дядя, пос дорас дзеб-  
сисны фашистьяс...

— Сержант, бөр бергөдчы!..  
Эз на удитны бергөдчыны, шко-  
лөбтісны пушкаыс. Кустъяс чегъя-  
ліг да лямөдігтыр, машина бөр пы-  
рис вөрө. Майор син бөжнас видзод-  
ліс Бажуков вылө. Сержантлөн чу-  
жөмыс вөлі спокойной, быттьо сна-  
рядъясыс гыпкисны эз сылөн маши-  
на дорын, а көнкө бокин. Майор ка-  
зяліс, мый шөндісьыс да пөсьсьыс  
гимнастёркаыс сержант вылын ёна  
быгалөма, и сэк жө думыштіс, мый  
сержант, буракө, первой лунсянь-  
ыс фронт вылын.

Июль 28 лунө водз асывнас Спро-  
гис нуөдіс отрядсө атакаө. Вєськы-  
да биа бушков пырыс, лыйсьыс  
өрудиеяс вылө Бажуков нуөдіс ас-

сьыс бронемашинасө. Сы бөрся вөт-  
чисны автоматчикъяс.

Фашистьяслөн окопъяссянь дас  
кымын метр ылнаын Бажуковлөн  
машинаыс өзйис бронебойной сна-  
рядыс. Немецьяс син водзын Ба-  
жуков петіс ыпъялыс машинасыс,  
Каргинөс да пондіс ранитчөм Николай  
асланым окопъяслань. Фашистьяс  
тайөс аддзөм бөрын быттьо шөйө-  
вошлісны, мыйкө дыра кежлө весит  
дугдылісны лыйсьөмысь. Спрогис-  
лөн салдатысыс сідз жө аддзыліс-  
ны тайөс да уськөдчисны атакаө. А  
Бажуков ранитчөм ёртсө сетіс сани-  
таръяслы, бөсьтіс винтовка да вөт-  
чис атакуйтыс боецьяс бөрся. Тайө  
участокыс десантсө вөлі бырөдөма.  
Бой помасьсөм бөрын Спрогис корис  
ассьыс связнойсө:

— Вот мый,— шуис сійө.— Оні  
жө корсьөй да вайөдөй ме дорө ичө-  
тик тушаа сержантсө...

Сотчысь, ыпъялысь му вєсьтөд  
улігі шывгисны кымөръяс. Сотчис  
муыс, ыпъяліс вөр, гораа гөрдлісны  
вөвъяс, туй кузя мунісны помтөм бе-  
женецъяс, раненөйяс. Уна йөз пиысь  
некод эз видзодлы майор вылө.



Партизан-разведчикъяс. Шуйгавивсянь коймөдыс — И. И. Бажуков.

Друг сы водзё кыськё быйкнитіс ічотік тушаа сержант.

— Майор ёрт, тіян корём серти сержант Бажуков локтіс...

— Ыджыд аттё тэныд повтём-лунсыыд да ёртнытё мездёмысь!— лёня шуис майор.

«Коді тайё майорыс?»— мөвпаліс Бажуков. Сійё первойсяныс казяліс Спрогислысь ыджыд пытшкёс вынсё, сылысь вёлясё, весиг йёз вылын властьсё. Ставыс йиркакыліс, потласис, сотчис, и сійё век вёлі откодъ, спокойной, эз тёдчы ни полём, ни шойёвошём.

Кор Бажуков матыстчис Спрогис дорё, майоркөд орччөн сулалысь офицерьяс вешійсны бокё. Сержант тайёс пыр жё казяліс: сідзкё, майор кёсйё сёрнитны сыкөд отнаскөд. Коді тайё мортыс? Разведчик? Да, Бажуков вёлі пёшти прав. Но сійё сэки эз на тёд, мый көрт туй пос дорас тайё бойыс вежас сылысь, Бажуковлысь, водзё олан туйсё, мый өнісянь сылөн заводитчас дзик мөд пөлөс олём-тыш. Сійё эз на тёд, мый тайё зумыд да повтём майорыс сэтшөм йёз лыдысь, кодъяслөн нимьясыс некор кувлытөмөсь.

1919 воын, кор Артур Спрогислы вёлі дас вит арёс, сійё муніс фронт вылө, сизимөд латышской стрелковй полкё, Дикли имениеысь, көні сылөн бать-мамыс батрачитісны немецкөй барон ордын. Артурлөн батыс, Ригаса вагоноремонтной заводысь вөвлөм рабочөй, вёлі сэки большевикөн нин. Вёськавліс сійё и немецкөй пленё, пышйыліс сэтысь, бара воуйтіс...

Артур ачыс тышкасис белогвардеецьяслы паныд Рига да Великие Луки карьяс дорын. Сэсся сійё лоис чекистөн. Дас вит арёсөн чекистөн! Сійё участвуйтё Москваын левөй эсерьяслысь мятеж пөдтөмын. 1920 воын сійёс корё ас дорас Держинский да тшөктё Артурлы: мун велөдчыны!

И сійё мунё велөдчыны. Велөдчө Москваын, комсоставлөн пулемётной курсьяс вылын. Курсантьяс видзёны Кремль... Артур Спрогис вёскалө сэтчө, мый йылысь весиг эз кужлы думыштлыны. Сійё сулалө пост вылын Владимир Ильич Ле-

нинлөн квартира дорын, весиг некымынысь сёрнитлө сыкөд. 1920 вося арын Спрогис мунё Врангельлөн белөй армия тылө. Сэсся тышкасьё батько Махнолөн бандаяслы паныд. И бөр локтё водзё велөдчыны. Тайё пөрийё сійё помалё ВЦИК-лысь военной школа, сэсся сійёс ыстёны граница дорё взводса командирөн.

Кольёны вояс. 1936 воын, ГПУ-лысь Высшөй пограничной школа помалөм бөрын, сійё мунё воуйтны Испанияё, тышкасьё Марага, Гвадалахара, Мадрид дорын. Сэні сійё — разведка кузя сөветник, партизанской диверсионной отрядын командир. Частё аддзысьлө Матэ Залкакөд...

...— Со мый, сержант...— нёжйөнник шуис Спрогис.— Тайё бойсыс ми корим тіянос наградитны. Сэсся со ещө мый,— водзё шуис Спрогис.— Ме, кызди фронтса Военной Сөветысь уполномоченной, кори тіянос мян разведывательно-партизанской диверсионной частьё... Думыштлөй та йылысь... Уджыс мян зэв өпасной... Локтанныд-кө, сөмын ас вөляысь... Мырдөн ог кор...

Бажуков пыр жё сөгласитчис. Сы бөрын, кор Спрогис аддзыліс Бажуковёс бойын, сэсся сэні, көні Спрогис гөтөвитіс враг тылө мөдөдөм вылө группаяс, майор некор эз вунөдлы сержант йылысь. Бажуков велөдіс тані боецьясөс подрывной делө, кытчөдз асьсө эз ыстыны ыджыд группакөд враг тылө диверсияс вөчөм могысь.

## МОСКВА. БОЛЬШОЙ ГНЕЗДНИКОВСКИЙ ПЕРЕУЛОК. 1971 ВО

Артур Карлович Спрогислөн гортас кабинетыс ыджыд. Зарни рамкаяс пиын уна картинаяс. Важ, ыджыд мыгөрьяса, но мича мебель. Стенын часыс кучкалө дасысь.

— Печора вылысь, Бажуковлөн ю вылысь, йиыс эз на вөрзы? Эз? А Москваын со корьяс нин потласьёны...

Здук-мөд мыйкө думайтыштіс. Юрыс ыджыд, юрсиыс дзор, чужо-мыс повтём мортлөн. Синьясыс...

Татшөм синъясыс овлоны сомын том йөзлөн, и то оз быдөнлөн. Кор тэ видзөдлан сылы синъясас, первойсө быттьө полан, но сэсса велалан: найө быттьө гажая нюмъөвтöны тэныд, и тэ пыр жö быдторйын кутан эскыны сылы.

— Висьтавын Бажуков йылысь? Видла... Ичөтик тушаа... Сувтöдны кө стройö, то сийö веськаліс эськө медбöрас, либö медбөръяяс лыдö... А менам частын (а сэнi вöлі кык тысяча кымын морт) сийö вöлі медводзын. Ригаын Володя Карякин правильнö тэныд висьталöма, мый частын сийö вöлі югыд кодзулөн... Шуöны, мый гувывса памятникас сiдзи и гижöма — войывса югыд кодзув! Миян частын сылы, медводзаяс лыдын, сетисны боевöй орден. Да, ещö уси тöд вылö... Вылыс воддза пиньясыс сылөн ставыс вöлі тэчöма. Финскöй война вылын, рукопашнöйын, ачыс висьтавліс, зяткылöмабсь. Кор ме чолöмалі сийöс наградаөн да сеті дас лун кежлö отпуск (враг тылын уджалöм бöрын боецьяс шойчисны дачаын), сийö корис лэдзлыны гортас, Печораö... Но кутшöм сёрни сэки вермис лоны отпуск йылысь, сэки 1941 вося арын, кор фашистьяс сэтшöма зыртчисны Москваö?

Но сийö заслужитіс отпускö, и ме шуи сылы: «Иван, тэныд кө тырмас öтар туй вылас нель лун да мöдарас нель лун, верман гортад овны кык лун. А ковмас кө мунны вит лун, да бөр локны вит лун,— гортад овны сета сомын кык час. Ни öти минут унджык ог сет...»

Муніс Иван Бажуков гортас. Морöсас дзирдалö выль орден. А кык лун мысти войнас менö садьмöдіс телефон звöнок. Комисьянь звöнитіс военнöй прокурор. Сiдз пö и сiдз, кутім пö диверсантöс. Документьясыс — ставыс лючки. Менö быттьө көдзыд ваөн киськалісны. Унмöй пыр жö воши. Думайтa, Иван оз удит гортас ветлыны... Но öд и прокурорöс позьö гөгөрвоны. Кадыс кутшöм вöлі... Ме спокойнöя висьталі сылы, мый Бажуков — медбур командирьяс пиысь öти, медбур разведчикьяс пиысь öти, мунö гортас отпускö. Та бöрын мортыдлы сетö-

маось легкөвöй машина... Кыдз муніс Троицко-Печорскöдз — ог тöд, но гортас олöма куим лун.

Троицко-Печорскын лөнъ улица. Керкаясыс жмитчöмабсь Мылва ю бердö. Уна во мысти тайö уличаыс кутас шусыны сы нимөн. А öнi йирксö сылөн сьөлöмыс. Гортын! Ыпьялан би пиысь и — гортö... Вот вот кильчö вылö петас чуқырöсь чужöма, ичөтик тушаа, пöрысиник нывбаба, уськөдчас сылы морöс вылас — мамыс! Со öшинь улас топалöм турун зорöд, бокинджык сямöд черпушкаа юкмöс... Вуджис потшöс вомөн... Ставыс на важ местаын: керкаыс, пывсяныс, пес чипас... Уна во мысти тайö керка стенас öшöдасны уклад пöв, кытчö гижасны: «Тані чужис да быдмис повтöм партизанразведчик Иван Иванович Бажуков...»

...Öшинь пырыс первой аддзис сiйöс Настя, сылөн чойыс... Сэсса и мамыс. О, Иван, дзоньвидза, ловья! Кутыштліс мамсö, Настябсь! Кок дінас гартчö, никсö, чеччалö Лыско понйыс. Тöдіс... Пыр жö локталісны керка тырыс суседьясыс. Пöчьяс, челядь, нывбабаяс. Иван киас босьтö гудök. Юргöны коми сыланкывьяс. Иван кө оз шогсы, Иван кө йöктö да сералö, сийöс кө нин татшöм сьокыд кадö лэдзисны отпускö куим лун кежлö, сiдзкö, абу нин сэтшöм страшнöй немецыс.

Аски асывнас Иван мунö «Печораса вөрлэдзысь» районнöй газет редакцияö, көні сийö войнадз уджаліс ответственнöй секретарөн. Редакцияын сомын кык морт: висысь сьөлöма редактор да пöрысь корректор.

— Ловья фашистсö аддзылін? — аслас вöвлöм уджалысьлысь юалö редактор.

— Сiдз жö, кызди тэнö,— шуö Иван.

— Мый, пленын вöлін? — шемöсмö редактор.

— Эг. Ачым босьті пленö офицерöс. Москвадз вайöді... А «пленö» ме веськалі тані, Княжпогостын. Чеччöдісны поездысь и некызди оз эскыны, мый ме Бажуков, документьяслы оз эскыны. Кык сутки

пукөдісны каталажкаын сөйтөг... зато пөттөдз узи.

Синвасө чышкалігтыр, редактор сералө, сэсса кутчысьö сьөлөмас, бледөдө. Иван пуксьөдө улөс вылө, сетө ва стөкан.

— Вай висьтав,— шуө редактор,— мыйысь сетісны орденсө, ме гижастатья, землякъясыдлы лоө нимкодь.— Бажуков чөв ланьтіс, сэсса ньөжйөник шуис:

— Тэ эн дөзмы, но тайөс вөчны оз позь..

Сэсса недыр мысти содтіс: «Өні оз на позь...»

— Гөгөрвои!— шуис редактор.— Ставсө гөгөрвои. Ок, кызди ме тэныд вежала...— И чужөмыс бара кельдөдіс:

— Гөгөрвоан, мыйөн тулыс лоис, дзикөдз торксис сьөлөмөй.

Прөщайтчигас найө кутчысьлісны да окасисны.

## 1941 ВОСЯ СЕНТЯБРЬ

Тані эз эскыссы, мый көнкө муніс война. Шөпкөдчисны пуяслөн корьяс. Гөпьясын, тыясын ваыс важ моз вөлі лөз. Пуяс костө кысьөмаөсь черань везьяс. Сөмын енэжас, вылын, өшалісны аэростатьяс, найө висьталісны сы йылысь, мый тайө аслыспөлөс арся мичлунас пырис мыйкө ковтөмтор, коді өз лөсяв лөнь ывла вылыслы — страшнөй война...

Тані, паркын, том нывьяс да зоньяс велөдчөны воюйтны, медым тышкасьны враг тылын. А тылыс дзик нин матын. Гөжөмнас кокниа шедөдөм вермөмъясысь ышалөмөн, фашистьяс мый вынсьыс пискөдчисны столицаө. Фашистьяс оз төдны, мый некымын лун мысти веськыда ыджыд танкөвөй соединение пытшкө мян мөдөдчас том йөзысь неыджыд группа, коді кутас жуглыны посьяс, орьөдлыны телефон проводьяс, вөчавны мукөд диверсияяс. Найө жө дзугласны туй индалысь стрелкаяс, кодьяс серти фашистьяслөн танкьяс мунасны дзик мөдлаө. А өні найө пока танөсь на. Старшина Бажуков (сылы сетісны татшөм звание)

петкөдлө боецьяслы, кыз колө вөдитчыны штыкөн, нуөдны штыкөвөй бой.

— А мый тэ кутан вөчны, уськөдчас кө овчарка пон? Шуам — лыйсьыны оз позь... Неылын — фашистьяс...— Воссьө будка өдзөс, и Бажуков вылө уськөдчө та вылө велөдөм скөр пон. Но старшина пырысь-пыр жө чергөдө сійөс. Сэсса Бажуков велөдө, кызди пуктавны противотанкөвөй минаяс. Чужөмыс сылөн зумыш, но кор нюмъялө, сійөс сьөкыд торйөдны комсомолецьясысь, кодьясөс дыр да бура бөрийөм бөрын босьтісны Спрогислөн частьө. Наысь сійө ыджыдджык вөлі вит-өквайт арөсөн, но вөлі нин уна бойясын.

Төрытья школьникьяс да студентьяс Аня Юдина, Маша Водопьянова, Маша Голевтюкова, Володя Карякин, Аня Мартынова, Зоя Космодемьянская да унаөн мукөдьяс, кодьясөс ми огө на төдөй, но налөн нимныс бөрынджык лоас на кувтөмөн, кодьяс ассьыныс олөмнысө сетасны Рөдина вөсна. Тані — сійө йөзыс, кодьяслөн нимьясыс лоисны легендаөн, сійө йөзыс, кодьяс йылысь унатор на колө төдмавны.

Коді веськавліс тайө частьө, быдөнкөд торйөн сөрнитліс ачыс Спрогис да ВЛКСМ городскөй комитетса первой секретарь. Том йөзкөд сөрнитігөн найө оз дзевны, мый враг тылын лоө вывті сьөкыд.

— Тэныд жө сөмын дас сизим арөс!— шуисны Владимир Карякинлы.

«Жаль, мый ме сэки эг төд, мый Спрогис дас вит арөсөн вөлі нин гражданскөй война вылын, а то эськө ме сылы вочавидзи»,— шуліс бөрынджык Володя Карякин.

Но Спрогис, буракө, ас ногөн думайтіс та йылысь, и сөмын содтіс:

— Сэтысянь, кытчө ми тіянөс мөдөдам, бөрсө воөны этшаөн...

— Дась пөртны олөмө комсомолысь любөй задание,— вочавидзис Карякин.

Тадзи босьтісны сійөс Спрогис частьө. Бажуковөс тадзи эз прөверайтлыны. Кызди ми төдам нин, сылы

прöverкaнaс вöли кöрт туй дорын кoсь.

Кор враг тылö вуджöдöм вылö Володя Карякинöс индiсны лейтенант Новиков группаö, сылы лоис нимкодь. Сы вöсна мый сийö жö группаас вöли и Иван Бажуков.

## 1971 ВО. РИГА. ХУДОЖНИК ВЛАДИМИР КАРЯКИНЛÖН ВИСЬТ

Ми чеччыштим самолётъысь парашютъясöн Сухиничи дорö. Миян ичöтик отряд регыд мысти зев ёна ыдждiс: сэни лоис 600 кымын морт. Но тайö аслыссяма часть. Окружениеысь петъысь торъя группаяс либö частьяс кö зiлисны не паныдасыны фашистъяскöд, медым регыдджык петны асланымладорö, то ми мöдарö — зiлим частöджык паныдасыны немецъяскöд. Миян вöли сэтшöм мог: кöть час кежлö, кöть лун кежлö кутны Москвалань немецъяслысь мунöмсö. Тадзи ми öтчыд паныдасим немецкöй танкöвöй дивизиякöд.

Сьöкыд, вир кисьтана бой бöрын, кодi кыссис пöшти сутки чöж, отрядын йöзыс коли этша. Сийö командиръяс лыдас, кодъяс отрядлысь коляссö петкöдiсны асланым йöз дорö, вöли и Иван Бажуков.

Первойсö ми петим партизанъяс дорö, а сэсся сысянь нин миянöс мöдöдiсны Москваö...

А таöдз на, кор ми писькöдчим партизанъяс дорö, лои сэтшöмтор, мый йылысь ми бöрыннас дыр кызьтылим сералiгтыр.

Öтчыд, кор ми петим нин враг кытшысь, сотчöм сикт местаысь аддзим мöс. Гөгöр — некутшöм ловъя лов, сöмын öти мöс. Бажуков да Новиков нуисны раненöйöс, менам гöтыр Аня — рация да боеприпасъяс, а ме — автоматъяс.

— Вай меным автоматъястö, и ачыд мөссö вöтлы. Партизанъяслы сийö згöдитчас, — шуö Бажуков.

— Ладнö, — вочавидзи ме.

Но мöккыс сулалö, быттьö вужъясьöма, места вывсьыс оз вöрзъы. Сийö, буракö, снарядыяс шковгöмысь, лыйсьöм шыысь вежöрсö вош-

тöма, видзöдö öтилаö и оз вöрзъы местасыс. Кыла, ылисянь нин Бажуков горзö меным:

— Тэ сийöс, Володя, бöжöдыс кыскы. Бöжсö гарт киад да сiдз кыскы. Пыр жö котöртас.

И со ме, нэм чöж карын олысь, немтор тöдтöгыд, кутi гартны бöжсö киö. Водзын ставөн вак-вакөн сералöны, весиг нöсилкаяс вылын раненöйяс, а Аня сералöмысла уси кок йывсьыс... Немецъяс ми бöрся вöтчöны, думайта, а найö ме вылын, боевöй разведчик вылын, сералöны. Кытчö тайö лöсялö, меным зев öбиднö. И мый ти чайтанныд? И друг, бöжнас öвтчигтыр, мöскыд уськöдчис котöртны йöз бöрся. Сэксянь, кöни кöть ми эгö вöлöй, разведчикъяс частö серавлисны ме вылын:

— Володя, вай висьтав, кызди тэ мöскыслысь бöжсö киад гартлин?

...Сёрнитим дыр. Художник ланьтiс. Сэсся ми пуксим сьлөн «Москвич» машинаö да муним море дорö. Сэни пукалим пöрöдöм пыж вылын.

— Вöрзöдiн тэ сьлöмöс менсьым, — шуис сийö. — Сэсся неуна чöv олыштöм бöрын тэрыба содтiс:

— Москваын, Песчанöй улича вылын, олö Клавдия Александровна Милорадова, Зоя Космодемьянскаялөн ловйөн кольöм дзик öти пöдруга. Сийö вöли группаын, кодöс гöтöвитiс враг тылö мöдöдöм вылö Иван Бажуков... Ми öни босьтам самолётö билет да лэбам Клава дорö.

## МОСКВА. ПЕСЧАНÖЙ УЛИЧА. 1971 ВОСЯ МАЙ 12 ЛУН

Неыджыд гажа квартира. Карякин да Клава уськöдчисны öта-мöд дораныс, кутчысьлöны, бöрдöны. Кодi оз тöд, кызди аддзысьлöны важ боевöй другъяс? Тайö здукас вунöдöны арлыд йылысь, томмöны, казътылöны важсö, томлунсö, ёртъяссö, налысь сёрнисö, гөлөссö... Лунтыр ми пукалим Клавдия Александровна ордын. Сьлөн — дзирдалысь сьöд юрси, сюсь синъяс, кöть и олöма нин, но статя.

— Висьталöй мыйкö Зоя йылысь, — кора ме. Сийö восьтö книж-

нӱй шкап да перӱй сэтӱс папка. Со танӱ менам кутшӱмсюрӱ пасӱӱдӱяс... Гижи тайӱс ме газетӱ... Найӱс мыйлакӱ эз на йӱӱдны... Верманныд тӱдмасыны.

## КЛАВА МИЛОРАДОВАЛӱН ПАСӱӱДӱЯСЫСӱ

Кодкӱ ӱдзӱсӱ таркӱдыштӱс. Пырис шӱркӱдӱ тушаа, олӱма морт. Сӱйӱ чолӱмалӱс миянӱс партизанскӱй отрядӱ воӱмӱн. Татысянӱ ичӱтик группаясӱн ми кутам ветлывны заданиеяс вылӱ, чукӱртавны прӱтивник йылысы сведениеяс, жуглыны налысы коммуникацияяс. Нывӱясысы, кодӱяслӱн вӱлӱ кузь кӱса, тшӱктӱсны кольны сӱдзи — миянлы колӱ лоны татчӱс олысыяс кодӱн.

Талун сдӱйтӱм комсомольскӱй билетӱяс. Некутшӱм бумага, документӱяс сӱӱрысы босытны оз позы. Ковмас кӱ, сетасыны мукӱд документӱяс.

Бара кутӱм велӱдчыны. Асывсыанӱ сӱр рытӱдз, ӱти преподаватель вежӱ мӱдӱс. Куим лун чӱжӱн велалӱм сымындатор вӱчны, мый мирнӱй кадӱ та вылӱ ковмас эсыкӱ быдса тӱлысы.

Ноябрь нӱльӱд лунӱ асывнас Зоя Космодемьянскаяӱс, Лида Королеваӱс, Валя Зоричеваӱс да менӱ корисны торӱя жырӱйӱ. Отрядса командир да комиссар тӱдмӱдӱсны миянӱс группаса командир Соколовкӱд.

Сэсыя сеталӱсны миянлы ӱружие. Меным сетӱсны пистолет. Сӱйӱ сэтшӱм ичӱт, чача кодӱ. Ёртӱяс кутӱсны шуны сӱйӱс «гут виалан» машинаӱн. ӱбидитчи весиг.

Нинӱм, зато бӱрынджык командир сетӱс меным дзык выль наган, кутшӱм вӱлӱ Зоялӱн.

...Комнатаын ми кыкӱнӱсӱ: Зоя да ме. Сӱйӱ пукалӱ койка вылын да разӱ-чукӱртӱ наган. Воссис ӱдзӱс, пырис Оля Бурова.

— Зоя, мый тӱ пыр видлалан нагантӱ?

— Велавны колӱ... Ковмас кӱ, мед войнас позис разны-чукӱртны.

Сэсыя миянлы сетӱсны тол, минаяс, гранатаяс. Нӱпӱй тӱчим сукар, мукӱд сӱян-юан, «ӱж-колючкаяс», кодӱс миянлы колӱ шыблавны туйяс

вылӱ враг тылын. Тайӱ колючкаясы, кыдзи кӱтӱ найӱс эн шыблав, ӱсы йывнас век видзӱдӱны вывланӱ. Найӱ розӱйӱдлӱны фашистскӱй машинаяслысы шинаяссӱ.

Луннас нӱпӱяснымӱс тӱчим машинаӱ, пуксялӱм асыным. Локтӱсны командир да комиссар. Бӱрӱя прӱщайтчан кывӱяс.

— Кутчысыӱй, уджалӱй комсомолецӱяс моз. Снам бура бӱр воны.

Сэсыя, бытгӱ команда серти, заводитам сывны:

«Дан приказ: ему на Запад...»

...ӱдӱй пемдӱ. Машинаяс мунӱны нӱжӱй, частӱ сувтлывлӱны — туйыс зӱв лӱк. Пырим ичӱтик сиктӱ, сӱнӱ сӱмын некымын керка. Шуӱма — не разӱдчыны. Пукалам, виччысям. Со локтӱс старшӱй лейтенант.

— Чеччалӱй. Пырӱй тайӱ керкаас. Узны танӱ кутам...

Сӱӱлӱмӱяс вылын лоис кыпиджык. Кӱзӱйка заводитӱс пуны картупель, керкаас жар. Джоджас вольсалӱм идзас, ужнайтӱм пуӱм пӱсы картупельӱн да калбасӱн. Водӱм и пыр жӱ унмовсим.

Кильчӱ вылӱ старшӱй лейтенант сувтӱдӱс часӱвӱйясӱс. Регыд и меным лон сувтны. Сулала, кывзысы, кыдзи фронт вылын лыйсыӱны. Часы кысыӱ кузя. Менӱ вежас Зоя. Пыри керкаӱ, корси сӱйӱс — узӱ лӱня, юр улас пуктӱма княссӱ. Сӱмын на кӱсыя инмӱдчыны, Зоя восьтӱ синӱяссӱ.

— Пост вылӱ!

— Ме дасы...

Петӱм кильчӱ вылӱ.

— Кокныда тӱ узян. Чайта вӱлӱ, мый он садӱмӱд.

— Да, ме виччыси нин...

Асывнас бара пуксялӱм машинаясӱ. Зоя зумыш, сӱрнитӱ этша, мыйкӱ зӱв ӱна думайтӱ.

Рытнас воим индӱм местаӱ, передӱвӱй вылӱ. Тешкодӱ кӱтӱ абу, но сӱнӱ — шы ни тӱв, лӱнь.

Бӱрын некымын бипур, сӱнӱ шонтысыӱны красноармеецӱяс.

— Кытысы локтӱнныд? — юасыӱны. Кор тӱдмалӱсны, мый Москваысы, варовмисны.

— Кыдз нин сӱнӱ Москва-матушкаыс? Сӱкыд, кӱнкӱ?

Пансис кузь сёрни. Зоя висьталіс, кызди сійö кусöдалöма зажигательной бомбаяс. Öти боец юаліс Зоялысь:

— А тэ коді? Медсестра?

— Абу мöй öткодъ, көть коді? Войнаöдз öкмысöд класс помалі, дасöдö вуджи.

— Школьница, сідзкö... Мый нö, чайтанныд асьным огö справитчöй, тшöтш и ті локтінныд?

— Ми комсомолкаяс...

Боецъяс тыр синмөн видзöдöны миян вылö. Сійö, коді юасис Москва йылысь, бедьöн гудралыштіс бипурсö, кутіс перъявны пöжалöм картупель. Сылань нюжöдчисны уна кияс, но сійö ньöжйöник öлöдіс:

— Ребята, эн вөрöдöй... Нывъяссö гөститöдам. Кор на ещö видласны найö татшöм чöскыдторсö...

Öдйö пемдö. Тшöктісны кусöдны бипуръяс. Локтіс старшöй лейтенант, сыкөд кык боец-разведчик, кодъяс нуöдасны миянöс фронт вомөн. Сетöмаöсь задание группаса командирлы. Тöдмалім, мый миянлы ковмас минируйтны Ново-Петровкаö нуысь туй, туйяс вылö шыблавны «ёж-колючкаяс», жуглыны врагысь техника.

...Войнас разведчикъяс миянöс вуджöдісны фронт вомөн. Пуксим шойччыны. Менам вöлі ичöтик тубрастор, кодöс мунігөн на сетісны ребята. Рази сійöс.

— Мый тайö?— юалö Зоя.

— На, босьт, юк ставөнлы.

Сэні вöлöма öти яблög, шоколад плитка. Колö юкны дас кык морт вылö.

— Тані ещö записка эм, но сійöс лыддям югдас да. Зоя ставсö юкис дас кык пельö.

...Сэсся нывъяс мунісны шыблавны туйяс вылö «ёж-колючкаяс». А ми мунам Ново-Петровка туйлань. Сэні оръявлытöг ветлöны машинаяс, нуалöны фронтлы боеприпасьяс. Колö сюся кыйöдны сійö дженъыдик костсö, кор машинаяс абуöсь, да удитны пуктыны минаяс. А минаяс-ыд миян капризнöйöсь, колö вöдитчыны видзчысьмөн, а то верман костті лэбны сынöдас.

...Ноябрь квайтöд лун. Нельöн мунісны шоссе вылö, мукöдыслы тшöк-

тісны шойччыны. Кажитчö, быттьö эгö на и унатор вöчöй, а сэтшöма мудзсьöма, кок йывсьыд уськөдö, унмыд личкö. Быд час мысти вежласям пост вылö, узям куш кын му вылас, а юр улын, пöдушка пыдди, нопъясным. Садьмөдіс көнкö друг гымöбтöм шы.

— Со сэні,— часöвöй индіс рытив-лунвылö.

— Коді нö? Гашкö, миян йöз?

— Коді нö ещö вермас лоны. Тані, буракö, миянысь кындзи некод абу.

Зоя мыйлакö менам пельö шöпкөдіс:

— Тэ нинöм он тöд... Ми кодъыс тані унаөн-унаөн... Ми прöстö накөд эгö на паныдасьлöй. Ме чайта, öні некод оз вермы лöня пукавны гортас.

Гымöбтöм бöрас час мысти кымын локтісны миян боецъяс. Вой шөр кад, воис ноябрь сизимöд лун.

— Тіян уджыс, ребята?— юасям.

— А кодлөн нö? Ок и бур машина фашистъяслысь пазьнитім.

Сэсся лөсьöдам праздничной ужин ли завтрак ли. Нопъясысь перъялім медся чöскыдторъяссö — сукар, калбас, печенньö, весиг некымын яблög на вöлöма. Гораа сёрнитны оз позь, непöштö шумитны, но ставным шöпкөдам «Ура», и сьölöм вылын ставнымлөн нимкодъ.

...Миянлы сетісны выль задание. Мунігөн нин командир корис ас дорас менö да Зояöс.

— Инда тіянöс передöвöй разъездö... Мунöй водзö километр кык... Сэні — паськыд гөрöм му, и му вомöныс мунö туй. Дзесбсьöй да наблюдайтöй. Космодемьянская бөр татчö локтас, а ті час кымын сэні виччысьöй.

Му дорас петім регыд мысти. Первойсö вöлі шоныд, сэсся кутісны кынмыны кокъясным. Туй кузяыс гитлеровецъяс кыскалісны вöлөн турун. Найö мунöны доддьыскөд орччөн, ас костаныс гораа сёрнитöны, йöктöны-чеччалöны, буракö, кокъяснысö шонтöны.

Кор бөр локті отрядö, вöлі дзик нин пемыд. Зоя сетіс меным сукар да кос вобла джын.

— Ме нин повзи, эз-ö, мися, мый-

кө ло, дыр эн лок да... Көнкө сыланьын лыйсисны...

— Эз сэни, Зоя; лыйсисны көнкө шуйгавылынджык и месянь ылын.

...И со ми бара нин туйынось, разведкаын. Мунігөн орийодлам телефон проводъяс.

Лунсө коллялім вөрын. Фашистьяс дзик матынось. Ызгөны, лыйсьоны ылөсас. Орчөн мунө туй, сәті люзгөны вөла обозъяс, машинаяс. Мыйөн пемдіс — лөнис, эз кутны ветлыны. Войнас вуджим туйсө да мунім ичөтик сикт дорті. Сиктас, кылө, фашистьяс пируйтөны, гораа сьылөны.

Кор пуксим шойччыны, Зоя матыстчис ме дорө.

— Помнитан, ме көсий тэныд висьтавны өти морт йылысь, коді нинөмысь эз повлы?

— Да, помнита...

— Тайө вөлі революция воясө... Украинаса өти сиктын оліс партизанка-ныв Тая Соломаха. Сійөс кутісны белякъяс, страшнөя мучитісны, но сійө партизанъясөс эз вузав. Интереснө, вермаог ме сідзсө?..

— Булыгина, Милорадова, командир дорө,— кылө шөпкөдөм, сэсса бара прөщайтчим.

— Кытчө нин мунанныд? Бур туй, сідзкө,— Зоя топыда кутлө менсьым киөс.

...Ме сэки эг на төд, мый медбөръяысь аддза Зоя Космодемьянскаяөс...

Компас серти босьтім мунан визь. Мунам видзчысьөмөн, лөня, сёрнитөг. Сэсса мөдім мунны өдйөджык, медым регыджык локны бөр. Көнкө чегис ув, чеччыштім бокө, чужөмө швачкис пөнарысь би югөр. Кезжим бокө, котортам. Виччыся мыш сайсянь лыйөм, но некод оз лый, сөмын кылө — ми бөрся вөтчөны. Гөгөрвоа, колө нуөдны фашистьясөс бокө, лагерысь ылөджык...

Сөмын кык сутки мысти ми бөр воим отрядө. А недель мысти воис Борис Крайнов да висьталіс, мый Зояөс кутісны фашистьяс.

...Со ми бара нин локтам выль задание вылысь, кынмөмаөсь, тшыгөсь, мудзөсь... Задание пөртім олөмө, но

кутшөм донөн! Миянкөд абу нин 18 арөса Павел Проворов, абу нин 16 арөса Володя Гуськов, абу нин Миша Донской. Көнөсь найө? Локтасны оз? Найө тупкисны миян группалысь бөрынтьчөмсө, вөлі чорыдысь-чорыд бой...

И со ми вөрынось. Кык недель чөжөн первойысь пестім бипур, шонтам йизьөм консерв банкаяс. Но сьөлөмъяс вылын быдөнлөн шог. Наташа Пономарева көртавлө бинтөн кынтөм кияс, кыза мавталө кынтөминъяссө мазьөн. Санбат блиндажын миянлы вайисны газетъяс. Киө босьті «Правда». Сэни эм «Тая» нима статья. Гораа лыддя, воисійө местаөдзис, көні төдтөм ныв висьтасьө Таяөн, друг Борис Крайнов горөдө.

— Мый тэ лыддян? Кутшөм Татьяна? Сійө жө миян Зоя, правильнө лыдды.

— А ме правильнө и лыддя, видзөд ачюд, мый гижөма — Татьяна...

Видзөдам снимок вылас, кодкө шуө:— «Сійө», мөд шуө — «Абу сійө». Газетсө шуим аскөдным нуны отрядө, петкөдлыны командирлы.

Кык недель чөж ми ветлім лыжияс вылын, и өні, бөр гортө воөм бөрын, подөн мунны быттьөкө тешкодь.

...Февраль 3-өд лунө, завтрак бөрын, отрядса командир корис менө да Борис Крайновөс, тшөктіс пасьтасьны да петны ывлаө. Сэни миянөс виччысисны легкөвөй машинаяс. Миянөс вайөдісны кутшөмкө ыджыд керка дорө.

Отрядса командир да горкомса секретарь пырисны керкаас, а миянлы машинаяс дорысь ылө мунны эз тшөктыны.

Миян дорө матыстчисны кывбаба да зонка, том морт. Пыр жө казялі, кутшөма вөлі мунө зонкаыс Зоя ылө!..

— Тэ Клава?— юалис том морт.

— Да.

— А ме Саша, Зоялөн вок...

— Ме гөгөрвои нин...

— Мама көсийө тіянкөд төдмасьны...

Зоялөн мамыс том на. Чужөмыс

сэтшөм жö, кутшөм Зоялөн да Шу-  
ралөн.

Бара пуксям машинаясö. Ньöжийö-  
ник мунам Минскöй шоссе кузя.  
Сэсся петам просёлочнöй туй вылö...  
Туйыс лёк, машина сунласьö гуран-  
ысь гуранö. Со водзын тыдалöны  
керкаяс. Сиктас пыранінын сулалö  
сюръя, кытчö тувъялөм пöв вылö не-  
мецкöй кывиён гижöма «Петрище-  
во».

Коймөд керка дорас сувтім, сэсся  
мунам школа дорö. Сэні кодйөм гу  
дорын кытыськö нетшыштөм öдзöс  
вылын куйлö Зоя.

Мамыс Зоялөн пидзöсчань вылас  
сулалö ныв дорас, шог синъясөн ви-  
дзöдö дона чужöмас да юрси пытш-  
сьыс перъялö лым комокъяс, ма-  
лалö чужöмсö.

Шура зумыша сулалö ме дорын,  
топыда кутчысьöма менам киö — та-  
дзи ми сёрнитчим — медым не бөр-  
дны да дзикöдз не нормöдны мамсö.  
А ме кутчысьны век жö ог вермы, да  
синвайö сідзи и тюрö банбокъяс-  
öд — некыдз дугдыны ог вермы...

...Рытнас сёрөн нин, кор Москва  
пасьталаын дзирдалісны югид бияс,  
Клавдия Александровна петіс мян-  
нös колльöдны. Ме көсья ещö мыйкö  
юавны, но ог тöд, кызди да мый. Но  
век жö юалі сылысь, тöдліс-ö Бажу-  
ков Зояös. «О господи,— чуймис  
Милорадова,— кызди нö эз тöдлы!..  
Ми сійös ставным тöдлім зэв бура,  
ёна пыдди пуктылім... Да, ещö со  
мый,— казътылö Милорадова.— Бо-  
рис Крайновлөн группаыс, көні вöлі  
Зоя, да Иван Бажуковлөн группаыс  
мунісны враг тылö задание вылö  
öти лунö. И Бажуков группаын вöлі-  
ны нывьяс — Аня Юдина да Маша  
Водопьянова. Мунім кык грузövöй  
машинаөн. Сэки ещö Зоя мыйлакö  
сорассис машинаяснас да пуксис  
Бажуков машинаö. Ми горзам сы-  
лы:

— Зоя, лок татчö... Сійö абу мян  
машинаыс... А сійö, асланым маши-  
наö пуксигөн, сералö: тані пö бокö-  
вöйыс абу, ставным ас йöз... Миянös  
нуисны Обуховолань, а Бажуковлөн  
группаыс вуджис фронтсö веськыд-  
вылынджык... Зоя пöгибнитөм бö-  
рын Бажуков зэв ёна шогсис, шуліс:  
«Көнкö öд дзик орччөн вöлім...»

Сійö кадас мян частъысь ку-  
тшөмкö тöдтөм поэт вöлі гижöма  
сьыланкыв.

Слушают отряды песню фронтовую,  
Сдвинутые брови, твердые сердца.  
Родина послала в бурю огневую,  
К бою снарядили верно бойца...

— Зояös дзебөм водзвылын менö  
корис Спрогис,— Клавдия Алексан-  
дровнакөд прöщайтчөм бöрын шуис  
Карякин.— Шуö: тэныд пö, другö,  
срочнöй боевöй задание. Сійös пö  
верман вöчны сöмын тэ... И тшöктіс  
рисуйтны Зоялысь портрет... Кутам  
пö нуны горт водзвылас, мед мос-  
квичьяс тöдісны героиньяös.

Ме, дерт, рисуйті память серти,  
фотокарточкаяс менам эз вöвны...  
Кызди мый артмис менам, дерт,  
висьтавны öні сьöкыд... Сійö вöлі  
Зоялөн медводдзаысь рисуйтөм пор-  
трет. Рисуйті сэки войбыд. Некумы-  
нысь казармаö пыраліс Бажуков.  
Сулалыштас орччөн, мунас да бөр  
волас.

Уна вояс мысти, Ригаös мездөм-  
сянь 25 во тыран лунö, художникъяс  
керкаын Владимир Васильевич Ка-  
рякинлөн воссис персональнöй вы-  
ставка. Латвияса ывла выв серпасъ-  
яс кызди, Ригаса олысьяс сэтысь  
адзылісны картинаяс вылысь парти-  
занъяслысь чомьяс, партизан-раз-  
ведчикъяслысь портретьяс, парти-  
занъясөн жуглөм эшелонъяс...

А сэки Зоялөн портретыс вöлі  
медводдза творческöй удж.

Регыд мысти Зоялөн нимыс юрöб-  
тас став мир пасьта. А налы, том  
разведчикъяслы, сійö нэмныс кежлö  
кольö Зояөн, коді эз лок задание вы-  
лысь.

Немецъяс, кодъясöс чорыда пырк-  
нитісны Москва дорын, кутісны бö-  
рынътчыны. Налөн тылын öні вöлі-  
ны не сöмын ичөтик группаяс, а быд-  
са партизанскöй соединениеяс. Ди-  
версионнöй группаяс öні мунісны  
передövöйöдз эз нин машинаясөн, а  
лэбисны самолётъясөн, медым пук-  
сьыны партизанскöй аэродромъяс  
вылö.

— Ме тэныд эг на висьтав медся  
главнöйсö,— папироссö öзтігтыр шу-  
ис Карякин. Сэсся чöv олыштөм бö-

рын содтіс:— Од сійо мено мездіс фашистъяс кысы, куломысь мездіс...

Отряд, бойяс нуодігтыр, пискодчис фронтлань, медым отлаасыны Красной Армиялон частьяскод. Ставыс воли лючки-ладно, чайтим пырны матыса воро, а сатысян зев нин матын. Но враг эз жо вуграв. Сійо друг уськодчис партизаньяс выло найос вевтыртысь гырысь вынъясон. Пансис чорыд бой. Сійо здукас лонс виччысьтоттор: мян вонным, код доддын волины боеприпаяс, автоматьяс да пулеметьяс, сяргом шысы повзис да уськодчис фашистьяслань. Разведчикьяс ставон тодісны: патроньястом, гранатаыстом да толтом отряд — сійо абу отряд. Ме уськодчи вотчыны. Суоди вовсо, копыртчи, медым босытны додь бокодыс кыссысь вожжисо... Но сійо здукас меным кыкнан коко быттьо чорыда мыйонко кучкисны. Отряд борынтчис, а ме, ранитчом кокъяса, коли отнамон. А пуляяс швичйодлоны, юрто он лепты. Лыйсигтыр ме заводити кыссыны отряд борся. Сэся адзи: бокынджык куйло ещо оти раненой. Сійо, бурако, енджыка на ранитчома. Муртса-муртса ворис. И мыйлако оружиетом.

— Мун кыссы одйоджык, ме тупка!— городи сылы. Тайо мян закон — отсавны бойын ертыдлы. Ме воді немецьяслань чужомон да моди сяркодны аслам ППД-ысь... Очередь, ещо очередь...

— Кыссы одйоджык!— бара городи боецы.

Но сэки друг модисны шотны минометысь минаясон. Ставыс гогор гымакыло. Коло жо кык морт кузя лыйлыны минометьясысь! Но со мыйлако лонис. Позьо нин кыпдыштлыны юрто, киянад курасыны. Видзодли ертот выло... Бурако, ловья на.

— Кадсо эн вошты, мун кыссы одйоджык...

Но сэки сани друг гораа грымобтіс... коні сомын на воли ертот... Борынас нин ми адзим лимонка-гранаталысь кольчасо, боец воли кабыртома сійос киас. Но тайо борын нин. А сэки — омоля мый вежорти... Ывлаыс син водзын рудодіс, синьясой пемдісны... Но коло чукортны

вынъяс, мунны водзо. Со водзын доввидзо отка куст... Воодчыны коть сэтчодз, сэся мый коть эз ло. Сети очередь борыв, и бара водзо... коть мед воны кустьясодзыс.

Увьясыс кусынтчисны ки улын. Сомын уськодчы куст саяс да вод. Шойчышт. Автоматоло колло пуктыны выль диск. Тайо вочсыо зев кокниа, со тадз... Но мыйлако дискис сыбыкыд лоома, и некыдзи оз пуксы местаас. А син водзын ставыс гогралло, кывто... Да и кустыс оз жо доры пулясысь. Коло кыссыны водзо... Со сійо пожом дородзыс.

— Но, вай, друго, водзо,— ышода ачымос.— Со абу нин ылын, некымын дас воськов. Кыси метр кыкуим, но пуляяс бара заводитисны швичйодлыны сэтшом часто, мый юрсныд сувто.

Но век вежорти: лыйсоны бура, сидко, тани матынос нин. Бергодчан ко, адзан налысь руд сера каскаессо. Бергодчыли: сидзи и эм — дик нин матынос, морт кызькомын. Оні нин веськаласны, сидз оз кутны лыйсыны. Сидко, колло... Сэки сувти кыкнан кок йыло, веськодчи и воськовти водзлань. Муна и думайта: вот-вот мышко сатшкысяс пуля... Но эз сатшкысь... И лыйсом шысы мыйлако оз кыв. Сидко... Мыйлако оз лыйсыны? А-а, сидко ловйон косийоны босытны... Мед... сидз... думайтоны... Менам эм граната, ковмас ко...

Вон сійо пожом дородзыс, уси. Отчид кучкомон дисксо пукти местаас. Прикладсо топоди пельпом бердо: «Со тияны — ловйон!» Но сэки жо, борывсян, кутис сяркодны пулемет. Тайо воли медся страшнойсы... «Гашко, кытшалисны? Сидко, ставыс тайо воли весьшорро?» Ме эг пыр гогорво, мыйла усялоны немецьяс, мыйла найо пышйоны... А пулемет век сяргис и сяргис. Ме дыр видзоди пулеметчик выло. Садь воштотдз менам вежорын вирдышти: тайо жо Бажуков!

Отряд борынтчис ворьясод, смерть вотлысис на борся. Карякинлон заводитчис гангрена. Доктор Гинзбург, косиник том морт, кодлон эз вон ни оти хирургической инструмент, шуис: «Водой сы выло да ку-

тэй сійӧс». Босьтис шомпол да бипур  
вылын еджыдӧдз калитис сійӧс. Сэс-  
ся и сотис ранасӧ калитӧм дон шом-  
полӧн...

## 1943 ВОСЯ АВГУСТ.

### ОККУПИРУЙТӧМ БЕЛОРУССИЯЫН

Белоруссияын вӧръяс, нюръяс  
пӧшти сэтшӧмӧсь жӧ, кутшӧмӧсь и  
рӧднӧй коми пармаын. Засадаясын  
дыр кад чӧж му бердас ляскысьӧмӧн  
куйлӧн Бажуков думайтлис, мый  
тані вӧрыс ӧвтӧ сэтшӧм жӧ кӧрӧн,  
кызди Печора дорын, сідз жӧ дзори-  
дзалӧны турунъяс, сідз жӧ сьылӧны  
лэбачьяс.

Тайӧ нюръясыслӧн, нюр дорас  
быдмысь кузь туруныслӧн, понӧля  
вӧрыслӧн вӧлі ещӧ на ӧти буртор:  
найӧ вермисны бура дзэбны сылысь  
ичӧтик группасӧ, а пыді вӧрын пов-  
тӧг позьӧ вӧлі ӧзтыны бипур, медым  
косьтыны паськӧм, шонтыны ужин.  
Та вӧсна Бажуков тані вӧлі быттьӧ  
гортас, рӧднӧй вӧръясын. Да и не-  
мецьяс тані кутисны асьнысӧ мӧд  
ног, ӧна видзчысьӧмӧн...

Ӧтчыд Бажуков аслас ӧртыскӧд  
петисны шоссе вылӧ, тӧдмавны ӧна-ӧ  
сәтӧ ветлӧны фашистъяс. Бажуков  
сәки аддзис фашистъяслысь ыджыд  
колонна — комын кымын грузовик,  
а водзын мунисны мотоциклъяс. Сійӧ  
дасысь кымын лыйис полуавтомати-  
ческой винтовкаысь... Колонна сув-  
тис. Салдатъяс заводитисны чечав-  
ны машинаыс вылысь да водавны  
туйбокса канаваӧ...

Бажуков сәки ӧдйӧ мунис парти-  
занской базаӧ, медым висьтавны  
партизанъяслы, мый налӧн тылын  
сулалӧны фашистъяс. Отряд ӧдйӧ  
вежис асьыс местасӧ. Сутки кык  
мысти Бажуков мунис сійӧ жӧ туйӧ-  
дыс спецзадание вылӧ. Кутшӧма сӧ-  
йӧ чуймис, кор аддзис, мый фа-  
шистъяслӧн колоннаыс век на вӧлі  
сулалӧ сәні. Немецьяс сәтчӧ око-  
пайтчӧмаӧсь. Автоматъяссӧ да вин-  
товкаяссӧ чургӧдӧмаӧсь вӧрлань.  
Бажуковлӧн группаыс лӧня вуджис  
шоссе да мунис аслас туйӧд.

Партизанской движеніелӧн Цен-

тральной штаб шуис нуӧдны враг  
тылын ыджыдысь-ыджыд опера-  
ция — заводитны «рельсӧвӧй война».  
Тайӧ операцияс участвуйтисны 100  
сюрс кымын партизан. Аслыспӧлӧс-  
луныс тайӧ операцияыслӧн сыын,  
мый сійӧс колӧ вӧлі заводитны быд-  
лаын ӧтпырйӧ, ӧти часӧ.

И со результат. Центральной  
штаб юӧртис, мый 1943 вося август  
6-ӧд лунлы паныда войӧ партизанъ-  
яс петкӧдисны стройысь тысяча сайӧ  
километр кӧрт туй. Фашистъяс чуй-  
мисны: чайтисны, мый татшӧмторсӧ  
вермис вӧчны сӧмын ыджыдысь-  
ыджыд десант. Гитлерлӧн ставкаӧ  
лэбис телеграмма: «Август 6-ӧд лу-  
нӧ асывылын кӧрт туйяс эз кутны  
уджавны...» Тайӧ операцияс участ-  
вуйтис и Бажуковлӧн группаыс.

А вежон мысти сьлӧн группаыс  
пазынитӧдис ыджыд грузовик, кӧні  
вӧліны гитлеровецьяс, да дзик на  
выль «Опель-адмирал» легкӧвӧй ма-  
шина. Легкӧвӧй машинасыс кыс-  
кисны ӧна ранитчӧм обер-лейтенант-  
ӧс, а багажниксыс аддзисны тыра  
куим мешӧк, кӧні вӧлі... советской  
деньга да ичӧтик ма бӧчка... Буракӧ,  
обер-лейтенант радейтлӧма чӧсмась-  
ны...

Партизанъяс бура тӧдисны, мый  
миян тылын уджалысь йӧз сетӧны  
медбӧрря шайтсӧ оборона фондӧ, сы  
вӧсна бура гӧгӧрвоисны донсӧ сы-  
лысь, мый веськалі на киӧ.

### Артур Спрогис:

Ме бура помнита тайӧ случайсӧ.  
Меным локтис Бажуковсянь шиф-  
руйтӧм телеграмма: «Ыста пӧсылка.  
Куим мешӧк тыр деньга, ма бӧчка».  
Помнита сійӧс, мый та кузя и шта-  
бын радлисны. Муні аэродромӧ, кыт-  
чӧ пуксис «дуглас». Босьтис деньга.  
«А кӧні ма бӧчкаыс?» — юала. Лёт-  
чикъяс шӧйӧвошины. Сәсся на пи-  
ысь ӧтик и шуис: — «Сейим ми сійӧс,  
подполковник ӧрт. Сейим. Да и бӧч-  
каыс вӧлі зэв ичӧт!» Ме серавны ку-  
тӧ: ӧна радейтли партизанской лёт-  
чикъясӧс. Разведчикъяслӧн моз жӧ,  
налӧн уджыс вӧлі ӧна ӧпаснӧй...

Сійӧ жӧ луннас Бажуковлы воис  
Спрогиссянь телеграмма: «Чолӧма-

ла старшой лейтенант званиеён». Телеграмманас жё Спрогис корис Бажуковёс ас дорас.

А водзын вёліны выль заданиеяс. ...Тылса карлён лёнъ улича вылын кирпич керка — особняк. Тани — диверсионно-разведывательной частьлён штаб да казарма. Водз асыв. Спрогис кабинетё пырё связной офицер:

— Подполковник ёрт, Герчиксянь радиограмма.

— Лыддьой.

— «Лесникёс прöverитим. Операция позьё заводитны. Герчик»

Офицер мунё. Спрогис матыстчё őшинь дорё. Зумыш, кымёра лун. Руа. Буретш сэтшём поводдя, кутшём колё партизанской лётчикьясы.

Подполковник босьтё телефон трубка:

— Бажуковёс корой ме динё...

Спрогис чеччё пызан сайысь, мунё Бажуковлы воча, сетё сылы улёс, ачыс пуксьё сылы воча.

— Война бёрас корлан гөститны Печораад?

Бажуков нюмъялө:

— Быть корла, подполковник ёрт. Ком кыям... Да мый сийё комыд... Сьёмга видлам. О-о! Сийё — чери!

Спрогис чеччё да матыстчё карта дорё...

...— Самолёт лэбас 21 часын. Риск — ыджыд, весиг зэв ыджыд, но колё... Ёна колё... Сэни тиянөс примитас Герчиклөн группаыс. Ти тёдсаөсь?

— Гриша Герчик? Да... «Рельсөвөй» операцияын ми сыкөд өтлаын вөлім...

— Но и бур...

Спрогис друг думыштё, мый сылы окота шуны тайё старшой лейтенантыслы кутшөмкө мелі кывьяс. Сийё өд бура төдіс, мый татшөм заданиеяс вылысь, кутшөм вылө őни мунё Бажуков, частё оз воывлыны. Төрыт сийё вөлі фронтса командующой генерал-полковник Конев ордын. Командующой сувтөдіс мог да юалис Спрогислысь:

— Вермасны вөчны тайёс тиян йөзыд?

Бажуков, дерт, сэки эз на төд, кутшөм риск вылө сийё мунё... Бу-

ретш Бажуков йылысь и думайтис Спрогис, кор вочавидзис сийё Коневлы, мый задание лөө пөртөма олөмө.

— Кодьяс пырөны группаас?— юалис Бажуковлысь Спрогис.

— Макаров, ти сийёс төданьыд, ми сийёс шуам Макарычөн, Передреев, Свистунов, Веснин да Юля Иванова.

— Веснин эз на вөвлы задание вылын?

— Сөмын на помалис велөдчыны. Зонмыс мича, вежөра...

— Гашкө, сийёс колё на кольны?

Бажуков чеччис улёс вылысь:

— Подполковник ёрт, со өд мый... Найё Юля Ивановакөд өтлаын... Но пыр өтлаынөсь...

— Радейтөны өта-мөднысө?

— Да,— нимкодя шуис Бажуков.

— Но век жө колям сийёс татчө. Төлысь мысти бөр аддзысясны. Колё босьтны őни сэтчө сэтшөм йөзөс, кодьяс сэни вөвліны нин.

— Ладнө, Веснинөс вежам...

Бажуков тэрыба тотшсьөдө казармалөн тыртөм коридорті. Мөд судтаын ворсө гудөк, кылөны төдса гөлөсьяс. Передреев, буракө, ворсө. Кайис мөд судтаас. Сэни ставыс кылө, мый йылысь сёрнитөны.

Юля Ивановалөн гөлөс:— Веснин, кывзы, пөрччы гимнастёркатө, пелала.

— Колё жө сідз...— кылө Передреевлөн гөлөсыс.

— Немецьяс мастерөсь ворсны вом дор гармошкаөн... Кыссим ми землянка дорөдзыс, а часөвөйыс нязгө-ворсө. Көйт вылын тар моз синьяссө весиг куньөма... Сэни ми сийёс и кокнитим... Тыра куль мешөк моз пөри,— тайё сёрнитө Свистунов.

Кор матыстчис өдзөс дорас Бажуков, сийёс некод эз казав.

— Коді дежуритө? Мыйла онө докладывайтөй?— Бажуковлөн гөлөсыс őни стрөг.

— Старшой лейтенант ёрт,— заводитис Свистунов, но Бажуков мыйлакө бөр өлөдіс. Сылы колё висьтавыны, мый Веснин оз мун задание вылө, но висьтавыны кызкө абу лөсьыд, и нюжөдө кадсө.

— Тырмас!— чорыда шуис сийё.— Веснин, мыйла абу формаа? Передреев, көнөсь ти, дачаын? А ти, Свистунов, мыйла энө вөлөй политинфор-

мация вылын? Веснин, тiянлы сета наряд! Передреев, тiянлы сiдз жö... Кор локтанныд враг тылысь... Чу-кортчöмаöсь да ызгöны... Мунöй...

Ставөн тэрыба мунöны. Öтнасөн кольö Макарыч. Сiйö вурö шынеляс кизь. Юрсö копыртöма, оз видзöд Бажуков вылö. Сэсся шуö Бажуков-лы:

— Он-ö тэ, другö, вывти крута босьт? Ме тэныд, Иван, кызди дру-лы шуа...

— Куритчыны эм тэнад? Вай ку-ритчам, Макарыч... Кызд эськö тэ-ныд висьтавыны. Меным вöли вит арöс, кор мам менö нуöдис видз вы-лö. Ми коддьöмъяс ва дорын вугра-сьöны, а ме мамкöд видз вылö муна да кийн ва тыра туис нуа. Сизим арöсөн зорöд таляли, дас кык арöсөн косаөн ытшки — веськöдчыны он вö-ли вермы. Öни гөгөрвоа — муса, до-на кад вöли... Дас нель арöссянь сплав вылын вöли. Мам ыстылис, ме-дым деньга нажöвитны... Паськöм-ным, мый вöли, киссис. Бать вöли, но висис, оз чечыв... Ме ыджыд пыдди вöли, Макарыч. А таысь ме мамöс öни ёнджыка на ещö радейта. Кык во сайын, кор бөръяысь вöли гортын, муртса удитим пукуштны пызан са-йын, варовитыштны суседьяскöд, сiйö зыр нин вайö, картофель керны. Суседьяс локтисны, пукалöны, вич-чысьöны: фронтовик локтис война вывсянь, ордена, а ми, Макарыч, картофель босьтам. Кытчöдз мусö эгö помалöй, керкаö эгö пырöй, Ма-карыч!

Сiдзкö, ме налы должен лоны мам кодьон жö. Збыль öд?..

Макарыч вöли арлыднас Бажуков-ысь ыджыдджык, ачыс Архангель-скöй областысь, вежöра, тölка му-жик.

— Эк, земляк, — шуис Макарыч. — Гортö эськö öни ветлыны — Войвы-лö, вөрö ветлыны...

— Регыд лоам вöрын, эн тэрмась...

— Кор лэбам?

— 21 часын... Да, муртса эг ву-нöд... Веснинöс колям.

— Мыйла? — чуймис Макарыч.

— Спрогис тшöктис. Серьёзнöй за-дание, а сiйö выль морт на...

— Ставөн ми коркö выльöсь вö-лим...

— Но сэки öд вöли, Макарыч, не-лямын öтиöд во... Кадыс öни веж-сис, — шуис Бажуков.

— Öбидитчас зонмысь...

— Нинöм... Сылөн ставыс на во-дзын...

— Юля вöснаыс öбидитчас... Пö-другаыс мунö, а сiйö ачыс оз...

...Улиас, скверын, Веснин виччысьö Юляöс. Сiйö тöдö нин ставсö. Сы дорö котөрөн локтö Юля.

— Мый лоис, Володя?

— Таысь омöльджыкыс оз овлы, — Володялөн тiралöны вом доръяс-ыс. — Менö кольöны татчö... Оз дөве-ряйтны меным...

— Но, но, дугды, эн шогсы...

— Тани ми ставным дзик öткодъ-öсь, босьтисны кö нин тайö частяс... Мыйкö сiдзкö думайтöны ме йы-лысь, сiдзкö кутшöмкö помка эм. Но кутшöм?

— Да некутшöм помка абу! Мöд пöрйö мунан и тэ.

— Ме чайти, мый медводдза зада-ние вылö мунам тэкöд öтлаын. И тэ со мунан öтнад... Мый ме кута ду-майтны...

— Володя, донаöй, ме муна тэтöг, но мекöд лоöны тэнад ёртъясыд... Аддзысьлытöдз... Володя, — сэсся ньöжйöник содтö: — Аддзысьлы-тöдз!.. Видз асьтö... Ме радейта тэ-нö.

Володя нюмъялö, сьölöм вылас абу нин сэтшöм сьöкыд. Сiйö сэки эз на тöд, мый Юляöс аддзö бөръяысь...

...«Дуглас» ордчис муысь да ка-чис енэжö. Самолёт пытшкын пука-лöны лöня. Бажуков пуксис Мака-рыч дорö да ньöжйöник шуис:

— Со мый, Макарыч... Поссö огö ми взорвитöй... Тайö абу мян удж... Вöчас сiйöс мöд группа... Гриша Герчиклөн группаыс.

— Сiдзкö, ми ылöдам фашисть-ясöс? — Макарыч видзöдлис Бажу-ковлы руд синъясас. — Да тайö жö сэтшöмтор, мый вернöй...

— Вернöй смерть кöсйин шуны? — Бажуковлөн синъясыс дзирдышті-ны. — Со ещö мый... — Бажуков кисö пунктис Макарычлы пельпом вы-лас: — Ме кö пöгибнита, тэ вежан менö...

— Ме гөгөрвои, старшöй лейте-

нант ёрт... кутам кутчысьны бөрья лов шыёдз.

Самолёт лэббө выліті... Уліас, му вылын, пемыд... Сөмын фронт вуджигөн дзирдыштілөны зенитной батареясы лыйсьомысь биясы.

Коли быдса вежон, но эз партизаньяслөн рация, эз Юля Иванова-лөн, а фронтлөн воздушной разведка юөртис, мый сәні тө и сәні взорвитома ыджыд көрт пос, кор сәті вөлі мунө фашистьяслөн воинской эшелон. Бажуков да Герчик заданнесө пөртисны олөмө. А асьныс вошины. Сөмын куим вежон мысти өти партизанской частьянь воис төдса шифр. Та бөрын регыд мысти Герчик ачыс воис тылө.

## ГРИГОРИЙ ЯКОВЛЕВИЧ ГЕРЧИКЛӨН ВИСЬТ

— Поскыс эз на лэб сынөдас, сөмын на би кывйыс котөртис шнур кузя, а сәні, көні вөлі Бажуковлөн группаыс, лыйсьыны дугдисны. Ме гөгөрвои: беда. Кадысь водз сійө мунны эз вермы. Бөрынтьчөм вылө сигналнас колө вөлі лоны поскыслөн взорвитчөм. А ме век жө надейтчи мыйкө вылө. И муніганым ещө на вөчим кытшов. Ми аддзылім, кызди немецкой салдатьяс Бажуковөс шыбитисны машинаө, сәсся Макарычөс. Машинаыс, ургигтыр, муніс дзик мян дөрті. Мый ми вермим вөчны? Найө эз нин вөвны ловьяөсь. Фашистьяслы өні колө вөлі весиг кулөм диверсант...

Спрогис видзөдліс Герчиклөн кельыд чужөм вылө, и казалис, мый сылөн съөд синъяссыс тюргис синва. Нинөмысь повтөм Герчик, кызди сійөс шуисны мян, бөрдис.

...Герчиклөн олөмыс вөлі быттьөкө йитчөма Спрогис олөмкөд... Найө кыкнанныс паныдасьлісны Дзержинскийкөд, сөмын разной ногөн. Спрогис уджаліс ЧК-ын, а Герчик вөлі беспризорникөн. Дзержинский кыскис сійөс олөм пыдөссыс, и быдмис да сөвмис зонка советской коммунаын...

— Колө Бажуков мамлы гижны письмө,— шуис Спрогис.

АВТОРСЯНЬ: Ме дыр корси тайө письмөсө, юаси, но некытысь эг аддзы. Но бура төдмалі, мый Бажуковлөн рөдвужыс Троицко-Печорскыс пөлучитөмаөсь сылөн героической кулөм йылысь юөр. Татшөм юөрыс мян сиктьясө сәки эз шоча вольвлы. Бөрдисны, казтылісны. «Печораса вөрлэдзысьлысь» редакторсө, кор төдмаліс сійө аслас другыслөн да вөвлөм сотрудикилөн героической кулөм йылысь, водтөдисны больничаө.

...Но Герчик сәки өшыбитчөма. Сійө эз вермы төдны, да и некод эз төд, мый Бажуковөс сәки эз вины, а сійө сөмын контузитчис...

Грузөвик вылын, гуранөсь туйяс вылын тракийсьомысь, сійө воис ас асаяс. Фашистьяс индисны разведчикөс госпитальө. Сійө вөлі немецьяслы зэв колана мөртөн. Найө эскисны, мый партизан кутас сөрнитны, унатор висьталас... Сылөн крөвать дорын лун и вой дежуритисны фашистьяс.

Кор Бажуков сувтіс кок йылө, сійөс нуөдисны допрос вылө. Разведчик муртса на сулаліс кок йылас, а сійөс заводитисны нин мучитны, пытайтны...

Өтчыд, мян авиациялөн воздушной налөт дырйи, кор немецьяс шөйвошлісны, Бажуков вөркань мөз уськөдчис часөвой вылө, мырддис винтовкасө, виис сійөс, а ачыс пышйис. Бажуков эз кут корсьны партизаньяслысь базасө. Госпитальын куйлігас на сійө өна думайтіс, мыйла пөгибнитис сылөн группаыс, корсис помкасө... Сәки нин сійө гөгөрвоис, мый найөс вузалис лесник. А кызди нө лесникыс вермис юөртны разведчикьяс йылысь гитлеровецьяслы? Бажуков тайөс некыз эз вермы гөгөрвоны. Лесникыс өд на дінысь эз и вешйив. И сөмын өні, кор бара муніс сійө местаясті, Бажуковлы уси төд вылас, мый лесникыс пөрөдис өти пу — пес вылө пө, а мөдөс заводитліс жө керавны, но өлөдисны...

«Но, сөтана! Кызди ме сәки эг вермы гөгөрвоны?..» Дөрт жө та вөсна, кор найө өдийө босьтісны выгөдной позиция да заводитисны лыйсьыны, медым ылөдны пос видзысьясө,

бөрсянныс кутіс сяркөдны пулемёт... Бажуков ранитчис нин, но вөлі на ас садяс и аддзыліс аслас синъясөн, кыдзи фашистъяслань котөртіс тошка морт. Сы кузя немецъяс эз лыйлыны...

И со өні Бажуков мунө сы дорө. Өні Бажуковлы нинөм вөлі оз ков — мед сөмын артасыны сійө мортыскөд...

Лесник керка дорө разведчик кысис лөня.

— Тайө тэ? — чуймис лесник. Чуймис, но, буракө, эз повззы.

Бажуков нөрөвтчис өдзөс курич бердас.

— Чолөм тэныд вайи Вилли Шмидт другыдсянь.

Лесник кельдөдіс.

— Донысь-ө вузасин фашистъясыслы?

— Тайө өшыбка... Ме... эг. Ме...

— А пусө мыйла пөрөдін? Мөдөс на керыштін и?

— Аслам могөн ме!.. — садьтөгыс повзис лесник.

Но разведчик помөдз өні гөгөрвоис: тайө мортыс и вузаліс найөс!

Регыд водз асылыслысь лөньлунсө торкис лыйөм шы. Бажуков өдйө чепөсйис сійө местасыс. Сылы друг төд вылас уси Володя Веснин. «Мый ме сылы висьтала, кор юалас Юля йылысь!»

...Кор сійө локтіс бөр, пыр жө корсис Веснинөс. Володя ставсө нин төдіс.

— Старшөй лейтенант ёрт, сэтшөма ме кора: мөдысь мунігөн менө босьтөй нин...

— Көсйыся, Володя. Ми тэкөд воюйтам на...

Бажуков мунө, а Веснин матыстчө өшинь дорө да видзөдө улича вылө. Со ыджыд руд керкаысь, шөр кильчөсыс, петіс виж пальтоа нывка. Сійө вуджис уличасө да пырис аптекаө... Буракө, мамыс либө бабыс висьоны... Со сійө вуджө улича... Бөрвылас видзөдлас оз?.. Видзөдіс...

«Ло тэ шудаөн, еджыд шапкаа да виж пальтоа нывка. Лоөй шудаөс став нывкаяс да зонкаяс. Тайө шудыс шедіс ыджыд донөн»...

Куим төлысь мысти Веснин ачыс уси Белоруссия му вылын, и кулөм водзвылас бөръя здукас сылөн вежөрас вирдыштис Юля Ивановалөн сөстөм чужөмыс.

...Спрогис восьтіс важ «виллис-лысь» өдзөссө да пуксьөдіс машинаө Бажуковөс. Мыйлакө водз пуклөс вылас пуксьөдіс, мыйысь разведчиклы весиг нелөсыд лоліс. Мунігас найөс куимысь сувтөдлісны, видлалісны документъяс. Бажуков некор эз юасылы, но өні эз вермы кутчысьны:

— Кытчө ми мунам?

— Банкет вылө, старшөй лейтенант, банкет вылө, шампанскөй юны! — нюмъяліс Спрогис.

Унаысь, зэв унаысь ветліс враг тылө Спрогис. Нуөдліс тшөтш и группаяс, ветліс сьөкыд заданиеяс вылө. Воськавліс и засадаясө, мынавліс смерть кыысь, некымынысь ранитчыліс... Но Бажуков век жө чуймөдіс сійөс: пышйыны гестапо пленысь?..

Кор найө пырисны землянкаө, тувчисны веськыда муас вольсалөм ковөр вылө да аддзисны ыджыд тущаа генерал-полковникөс, коді чеччис пызан сайысь налы воча, Бажуков повзискодь. Сійө пыр жө төдіс фронтөн командуйтысьөс, генерал-полковник Коневөс, көть и таөдз сійөс ньөтчыд эз аддзыв.

— Со тэ кутшөм вөлөмыд! — Бажуков вылө видзөдіг, шуис Конев. Сійө мышкыра, мудз чужөма. Сэсся Конев пысалө Бажуковлы гимнастёрка морөсас Ленин орден да шуө Спрогислы:

— Сетөй недель кежлө отпуск, мед ветлас гортас. Небось гортас сійөс важөн нин гуалісны. Ыстылінныд юөрсө?

— Да, ыстылім.

— «Тіян Иван Иванович пиыд воши без весті...» А сійө ловья, фронтлөн командуйтысь ачыс сылы сетө орден!..

И со, бара Бажуков аддзө рөднөй мусө, вөр-ва весьтысь руд енэж, кылө землякъяслысь рөднөй сёрни... Важ пароход вылын Бажуковөс некод оз төд, сійө штатскөй паськөма. Палуба вылын шоныд да лөнь.

Шлопкёны пароходлөн кёлесаясыс. Рубкасыс петіс чотысь капитан, прёйдитіс. Берегьясыяныс өвтё кос турун дукён. Со пур вывсянь куим детинка вуграсьёны. Дзик мирной серпас, быттьё некён некутшом война оз мун. Ставсё тайёс видзёдїгён гораа тіпкё сьёлёмыс. «Онi ас рёднõй му вылысь тёдса серпасьяс адзылём бõрын позьё спокойнõя кувны...»— думайтё Бажуков.

Видзяс вылын дёлалёны еджыд чышъянъяс, кылё нывбабаяслөн серам, берег дорын сулалёны вõвьяс. Сьёлёмыс бара топавліс... «Гётрасьны — со мый ме эг удит»,— думыштіс сійё да нюммуніс инвалид-капитанлы...

— Онi регыд нин...— шуис сылы Бажуков, и капитан гөгөрвоис сійёс.

— Колё чайтны, регыд тайё проклятой войнаыс помасяс,— вочавидзис капитан. И тшõтш нюммуніс.

...Уна вояс мысти Анастасия Ивановна Попова, Бажуковлөн чойыс, висьталіс:

— ...Кор ме сійёс кутышті, горёдіс, и ме повзи... Сэки сійё пөрччис дөрёмсё да петкөдліс мышкусё: таысь ме муртса садьёс эг вошты... Мышкусас кучикыс лестукьясён абу. Сидзи сійёс мучитёмась-пытатёмась гестапоын. Сійё бөр пасьталіс дөрёмсё, нюммуніс меным да шуё: «Тэ, Настя, та йылысь чõв ов, некодлы эн висьтав». Бõрыннас войбыд ме бõрди...

## ВЫЛЬ РАДИСТКА

Бажуков группаõ воис виль радистка — Лилия Эглит. И Бажуков гөгөрвоис, мый водзын — Латвия. Онi, кор Латвияын Эглитлөн нимыс петкөдлõ повтёмлунлысь, героизмлысь да Рёдинаёс радейтёмлысь символ, меным окота висьтавны сы йылысь унджык, сы вõсна мый военной судьбаыс сылөн топыда йитчõма Бажуковлөн судьбакөд. Эглитлөн олём-вылём йылысь меным уна гижис сылөн рёднõй чойыс — Айна Далё. «Тіян, писательлөн, уджныд сетас позянлун уна йõзлы тõдмасьны партизаньяслөн командир, тіян земляк Иван Бажуковлөн да менам

чой Лилия Эглитлөн героической подвигён. Меным оз сюрны кывьяс, мед эськõ висьтавны аслам ыджыд шог йылысь, кодi уна вояс чõж нин топөдõ менсым сьёлёмөс, но онөдз на ог эскы, мый мяян Лилия абу ловья. Ме век на видза Лилиялысь письмõяссõ... Кутшõмсюрõ письмõяс ме ыста, гашкõ, ковмасны тіянлы...

Лилия чужис 1921 вося июнь 14 лунõ, Белоруссияын, Витебскõй областьса Михалиново сиктын, латыш семьяын. Бать вõлі агрономён да уджаліс совхозса директорён. 1924 вося декабрын батыным куліс да быдтіс-сõвмөдіс мянõс мамным. 1930 воын батылөн вокыс помаліс землеустроительнõй школа да мөдөдісны уджавны Новосибирскõй областьса Куйбышев карõ (вõвлём Каинск кар). Сыкөд тшõтш вуджис сэтчõ и мяян семья. Лилия велөдчõ сәні среднõй школаын, өттшõтш велөдõ сійё жõ школаас посни классьясын. Сійё ёна радейтліс физика да математика. Лилия бура гөтөвитчыліс быд урок кежлõ, лөсьөдліс нагляднõй пособиёяс. Помнита, мамлөн вõлі шойччан лун... пуис сійё обөд да менõ тшõктіс нуны Лилиялы школаас. Ме вон, сулала классõ пыран өдзõс дорын да виччыся, кор лоас звёнок. Классын шы ни төв. Видзөдлі өдзõс костодыс, челядь лөня пукалёны, сюся кывзõны. Бура уджалёмысь Лилиялы сетісны гожомнас шойччан керкаõ путёвка да ветліс сэтчõ менам учительницакөд өтвылысь. Менам эм налөн фотокарточка. Лилиялөн юр вылас катшасиньясысь кыём венок и киас кутõ катшасиньяс. 1938 воын пырис комсомолõ, а 1941 воын лоис Коммунистической партиясa членён. Велөдчис сійё бура, став прөст кадас вõчис ыджыд общественнõй удж. Сдайтіс ГТО нормаяс, вõлі ворошиловскõй стрелокён, кужис бура рисуйтчыны, мичаа гижліс. Шомён да мелөн рисуйтліс А. С. Пушкинлысь, Джембуллысь портретьяс. Найёс ыставлісны Новосибирскõ выставка вылõ. Лилия рисуйтліс и стенгазетьясõ, гижавліс празникьяс кежлõ плакатьяс, лозунгьяс. Электрической биыс либõ карасин кõ эз вõв, то öзтывліс сисьяс.

...Ичотысянныс сійо мовпаліс лонны лётчикон. Весиг «Правда» газето письмо гижліс. Менам эм тайо письмомыслон черновик. Но газетас письмосэ эз вөв йөзөдөма. Сэссия кутіс лөсьөдчыны пырны институто. Но, буракө, омоль здоровьес вөсна авиационной институто эз веськав. 1941 воын Лилия бара мөдөдө документьяссө Московскөй авиационной институто велөдчыны инженер-механикө, сійөс корисны экзаменьяс вылө, но мунны эз удит и эз вермы. Заводитчис война...

1941 воын уджалө мян Куйбышев карса госпитальын политрукон. Гортө локтө рытнас сөрөн.

Отчид, төвнас, сійо вөлөмкө котортө гортө, но вильдас да усьө, весиг кыс чегө. Госпитальын кисө гипсуйтисны, но уджаломыс эз дугдыв. Уна уджаліс и гортын.

1941 воын жө партиялөн Куйбышевскөй райком Лилияөс мөдөдө уджавны асланым районса Гжатскөй МТС-ө, политотделса начальниклы комсомол кузя отсасысьөн. Гжатскөй МТС сійо воясас обслуживайтис 13 колхоз. Лилия пыр ветлөдліс колхозьясөд, частө подөн, кор эз сюрлыны пөпутной машинаяс. Карө воывліс сөмын райком корөм серти совещаниеяс вылө. Гжатскөй МТС-сянь сійо ас вөлясьыс көсйө мунны Красной Армияө, но партиялөн райком да горвоенкомат оз лэдзны. Сэссия сійо шыасьө Новосибирскөй облвоенкоматө. Военкомат могмөдө корөмсө. 1943 вося февраль 4-өд лунө сійөс ыстөны 332 номера частьө, коді сулаліс Новосибирскын. 1943 вося апрель төлыссянь сылөн адресыс — 59939 Т. В. номера полевөй почта, бөрынджык — полевөй почта — 19672. 1943 вося мартын кувсис мян мам. Дзевны сійөс Лилия эз вермы локны.

Сэссия Лилияөс мөдөдісны Латышскөй полкө, коді сулаліс Горьковскөй көрт туйвывса Ильино станцияын. Оти открыткаын сійо гижө: «Уна мыджөд вені, но век жө шедөді, мый көсий...» Мөд открыткаын: «Муна латышскөй стрелкөвөй полкө». Сэссия воис письмо: «Со и ме муна Сибириьс. Оні ме пукала Уралын, оти карса вокзалын. Войнас мөдөдча во-

дзө. Нель сутки кежлө сетісны сөян: 3 кг. нянь, 190 гр. сахар, 600 гр. селёдка. Военной столовойын пөттөдз сөйи. Бура ов Айна, эн вись, отсась мамыдлы, гортса уджтө ставсө ачид вөч. Мамыд мед удж бөрас шойччө. Менө лөка энө казтылөй... Ме ола бура. Сөмын частө казтыла тиянөс. Тиянөс радейтысь Лилия». Мөд письмомын гижө: «Локті индөм частьө. Менө кө эськө адзылінныд өні, то энө төдөй. Юрсіөс дзикөдз шыри, ветла мужичөй паськөмөн. Но тайо нинөм. Но а сідз, ме век тиян. Сөмын абу нывка, а «зонка». Тиян Лилия».

1943 вося март 2 лунө сійо гижө письмо, көні корө ыстыны латышскөй словарь, перөяс, карандаш да рисуйтчөм вылө бумага. Сэссия нинөм оз кор. «Тані ставөн Латвияьс. Ставным ми дасьтысям мунны гвардейскөй латышскөй дивизияө...» 1943 во ноябрь төлысся письмоысь: «Менам Чижик! Со ме бара пост вылын. 3 час вой. Постыс сэтшөм, мый со ме тэныд гижа. Ола кызди колө. Велөдчыны помалім, ласны зачөтыяс и... практика. А практикаыс лөө сэтшөм интересной... Велөдчы бура, но менө эн вунөд, виччысь: «Виччысь менө, и ме локта...»

Төрыт видзөдім кино «Жди меня...» Зэв бур картина. Мед эськө тайо кинокартинасө видзөдіс быд нывбаба. Айночка, и тэ видзөдлы — вот тайо любовь, вот тайо олөм, сы вөсна и кувны абу жаль...»

1943 во (числөыс абу). «Ыджыд праздникон. Вот тайо праздник! Думаышт сөмын, кутшөм сійо ыджыд: талун өд мездісны Киев. Ме пасйи праздниксө почөтнөй вахтаон. Видзи йөзлысь гаж да ун... Кывзім Киев мездөм кузя салют... Адзылі ракетаяс, кодьяс югдөдөны выль вермөмясө туй...»

1943 вося сентябрь 3-өд лун. «Оні кадыс этша, колө мунны снайперьяс да автоматчикьяс дорө. Накөд уджалыштны и налысь велөдчыштны. Тэ юалан — коді ме? Ме — боец да парторг. Уджыс уна. Но ставыс».

1943 вося октябрь 11 лун. «Эк, Айнуся! Мед көть регыдджык нин фронт вылө».

1943 вося октябрь 21 лун. «Меным

сэтшөм окота фронт вылө, но мыйкө оз артмы. Весиг ачым ог куж висьтавны, кызди мейн ставыс пуө. Тэ жө тодан менө, сибирячкаөс. Öдйө-джык эськө рытыввылө!»

1943 вося октябрь 25 лун. «...Со ме (сэсся куим-нөль кыв марайтөма цензура). Тешкодь! Нинөм. Меным нимкодь, донаой; некедз эг куж думыштлыны, мый менө лэдзасны и друг лэдзисны... Айнуся, донаой менам, збыльмис көсиймөй...»

1943 вося ноябрь 6-өд лун. «Аски пасьям Великой Октябрлы 26 во тырөм. Чолөмала тэнө ыджыд празникөн. Сиа став бурсө: бура велөдчыны, и велөдчыны, медым лоны настоящөй мортөн. Тэнад Лиля».

1944 вося январь 31 лун. «...Айна, ло бур, вежөра мортөн. Ло веськыд мортөм, некор эн ылөдчы... Ставсө донъяв аслад сьөлөмөн».

1944 вося январь 26 лун. «...Менам буретш сийө командирыс, коді вөлі Танялөн. Зэв шань морт. Сөмын сэтчө сийө өні оз ветлы. Ыджыд морт өні сийө, но век колльөддывлө йөзөс (тайө Спрогис йылысь). Гижа ме тэныд уна письмө на. Кута гижны, гижны, сөмын виччысь. Лов вылын кыпид. Лөсьөдчим петны туйө... Чолөм пөдругаяслы... Тэнад Лиля».

Со кутшөм радистка локтис Бажуков группаө... 25 во мысти Даудзескөй восьмилетнөй школаын быд нөль во мысти нөльөд классьясса өти пионерскөй отрядлы кутасны сетапны Лилия Эглитлысь ним. А тайө школаас жө пионерскөй дружинаыслы сетасны Иван Бажуковлысь ним.

## 1944 ВОСЯ ТУЛЫС.

### ОККУПИРУЙТӨМ ЛАТВИЯ

Белоруссияөс мездөм бөрын диверсионно-разведывательнөй группаясөн веськөдлысьяс веськалісны Западнөй фронтлөн штаб резервө. А Артур Спрогисөс индөны Латвияса партизаньяслөн штабө начальникөн. Öнөдз паськыд партизанскөй движение Латвияын эз вөв, тышкасисны сөмын өткымын партизанскөй отрядьяс. Öні колө вөлі паськөдны, өтувтны партизанскөй движениесө.

Спрогис некор эз вунөдлы аслас разведчикьяс йылысь, и өні, дерт, корис найөс ас дорас резервысь, на лыдын и Бажуковөс. Пыр жө вөлі котыртөма кык группа прөтивниклөн пыді тылө мөдөдөм могысь. Первойя группаас командирөн индисны Иван Бажуковөс, мөдас — Григорий Герчикөс. Герчик өткажитчис лэбны самолөтөн. Сылөн та вылө аслас помка. Воддзаясьсө, кор шыбитлісны найөс Белоруссияө на, налөн «дугласө» веськалі зениткалөн снаряд, и самолөт уси. Герчик, код төдас кызди, коли ловйөн. Тайөс сийө эз вунөд. «Тэныд лыйлөны, а тэ вочавидзны нинөмөн он вермы... Пускалан и виччысян, бөб моз, кор тэнө мөдөдасны мөдар югыдас... Э-э, подполковник өрт, асьым группаөс ме фронт вомөн нуөда ачым...» — тады сийө шуис Спрогислы.

Герчик вөлі збой да уна төдысь командир, и Спрогис сөгласитчис ськөд.

Партизаньяслы тыш нуөдөм вылө Латвияын условиеясыс вөліны сьөкыдөсь. Весиг ыджыд опыта партизанскөй командирьяс пиысь өткымынөн шулісны, мый сэні воюйтны, кызди воюйтисны Украинаын да Белоруссияын, оз позь. Öти-кө, сэні вөрьяс абу ыджыдөсь, зэв уна туйяс гежмалөны Латвиясө. Сэсся и хуторьясын олысь озырджык крестьянинөс уна вояс чөж воспитайтисны национализм сямөн, Сөветьяслы паныд...

Со мый вөсна Спрогис терпитны вермытөг виччысис Бажуковсянь да Герчиксянь юөрьяс. И юөрьясыс регыд воисны. Бажуков, коді чеччыштис самолөтысь Ригасянь 130 километр ылнаө, Югос вөрьясө, некемын лун мысти радируйтис: «Воим местадз бура. Корсим временнөй база... Отряд содіс пөшти дас пөв...» Бөрья кывьясыс чуймөдісны Спрогисөс... Кыдзи Бажуков сэтшөм өдйө вермис ыджөдны отрядсө дас пөв? «Сідзкө, сылөн өні отрядас 150 морт, — думыштис Спрогис. — А вөлі 16 морт. Молодеч, Иван!»

Бөрынджык нин төдмалісны, мый Бажуковлөн группаыс местаас воөм бөрын мөд луннас жө мездөма военнопленнөйяслысь неыджыд лагерь.

Пленнойяс, вёлөм, пөрөдөны вөр.

Тайё медводдза успехыс, кызди тыдовтчис бөрүнджык, лоис и первойя воськолөн отрядыслөн гибельлань. Быдсяма военнопленнойяс өд эм. На пиысь эз быдөн вөвны вернойёсь Рөдиналы, присягалы. Но та йылысь бөрүнджык...

Первойя часьясас жө фашистьяс веськалісны Бажуков отрядлөн след вылө. Бажуков — опытной командир. Фашистьяс некымынысь воштылісны следсө, но бара аддзылісны. Бажуков муніс Югос вөр пыдіө. Муңигас взрываютліс посьяс, орьөдліс телефонной проводьяс. Фашистьяслөн өнөдз тані вөлі лөнъ, некод эз мешайт. Сы бөрүн, кор Бажуков мездіс военнопленнойяссө да нуөдіс аскөдыс сө кымын мортөс, фашистьяс котыртісны карательной экспедиция. Куимладорсянь Югос хуторлань мөдөдісны грузөвикьяслысь куим колонна. А буретш сәки Бажуковлы воис Спрогиссянь телеграмма: «Сэтшөм тө квадратын тэныд шыбитөма груз — өружие, прөдуктаяс. Босьт грузсө, отрядса командирнас инды ассыд вежысьтө, а ачыл группайдкөд мун пыдөджык тылө, Лиенаи районө...»

Спрогис көсийс дейстувйтны паськыдджыка. Сійө тэрмасис, но радиограммаыс век жө сөрмис. Бажуковлысь отрядсө фашистьяс вөлі кытшалөмаөсь нин. Бажуков весиг эз удит босьтны грузсө. Ставсө тайөс артыштөм бөрүн Бажуков шуис примитны бой, көть и фашистьяс вөліны некымын пөв унджыкөсь.

Кызь сизим во мысти ме вөлі тайө местаас. Неыджыд увтасін нюжөдчөма вөра негырысь мылькьяс пөлөн — карательяссө паныдалан местасө вөлі бөрйөма бурөс. Партизаньяс сәні кутчысисны, героическөя тышкасисны быдса сутки, но выньяс эз өткөдөсь вөвны...

Вөрас өнөдз на кольөма важөн нин гымалөм бойыслөн следыс. Сэтчө джуджыд сюръя йылө өшөдөма мраморной пөв, кытчө гижөма: «Тані тышкасис гитлеровскөй карательной экспедициялы паныд Иван Бажуковлөн партизанскөй отряд».

Лөня шувгөны пожөмьяс. Небыдик төв шарөдчө кузь турунөн. Көть

здук кежлө сувтөдлам син водзө сійө трагическөй серпассө, коді лоис тані 1944 вося апрель 16 лунө.

...Лилия куйліс пулемёт дорын. Бырины патроньяс. Эглит рочөн лоө Елочка. Шуөны, Бажуковлы бөрья кывьяснас вөліны: «Кутчысь, Елочка!» Бажуков, дерт, сәки эз казая да эз төд, мый Елочкалысь кыкнан коксө вөлі нин пазөдөма, сійө эз вермы весиг кыссыны, көть и век на лыйсис автоматысь. Эз төд и Елочка, мый Бажуков чорыда ранитчис жө, но век на веськөдліс бойнас. Тайө бояс сизим морт кольөмаөсь ловйөн. Найө висьталөны, мый фашистьяссө аддзөм бөрүн джын военнопленнойяс шыбитөмаөсь винтовкаяссө да пышйөмаөсь.

А фашистьяс век топөдісны найөс. Сәні вөлөма мотопехоталөн кык батальон. Бой заводитчигас на Бажуков көсийс йитчывны Спрогискөд рация пыр, корны сылысь өтсөг вылө авиация, мед бомбитны фашистьяссө, но рацияыс вөлі пож кодь нин розьөсь, эз уджав.

Фашистьяс недыр кежлө лөнълісны. Сәсся, буракө, вайисны миномөтьяс да дугдывтөг мөдісны gryмөдны. Минаяс гыпкисны өти бөрся мөд. Елочка аддзыліс, кызди уси Бажуков, көсийс на кыссыны сы дінө, но сы дорын дзик нин матын вөліны карательяс. Сійө здукас кыкис гранатаысь кольчасө, и би кыв медбөрьяысь югдыліс сы вежөрын.

Лилия Эглитлы вөлі сәки кызь кык арөс...

А партизаньяс штабын рация дорын дежуритісны лун и вой. Бажуков чөв оліс сутки, кыкөс, вежон. Сідзи сәсся эз и шыасьлы.

Но пыр выль и выль группаяс вуджалісны фронт вомөн. Партизанскөй тыш, кодөс заводитіс Латвияын Иван Бажуков, век содіс да паськаліс и эз помасьлы сэтчөдз, кытчөдз эз ло вөтлөма Латвия му вылысь медбөрья захватчикөс.

Уна во мысти Даудзескасса восьмилетной школаыс велөдчысьяс асланыс директор Владислав Янович Антантс веськөдлөм улын вайисны вөрысь геройлысь шойсө да дзебисны сикт шөрө, мыльк вылө, кы-

тысянь бура тыдало вӧрыс, муяс, туйяс.

Школаын эм Бажуков нима музей. Экспонатъяс пиын эм Бажуковлӧн планшетыс, револьвер да часі. Тайӧ часісӧ бура тӧдӧ Спрогис.

А Бажуковлӧн пӧгибнитан луныс — апрель 16 лун — лоис партизанъяслӧн лунӧн, кодӧс быд во пасйӧны Даудзескаска олысьяс.

## НЕКЫМЫН ОФИЦИАЛЬНОЙ ДОКУМЕНТ

(Бӧркыв пыдди)

«Бажуков Иван пырис партизанъяслӧн добровольческой разведывательной диверсионной частью война заводитчигӧн, 1941 вося июль помын. Тайӧ жӧ частын вӧліны ӧні быдӧнлы тӧдса геройяс — Зоя Космодемьянская, Константин Заслонов, Е. Колесова.

Регыд мысти сійӧ лоис медбур боевой командиръяс пиысь ӧтиӧн.

1941 воын да 1942 во заводитчигӧн некымынысь вуджліс враг тыло фронт визь пыр да нуӧдіс сәні диверсионной удж — взрываютліс боеприпас тыра складъяс, рельсъяс вылысь поездъяс, кӧні вӧлі техника. боеприпасъяс да вражеской салдатъяс.

Противник тылын успешной боевой действиясысь И. И. Бажуковӧс частысь медводз, 1941 вося арын, наградитӧма Боевой Красной Знамя орденӧн. Бӧрынджык сійӧс наградитӧма Ленин орденӧн. 1942 вося гожӧмын И. И. Бажуков командуйтӧ партизанской отрядӧн оккупируйтӧм Белоруссияын. Враглысь укрепленной район жугӧдігӧн сійӧ босьтӧ фашистской штаблысь. ӧна гуся документъяс да мӧдӧдӧ «Биджыд муӧ». И. И. Бажуков ӧрт аслас разведывательной партизанской отрядкӧд воютіс Белоруссияын, кытчӧдз сійӧс тырвыйӧ эз вӧв мездӧма фашистысысь. 1944 во заводитчигӧн, Белоруссия мездӧм бӧрын, ӧткымын партизанской командиръясӧс, кодъяс сәки вӧліны фронт штаблӧн резервын, менам корӧм серти (ме сәки вӧлі Латвияын партизанской движение-

лӧн штабса начальникӧн) ыстисны мян штабӧ. На пиын вӧлі и И. И. Бажуков.

Партизанской движениелӧн штаб задание серти 1944 вося март 9 лунӧ И. И. Бажуков ӧрт самолетысь чечыштис Рига дорӧ, Даугавалӧн шуйга берегӧ, медым нуӧдны партизанской тыш фашистыяс тылын. Местаӧ воӧм бӧрын группа пыр жӧ заводитис нуӧдны активной боевой удж. Налӧн неыджыд группайс ыдждіс сӧ мортӧдз. Тайӧ отрядыс уськӧдчывліс фашистской гарнизонъяс вылӧ, мездис военнопленнойясӧс, пӧрлӧдліс поездъяс, бырӧдліс вражеской салдатъясӧс.

Тайӧ повтӧм визув партизанской отрядсӧ бырӧдӧм могысь фашистской командование ыстис гырысь вынъяс. Сы вӧсна мый сійӧ местаас гырысь вӧр массивъяс эз вӧвны, фашистыяс кытшысь отряд петны эз вермы. Фашистыслӧн выныс вӧлі уна, и кытшӧ веськалӧм партизанской отряд примитис неравной сӧкыд бой да тышкасис медбӧрря патронӧдз. Бажуков тайӧ бояс кыкысь ранитчис, но кувтӧдзыс веськӧдліс бойӧн.

Сійӧ пӧгибнитис кызди герой.

Тайӧ жӧ бойын героическӧя пӧгибнитис том радистка-разведчица, латвийской народлӧн верной ныв — Лилия Эглит.

Аслас мужествоӧн, повтӧмлунӧн, боевой операциясӧн кужӧмӧн веськӧдлӧмӧн, И. И. Бажуков пуктис ыджыд пай мян народлӧн общӧй победаӧ.

Война чӧжыс И. И. Бажуков командуйтис партизанской отрядӧн противник тылын. Такӧд тшӧтш сылысь став боевой заслугаяссӧ, мужествосӧ да повтӧмлунсӧ артыштӧмӧн, корим присвоитны И. И. Бажуковлы кулӧм бӧрас Советской Союза Геройлысь звание. И. И. Бажуковкӧд ӧти бойын пӧгибнитысь радистка-разведчица Лилия Эглитӧс корим наградитны Ленин орденӧн.

**Рытыввыв фронта Военной  
Советлӧн вӧвлӧм уполномоченной,  
Латвияын партизанской**

движениелөн штабса вöвлөм  
начальник, 1920 восянь КПСС-  
са член А. К. СПРОГИС.

Латвийскöй партизанскöй  
бригадаысь командирöс раз-  
ведка кузя вöвлөм вежысь,  
1944 восянь КПСС-са член

А. М. ГРОМ».

### КОМИ АССР, ТРОИЦКО- ПЕЧОРСК, А. И. ПОПОВАЛЫ

Дона Анастасия Ива-  
новна!

Биа пöсь чолөм Тiянлы ыстöны  
Бажуков нима дружинаса пионеръ-  
яс. Сиам став бурсö олöмад и удж-  
ын. Ыстам Тiянлы вокыд гу вылысь  
кабыр му да ичöтик коз пу ув.  
Козьяссö садитöма гу гөгöрыс.

Миян дружинаса пионерьяс некор  
оз вунöдны Бажуков отрядысь пö-  
гибнитöм геройясöс. Найö зильöны

лоны сэтшöм жö повтöмөн, сiдз жö  
пöся радейтны Рöдина.

Бажуков нима дружинаса  
пионерьяс.

### ИВАН ИВАНОВИЧ БАЖУКОВЛӨН ДОНА РӨДВУЖ!

Миян районса уджалысь йöз да  
став олысьясыс нэмьяс чöж оз ву-  
нöдны подвигсö Иван Иванович Ба-  
жуковлысь, кодi тышкасис Латвияса  
му вылын да героическöя пöгибнитiс  
миянлысь мунымöс мездöм вöсна.  
Ми вöчам ставсö сы могысь, медым  
сiйö идеясыс, кодьяс вöсна тышка-  
сис И. И. Бажуков да сöветскöй на-  
род, збыльмисны.

Латвияса Коммунистическöй  
партиялөн Стучкинскöй рай-  
ком.

Уджалысь йöз депутатьяс  
Сöветлөн Стучкинскöй испол-  
ком.

*Комиöдiс С. Раевский.*

\* \*  
\*

Муртса чужин — Рёдина нин эм,  
Батылн му и сикт, и ю, и расъяс.  
Тані сэсса колявны тэд нэм,  
Тані олём отдортас ли пасъяс.

Тані тэнад ставыс — ув и выв,  
Тані батыд, тані муса мамыд.  
Тані шуан «мам» и бөръя кыв,  
Тані шуда, эм кө олан сямьд.

## Бур асыв

«Бур асыв!» — шонділы ме шуа.  
«Бур асыв!» — вочавидзё мен.  
«Бур асыв, дона чужан муой!»  
«Бур асыв!» — кылё тан и сэн.

«Бур асыв, Эжваой да-й юой!»  
«Бур асыв!» — ыстё мелань гы.

«Бур асыв, зарни шепта сюой!»  
«Бур асыв», — кылё шөпкём шы.

«Бур асыв!» — мамёлы ме сиа.  
«Бур асыв! Важён шедис ун».  
«Бур асыв, шондіа Россия!»  
Мед мича лоас тэнад лун!»

## Чолём, чужан му!

Чолём, менам кызьясой. Чолём, менам пожёмьяс.  
Кызди нё ті вуджинныд аръяс, төвъяс, гожёмьяс?  
Донаясой, мыйла нё мекөд ті он сёрнитой?  
Мыйта нин ме чуксаси: кыаыс со дорнитё.  
Мыжа, мыжа ті водзын көнкё сідз-гадз олёмьс,  
Мыжа, мыжа ті водзын гежөдика волёмьс.  
Но со локті пыр кежлө тиян дорё, пуясой,  
Ветлөдла со радпырысь аслам төдса туйясөд.  
Пасьтөдой вай менё ті асланыд веж дөрөмөн,  
Да и сувта тиянкөд пармаыслөн шөрө ме.

## Сарапан дөра

Ньоблі тэд, мамук, сарапан дөра,  
Мыйлакё сийёс эн и тэ шөрав.  
Дөраыс сёрниыс дон көть оз сулав,  
Вевттыны тшөктан, мыйён пё кула.  
Ачуд тэ некор менё эн вунөд, —  
Козьявлін мыйкё быд чужан лунё.

Козьявлін меным, новлы пё, төрас..  
Ме тэныд ньоблі дзик өти дөра.  
Выльысь кө чужи, кужи ме эськё,  
Но өд он некыз лоёмсё веськөд.  
Тэныд оз ло нин көдзыд ни жар ни,  
Сиктсаян көть гуөдз вольсала зарни.

# ВОРСӨ ГАЛИНА ЛЫТКИНА

## ОЧЕРК

Ветымынөд воясö коми театрö воливлысьяс бура на помнитöны коми драматург Николай Дьяконовлөн пьеса серти «Свадьба приданной» спектакль. Тайö спектакляс Люба Бубенчикова рольын петкөдчис томиник артистка Галина Лыткина.

Рольыс нейджыд, эпизодическөй, но Лыткиналөн Люба Бубенчикова — серамбана, вильыш сиктса нывка воис сьөлөм вылас видзöдысьяслы. И некод, дерт, на пиысь эз вермы тöдны, мый тайö рольсö драматург гижис буретш Лыткина вылысь. Сидзкө, драматург, театрса режиссёр да артист Н. М. Дьяконов аддзис Лыткина морттуйысь сэтшöмөс, мый зэв бура лөсялис сьён мөвпыштöмторлы, и аслас пьесаын серпалис сöмын на заводитчысь том артистка-öс.

«Свадьба приданной» вöли спектакльöн, көни Галина Лыткина ворсис асьыс медводза рольяс пиысь öтиöс да кодсянь и заводитчис сьлөн мастерствоö туйыс.

Гортас, семейнöй альбомын, Галина Лыткиналөн чукöртöма



фотографияяс спектаклясысь, көни сийö ворслис комын во чöж артисткаалигөн. Мыйта рольяс ворсöма! Мыйта, позьö кө сидз шуны, йöз олөм олөма сцена вылын аслас геройясысь образьяс тэчигөн!

Галина Лыткина ворсис пöшти став коми спектаклясын. И. Пыстинлөн «Бушкала воясын» — разведчица Надя, И. Потолицынлөн «Изьвайывса крепость» — батрачка Марпа, В. Лекановлөн «Сиктса рытьясын» — Груша, А. Трошевлөн «Көни шувгö вөр» спектакльын — Нина. Серамбана рольяс ворсис Г. Юшковлөн «Макар Васька — сиктса зон» тешын, В. Лекановлөн

«Олөмын бужöдьяс» спектакльын.

Кызди шусис артистка олөмын первой спектакльыс?

Г. П. Лыткина думыштчылөм бöрын висьталö:

— Первойянас вöли «На белом свете» спектакль. Аслам героинялысь нимсö, кодöс ме ворси, ог нин и помнит. Тайö спектакльсö сүвтöдисны 1947-öд воясö. Комын во сайын. Быдса олөм колис.

Но некыз оз вунöдсьы öти тешкодьтор, кодi йитчöма тайö спектакльыскöд. Вöли сэни, менам рольын — ворси збойиник том нылöс — тшöкыда шуан öти кыв: «но нин», кодi зэв бура лөсялис том нывлы. Шуа тайö кывсö — залын, видзöдысьяс пöвстын, серам. И тадзи спектакль чöж.

Премьера бöрын театрса став артистьяс шуткаөн кутисны нимтыны менö «нонинөн».

Асьым нимöс быттьö вунöдлi. Воам сиктьясö гастрольяс вылö, казяласны менö дзик тöдтöм йöз, и гораа висьталöны öта-мöдныслы: «нониныд» пö бара воöма, клубын талун ворсны кутас. Сэтшöма

көвъясис меным тайо кывйыс...

Лоны ко нин дзик стөчөн, первойя спектакльнас, коні Галина Лыткина петкөдчис профессиональной сцена вылын, вөлі драматург Малюгинлөн «Старые друзья» спектакль, Тамаралөн — том советской нывлөн роль. Сийо сомын на пырөдчө олөмас, волнуйтчө, оз кокниа аддзы ассыс туйсө.

— Рольыс, — шуо артистка, — мем вөлі зэв матыса, гөгөрвоана. Од ме, позьо шуны, ачымос ворси. Көть и помалі нин сийо воас Сыктывкарын театральнөй студия, сьолөм эз вөв местаын. Мөвпалі: правильнө-ө вөчи, мый көсйи лоны артисткаөн.

Таодз Галя Лыткина велөдчис аслас Емдин сиктын, педучилищын, көсйис лоны учительницаөн, челядьос велөдны.

Отчыд сийо казалис объявление, коді чуксалис том йозос велөдчыны Сыктывкарө, Коми республиканской театр бердын восьтөм студияө, коні дасьтөны артистьясөс. Лыддис та йылысь, и ыркмуни нывлөн сьолөмыс. «Мый лоө ло, а пыра велөдчыны студияө», — мөвпыштіс Галя. Аслас көсйөм йылысь висьталіс мамыслы. А мам и кывзыны оз көсйи: «Вежны учительшалысь удж артисткаалөм вылө? Нэм чөж кикимеритчыны йоз водзын? Йөймис нылыс!»

А ныв аснырөн дольо пыр ассыс: «Көсья лоны артисткаөн». И сийо

жө воас муніс Сыктывкарө, көть өти кывйө мамыскөд и эз во.

Дерт, эз төд мамыс, мый нылыс сьлөн шуда кодзув улын чужлөма. Коляс кад и сийо лоас республикаын пыдди пуктана мортөн, народнөй артисткаөн, кодлөн уджыс йозлы зэв жө колана.

Галина Лыткина оз вермы норасыны аслас актёрской омоль судьба вылө. Творческой туйыд көть и абу шылдыд, сы кузя мунөмыс артисткалы вайис уна радлун, нимкодь аддзысьлөмъяс спектаклясын ворсигөн. И өні Галина Питиримовна неуна шогсыштөмөн казтылө кольөм вояссө, ассыс бур другьяссө — спектакльса геройясөс, кодьяслысь рольяссө удайтчис ворсны. Геройясыс сьлөн — нывъяс, нывбабаяс, разнөй профессияа йөз. Найө радейтөны и мустөмтөны, шогсьөны и радлөны, уджын водзмөстчөны и челядьос быдтөны. Абу ангельяс, а ловъя йөз, кодьяс олөны мянкөд орччөн.

1958-өд воын театрын сувтөдісны «Льөм пу дорын аддзысьлөмъяс» спектакль. Нюталысь, модничайтысь сиктса нывлысь, роль ворсис Галина Лыткина. Ворсис зэв пөся, ас ногыс интереснөя, кыдзи шуасны, купайтчис тайө роляс. Он вермы вөлі кутны серамтө спектакль видзөдігөн, кор Лыткиналөн Нюта ас вылас «гөтралө» Черноморской флотса матрос Михаил Алли-

луйяөс, кодлысь рольсө зэв жө кужөмөн ворсис артист Михаил Красильников.

Лыткиналөн Нюта — абу тунеядка, уджысь өддортчысь морт. Лыткина аслас героиняа пыр петкөдлө: Нюталөн вежнясьөмыс, тешкодьясьөмыс, гуга-бана сёрниис — ставыс тайө ортыса, а морөс кудьяс сьлөн тіпкө бур сьолөм. Артистка аслас талантөн озырмөдіс Нюталысь образсө да ставнас спектакльсө.

Коми АССР-са народнөй артист М. А. Красильников, Галина Лыткиналөн творческой удж кузя ёртыс, висьталө артистка йылысь:

— Галина Лыткинакөд ми өтлаын помалім театральнөй студия Сыктывкарын. Отлаын уна вояс чөж ворсам спектаклясын. Тшөкыда овла сьлөн партнөрөн. Сыкөд интереснө ворсны. Интереснө сы вөсна, мый сцена вылысь артисткаөс некор он аддзы веськодьөн. И тэ сыкөд орччөн он вермы ворсны кодзыда. Тайө зэв ошканатор.

— Көсья ещө пасйыны, — водзө висьталө Михаил Красильников, — Галина Лыткина сяммө өдйөджык «пырны» аслас героинялөн олөмө, озырмөдны сийөс колана визьясөн. Артистка аддзө быд образлы буретш сылы лөсялана морттуй визь. Кытысь сийөс босьтө? Тшөкыда — налысь, кодьяскөд сийө аддзысьліс олөмас да кодьяс мыйөнкө йиджтысисны артисткалөн

паметь. Отилысь помнито аслысьяма ветлөмсö, мөдлысь — сёрни модасö, коймөдлысь — коймөдтор. И ставыс тайö отсалö творческöй уджын...

Овлö сідз. Театрын артисткалы (либö артистлы) сетісны спектакльын роль. А рольыс абу медшөр, эпизодическöй, коді оз шонты сьөлөмтö. Дерт, татшөм рольтö абу интереснö ворсны, кöть сійö, шуам, и колана жö.

Галина Лыткина и ичөтик рольын кужö петкөдчыны сідз, мый сійö сьөлөм вылас воö и видзöдысьяслы, и критикьяслы, и пьесалөн авторлы. Босьтны Г. Юшковлөн пьеса серти «Макар Васька — сиктса зон» теш. Лыткиналы сетісны ворсны том колхозница Галялысь роль. Гозмөдысь и мыччысьлö сійö сцена вылын.

Эз зэв окотапырысь босьтчы артистка тайö роляс. Но öд спектакльыс коми драматурглөн, коми кыв вылын, коми йöз олөмысь. Верман öмöй пыксьыны?

И со — премьер. Творческöй удачаяс лыдын бара уджыс и Галина Лыткиналөн, кодлы сьөлөмсянныс аплодируйтісны видзöдысьяс, кодöс ошкис бура ворсöмысь ачыс пьесалөн авторыс. А спектакльса режиссер сійö рытас сетіс артисткалы память вылö театральнöй программа, кытчö дженыдика, но тöдчана гижöма: «Пыдди пуктана Галина Питиримовна! Рольыд бу-

ра артмис, кöть и он вöлі кöсйы ворсны. Аттьö тэныд».

Галина Лыткиналы лөсялöны паськыда тöдса кывьяс: «Оз овлыны ичөт рольяс, овлöны омöль артистьяс».

Артисткалы сетісны роль. Тайö пöрийö — эпизодическöй, абу уна кывьяса. Казялас-ö тэно стрөг зритель? Но со артистка заводитö уджавны роль вылын и... — мыйöнкö дзирдавыны кутіс рольыс. Мыйöнкö тэныд сьөлөм вылад воис. И тэ нин, аслыд тöдлытөг, виччысян артисткалысь сцена вылын выльысь мыччысьмөсö.

Талант? Да, талант. Но не сöмын.

Театр неважөн на сувтөдліс том коми драматург Белыхлөн пьеса серти «Таысь колö судитны» спектакль. Галина Лыткиналы, дерт жö, и тайö коми спектакляс вичмис роль — Марьялөн, лесничöй гөтырлөн. Артистка, роль вылын уджалігөн, шыасис режиссер да пьесалөн автор дінö корөмөн: паськөдыштны Марьялысь рольсö. И öти репетиция вылын вöзйис сэтшөм тö сценаын сы ногөн колана текст. Режиссер да пьесалөн автор шуисны: видлам пö, мый артмас.

Кор сценкасö ворсісны артисткаөн мөвпыштөм содтөдөн, ставөн аддзисны — Марьялөн рольыс тöдчымөн вежсис бурлань. Галина Лыткина петкөдліс чужөмбансö нывбабалысь, коді гөгөрвоö,

мый вермас воштыны радейтана мортöс — асьыс верөссö, челядылысь батсьö, да ас ногыс тышкасьö семьялөн да аслас шудлун вöсна.

Спектакльлөн премьер бара гижис Галина Лыткиналөн театральнöй программа лист бокö: «Галина Питиримовна, ыджыд аттьö спектакльсö вылөджык лэптöмысь».

Со тадзи артистка бурмөдö образьяссö аслас героиньяслысь, вöчö найöс интереснöй-джыкөн.

Сідзкө, делöыс абу сöмын талантын, а тшөтш сыын, мый роль вылын уджалігөн артистка ставнас сетö асьсö творчестволы.

Öти нималысь морт талант йылысь шуис сідзи: «Таланттөм морт оз овлы. Быдөнлөн эм мыйкө да мыйкө вылө талант». Тайö дзик сідзи. Эз кö вöвны таланта йöз, эз вöвны и дырысь учёнöйяс, писательяс, композиторьяс, кодьяслысь нимсö тöдö став мирыс. Но öд эмöсь примерьяс, кор талантливöй мортлөн кодзулыс костті кусö. Мыйла? Сы вöсна, мый öти талант вылө надеяөн унатор он вöч, таланттö кö он сөвмөд быд лунъя творческöй уджөн. Тайö лөсялö артистлы и сталеварлы, учёнöйлы и плөтниклы, и налы, коді быдтö нянь... Торйөн нин таланттö колö, дерт, сөвмөдны-ёсьтыны творческöй работникьяслы.

— Да, тайö збыль вылö сідз, — думыштчөмпырысь шуö Г. П.

Лыткина.— Артистлөн олөмыс пыр эрдын и колө не воштыны дөверисё видзөдысьяслысь. Көть көні тэ эн выступайт: карын, ыджыд зрительной зала да лөсьыд сценаа театрын, либө сиктса клубын.

Воан, шуам, гастрольяс дырйи сиктө. Кузь туй бөрын мудзөмыд. Окота көть төкөттьө шойчыштны, но кадыс абу, колө петны сцена вылө. Видзөдысьыдлы од кутшөм мог — мудзөмыд тэ али абу. Сійө локтис клубө, спектакль вылө, кызди праздник вылө. Сидзкө, вунөд аслад мудз йылысь. Тэ артист, и тэныд оз позь лёка ворсны.

Шуны кө нин соссытөг, сиктъясын ме ёнджыка радейта ворсны. Сиктса видзөдысь некор абу веськодь сы динө, мый вөчсё сцена вылын. Теш кө — сёлөмяныс сералө, спектакльса герой кө переживайтө — и зрительной зал тшөтш пыдисянь переживайтө. Збыль вылө праздник овлө и видзөдысьяслы, и миянлы, артистъяслы, кор воам сиктъясө коми спектакльясөн. Жаль сөмын: геждо овлөны татшөм праздникъясыс. Уджйөзабсь коми драматургъяс сиктса войтыр водзын.

Галина Лыткина, кызди вөлі пасйөма нин, ворсис уна-уна рольяс. Кутшөм рольяс колисны дыр кезлө паметьбө?

Артистка вочавидзис:

— Ог көсйы кулитны ни өти роль. Быдөн на пысь отсалис меным лоны артисткаөн. На-

родной артисткаөн. Отсалис, гашкө, мыйөнкө и сыын, мыйысь мортлоө вежөраджыкөп, олөмсө бурджыка гөгөрвоысьөн. Со көть босытны Алексей Арбузовлөн пьеса серти «Иркутской история» спектакль. Валялөн роль. Валька — некодөн пыдди пуктытөм морт. И друг Сергейлөн, экскаваторщиклөн, ыджыд сёлөма мортлөн, сы динө ыпнитө муслуи. Сергей пөгибнитө. Ставыс тайө мод ногөн вөрзөдө Валялысь пыдө дзесбсьөм сөстөм чувствояс, отсалө сылы лоны Мортөн, Гражданинөн.

Кутшөм сложной, интересной характер. Мортлысь сёлөмтө чепльөдлысь драматической судьба. Ворсны татшөм рольяс — быд артисткалы ыджыд творческой шудлун...

Коми АССР-са народной артистка Галина Лыткинаөс тшөкыджыка аддзан сцена вылысь өния кадея геройяслөн рольын. Видзөдысь велалис нин: театральной программаны кө эм нимыс Галина Лыткиналөн, сидзкө аддзысьлөмыс лө талунъя геройкөд, коді олө да уджалө миянкөд орччөн. Татшөм рольясыс зэв бура лөсялөны Лыткиналы, да и ачыс найөс ворсө радпырысь. Но помнитсьөны и мукөд сяма рольяс, көні артистка петкөдліс любөй сложной рольбө пөртсыны кужөмлун. Оні на син водзын Николай Погодинлөн пьеса серти «Третья патетическая» спектакль.

Лыткина сәні ворсис Настялысь роль. Коді сійө Настяыс? Советской властылөн враг. Лыткиналөн Настя аддзө, мый важ олөмыс, кодөс путкыльтис-жугөдис революция, бөрсө оз нин бергөдчы. Настя сёлөмын кыптө лөглун на динө, кодъяс мырдисны сылысь ставсө: озырлун, уджавтөг шуда олөм вылө право.

Галина Лыткиналөн искусствоыс матыса да гөгөрвоана быдөнлы, любөй профессияа мортлы. Кодөс көть артистка эз ворс, быд рольын сійө, кызди шуасны, «ас».

Өтчөд, коми спектакль дырйи, кодөс петкөдліс республиканской драмтеатр, меюали орччөн пукалысьяслысь: «Мый налы сёлөм вылас воө артистка Лыткина ворсөмын?»

Найө, кызди өти, вочавидзисны:

— Эскан сылы. Артистка оз ворс, а олө сцена вылын, асла рольын. Торйөн нин коми спектакльясын.

Талант кушынын оз сөвмы-быдмы. Сылы колө бур мусин. Татшөм мусиннас том артистка Лыткиналы войнабөрсө воясө, кор сійө вөчис профессиональной сцена вылын медводдза воськовъяс, вөлі Коми республиканской драматической театрлөн национальной творческой коллектив. Көть Галина Лыткиналөн сцена кузя ыджыдджык ёртъясыс и асьныс на вөліны томөсь, но нималисны нин мастерьясөн. Налысь

нимъяссö мян республикаын, да и сы сайын, бура тöдöны. На лыдын С. И. Ермолин, Н. М. Дьяконов, П. О. Мысов, Ю. И. Трошева, Г. П. Сидорова, С. С. Ростиславина, А. Г. Зин да мукöд, кодьяс лоисны заслуженнöй да народнöй артистъясөн. А И. И. Аврамовлы, театрса артистлы да режиссерлы, код творческой веськöдлöм улын уна во нин уджалö Галина Лыткина, сетöма СССР-са народнöй артистлысь ним. Первойөн мян республикаса творческой рабoтникъяс пиысь.

Кызди донъялö творчествосö Галина Лыткиналысь СССР-са народнöй артист Иван Иванович Аврамов?

— Галина Лыткина — таланта артист-

ка,— висьталö театрса главнöй режиссер.— Ог помнит, медым сийö эз дöрт олöмö режиссерлысь мөвпсö, индöдьяс-сö, эз вен виччысьтöм ыджыд сьöкыдлунъяс. Найö овлöны мян творческой олöмын. Шуам, регыд лоö премьеры, а спектакльын сэтшöмтö роль ворсысь артистка друг висьмис. Колö сийöс вежны. Тайö абу зэв кокни — велöдны некымын лунөн ыджыд роль, пырны героинялөн образö. А Галина Лыткина быть вöчас тайöс. Артистка зэв азыма босьтчö быд выль рольö, выль спектакль вылын удж динö. Сийö кужö сцена вылын импро в и з и р у й т н ы, водзвыв лöсьöдчытöг ворсны кутшöмкö сцен-


ка ёсьджыка, пыдисяньджык, интереснöя.

Талун Коми республиканскöй драматической театрын ворсöны орччөн, öти сцена вылын, Галина Питиримовналөн нывъясыс — Таня да Светлана. Вöчöны бöрийöм туй кузя медводдза воськовъяс, кызди и налөн мамныс комын во сайын.

— Творческой нянь— абу кокни нянь,— шуö Галина Питиримовна,— и тайöс Таня да Света бура гөгөрвоöны. Мам ногөн бурсиа налы шуд: олöмын и сцена вылын.

Аслыс Галина Питиримовналы тайö төлысьын тырö чужан лунсянныс 50 арöс. Искусствоса уджалысьяс, театр радейтысьяс пöся чолöмалöны сийöс тайö юбилейнас.

# КОМИ УЧЁНОЙЯС ЙЫЛЫСЬ ПАСЙОДЪЯС



## АСЛАС ТУЙ ВИЗЬ КУЗЯ

Неважён петіс «История Коми АССР» книга. Тайö ыджыд научной уджсö дасьтисны СССР-са наукаяс Академиялөн Коми филиалысь кыв, литература да история институтса учёнойяс. Книгаын петкөдлöма Коми мулысь историясö зэв важ кадсянь öнiя луньясöдз. «Коми АССР-лөн история» — зэв колана пособие преподавательяслы, и дерт, историкьяслы сийö лоас пызанвывса книгаөн. Лыддясны сийöс ставныс, кодьяс көсйöны бура тöдны чужан мулысь история.

Тайö книгалысь некымын юкөн гижис историк Лидия Ивановна Сурина.

История. Позьö шуны, мый ськөд Лидия Ивановналөн йитчöма став олöмыс. Чайтсьö, история дiнö муслуныс чужис Поёлса семилетной школаын велöдчигөн на. Лида лов шысö дзёбöмөн кывзiс батыслысь важ олöм-вылöм йылысь висьтъяс. Дас морта семьялы асланыс нянь эз тырмывлы тулысöдз. Та вöсна батыс, кодi нимавлiс кужысь вурсьысьöн, сиктса мукöд гöль олысьяскöд кынöмпöт перйöм могысь уна вояс чöж ветывлiс ыли муясö. Нажöтка вылысь локтöм бöрын бать висьтавлiс ыджыд карьяс, заводьяс да фабрикаяс йылысь. Висьтасьöмсö кывзöм бöрын Лидалы окота вöли ставторсö аддзывлыны аслас синьясөн, тöдмавны ыли муясса йöзлөн олöм йылысь, мыйöн сийö торьялö Поёлса крестьяналөн олöмысь.

«Кызди овлiсны вöйдөр поёлсаяс да орчча сиктъясса йöз?» — частö юасьывлiс быдторсö тöдмавны зiльысь нывка. И ковмис уна во, медым вочавидзны.

Семилетка бöрын Лидия помалiс учительясöс дасьтан курсьяс да уджалiс преподавательöн Куратово сиктса начальной школаын. Том учительница гөгөрвоис, мый тöдöмлуньясыс сьлөн этша на. Пырiс велöдчыны рабфакö. Рабфак бöрын — Коми государственной педагогической институтлөн исторической факультетö. Сэни Лидия Ивановна велöдчис зэв бура. Институтсö помалiс война ыпнитан 1941 воын.

Институтын велöдчигөн преподавательяс казялiсны Суриналысь история кузя паськыд тöдöмлуньяс, советуйтiсны сылы пырны аспирантураö. Та йылысь жö мөвпалiс и ачыс, но став бур көсйöмьяссö дзугис война.

Уна во Лидия Ивановна вöли уджалысь йöз депутатьяс Сыктывкарской городской Советлөн исполкомын. Рöдиналы сьöкыд воясö пырö ленинской партия радьясö. Кызди коммунист да горсоветса депутат,



ышöдö карса олысьясöс героической удж вылö, медым сетны ыджыджык отсöг фронтлы, медым матыстны враг вылын победа.

Но оз кеж Сурина институт пома-лигөн бöрийöм туй визьысь: кöсийö лоны учёнйöн — историкöн. 1949 воын сийö пырö СССР-са наукаяс Академиялөн Коми филиалбердса аспирантураö.

«Вологодской губерниялөн Усть-Сысольск бердса вöлöстьясысь крестьяна XIX нэм помын да XX нэм заводитчигөн» — таdzi шусис диссертацияяс, кодöс Лидия Ивановна Сурина дорйис 1953 воын А. А. Жданов нима Ленинградской университетлөн учёнйö совет вылын. Сэни сёрнитысьяс пасйисны, мый тайö научной уджыс пыртö тöдчана пай Коми крайлысь социально-экономической история тöдмалöмö, ыджыд тöдчанлун ворсö сiдз жö ставнас Россиялысь история изучайтöмын. Учёной совет öтсöгласөн шуис диссертациялөн

авторлы сетны исторической наукаяс кузя кандидатлысь учёной ним.

Том учёной локтö Сыктывкарö. Лидия Ивановнаöс индöны младшöй научной сотрудиокөн СССР-са наукаяс Академиялөн Коми филиалысь кыв, литература да история отделö. Сийö вöли отделас первой да öтка учёной-историкöн. Дзик пыр ковмис босьтчыны кыв кутана уджö — редактируйтны да дасьтыны печатьö «Коми АССР-са история кузя очеркъяслысь» первой том. Медым ставсö вöчны лючки-бура, выль уджö босьтчигөн ковмис венны вель уна сьöкылунъяс.

Очеркъяс вылын уджалигөн Лидия Ивановна гөгөрвоис, мый Коми крайлысь история тöдмалöмсö колö нуöдны ещö на пыдиаджык. Первойысь марксистско-ленинской методологической подув вылö мыджсьöмөн вöли колö тöдмавны зэв важ кадсянь империализмлөн эпохаöдз Коми крайлөн историялысь социально-экономической да политической подувсö. Тайö могсö Сурина пöртис олöмö.

Учёной тöдмасис местной архивьясса материалъясөн. Но сэни революцияöдзса история кузя материалыс вöли вывти этша. Тайö эз падмöд Лидия Ивановнаöс. Сийö кад жалиттөг да пыдиа тöдмасьö Вологдаса, Архангельскса, Ленинградса да Москваса архивьясөн. Мудз тöдтöм удж оз вош весьшөрö. Лидия Ивановна лöч чужан мулысь история гөгөрбок да пыдиа тöдысь специалистъясысь öтиөн.

Л. И. Сурина аслас озыр тöдöмлунъясөн юксё филиалса том историкъяскöд. Вочасөн тэчсö учёнойяслөн дружной да уджач коллектив. Сэни пыдди пуктана веськöдлысьясысь öтиөн лöч Л. И. Сурина. Сийö тöдмасьö, кыdzi комынод воясö мяян республикаын нуöдсис коллективизация да кыdzi ёнмисны колхозьяс, кыdzi мöд да коймöд пятилетка воясö Коми АССР-ын мунис социалистической индустриализация. Тайö исследованиеяс подув вылын гижöм удж пырис «Коми АССР-са история кузя очеркъяслөн» мöд томö. Общественностьөн вылö вöли донъялöма «Коми партийной организациялөн история кузя очеркъяс» книга. Сылөн авторъяс лыдын — Л. И. Суриналөн нимыс.

Тайö вöлины Коми АССР-лөн да коми партийной организациялөн история кузя первой обобщайтан уджъяс, кодъясöс гижöма исторической наукаса марксистско-ленинской методологиялөн öния корöмъяс сerti. Индöм книгагасын уна боксянь петкöдлöма Коми АССР-лысь да

коми партийной организациялысь история. Тайо уджъяссы лоисны учебной заведениеяслы да партийно-политической просвещениелон сетьлы зэв тодчана пособиеясон.

Сьокыд индины СССР-са наукаяс Академиялон Коми филиалысь историкъясон лэдзом удж, кодос дасьтомо эськэ эз пукты пай Лидия Ивановна. Лыддысьысыяслы паськыда тодса Л. И. Суриналон 1973 воын лэдзом «На далекой окраине» книга. Сэни висьтавсьо сы йылысь, кызди олісны да тышкасисны асланыс правояс вöсна Коми крайса рабочойяс. Ставсö Лидия Ивановнаон гижöма да йöзöдöма 20 сайö научной да научно-популярной удж.

Тодоны Л. И. Суринаос и кызди активной общественникос. Сийос некымынысь бөрйивлісны уджалысь йоз депутатъяс Сыктывкарской городской Советса депутатон. Уджавліс пропагандистон, уна вояс чож веськөдліс КПСС Коми обкомлон да Сыктывкарской горкомлон политической просвещение Керкаса методической советон. Сийö — «Знание» общественолон республиканской правлениеысь методической советса член. Вöлі кыв, литература да история институтлон учёной советса членон да республиканской краеведческой музейлон учёной советса членон, история институтлон сектора партгруппоргон. Научной уджын да общественно-политической оломын активнöя участвуйтомысь Лидия Ивановна Суринаос наградитома некымын медальон, Коми АССР-са Верховной Совет Президиумлон, КПСС обкомлон да горкомлон Почётной грамотаясон.

Олома да вочома уна нин, но арлыд выло видзөдтөг, Л. И. Сурина том дырйи моз збодер, йиджтысьома выль творческой планъясон.

— Öни дасьтысьö «Европа Войвывса крестьянстволон история», — висьталö сийö. — Урчитома лэдзны нель том. Сэни лооны и Коми АССР йылысь юкөнъяс. Косья гижны коми крестьянство йылысь кутшомкө юкөнъяс. Ог энотчы и общественной уджысь.



## ПЕТИС ЫЛІ УДОРАЫСЬ

— Окиль Митя Паш локтома, лекция лыддыны кутас, — сёрнитисны Острово деревняса олысьяс.

— Кутшом Митя Паш? — юасисны томъяс.

— Да сийö, кодi ветымын во сайын первой почтальонон вöлі. Комын верст сайысь, Вендингаысь, быд кык лун мысти татчö воліс. Газетъяс на лыддывліс, — вочавидзисны пöрысь йоз. — А сэсса инженерон лоис.

Неыджыд клубö öдва меститчисны чукөртчөм йоз. Быдөн көсийс кывзыны асланыс земляк Павел Дмитриевич Калининлысь, важъя прöзвище серти кө — Окиль Митя Пашлысь лекция. Лектор сёрнитис Советской Союзлон да Коми АССР-лон мупытшса озырлунъяс йылысь. Павел Дмитриевич лекциясö лыддис кабаляö видзөдтөг. Сюся кывзисны залын пукалысьяс, полисны ыджыдджыка лолыштны. А сэсса — юасьом бöрся юасьом.



Лекция лыддьом бõрын Павел Дмитриевич, шуйга кок вылас чотыштõмõн, трибуна вылысь лэччис залõ. Сийõс кытшалисны. Сийõ видзõдис йõзлысь чужõмъяссõ. Унджыкыс томõсь. Сõмын кымынкõ мортлысь аддзис кадõн вõчõм чукуръяс. Наысь õти кажитчис тõдсаõн.

— Абу-õ Александр Борисов?— юалис Калинин.

— Тõдін, Павел.

Борисов висьталис ас йывсьыс. Пõшти олõм чõжыс вõралõма. Сэсся воуйтис. Калинин моз жõ вõли ранитчõма. Уджалис колхозын, совхозын. Важõн нин пенсия вылын. Но пыр на стройын. Вõчалõ пыжъяс чери кыйысьяслы.

— Таын õни менам призваниеыс,— нюмъевтис Борисов.

Призвание. Сы йылысь радейтõны сёрнитны миян кадõ. А кор 1927 воын Павел Калининõс, сиктса почтальонõс, Вендингаса комсомолецъяслысь вожакõс мõдõдисны велõдчыны рабфакõ, Пермь карõ, сийõ эз на тõд, мыйын сылõн призваниеыс. Вõли сõмын ыджыд кõсийõм велõдчыны, медым кызди позьõ унджык пõльза сетны Сõветъяслõн страналы.

Кынõмпõt перйõм могысь Павел дас нель арõссянь вõралис. Тõлысьясõн олис пармаын, кыйсис Вендингасянь сё километр сайын. Кызь арõсаõн Павел Калинин тõдмалис комсомол йылысь, медводдзаяс лыдын пырис чужан сиктын котыртõм комсомольскõй ячейкаõ. А регыд мысти лõõ сылõн вожакõн.

Комсомол быттьõ восьтис олõм вылõ синъяссõ сиктса зонлысь. Сийõс кутис кыскыны велõдчõм. Но рабфакõ мунтõдз, Павел воён-джынйõн уджалõ почтальонõн. Тайõ вõли комсомольскõй организацияõн сётõм кыв кутана мог. Сийõ кадõ Удораын почтõвõй связыыс эз на вõв. Письмõяс разõдõмысь кындзи колõ вõли гижсьõдны газетъяс вылõ, тõдмõдны йõзсõ Сõветскõй властьлõн политикаõн. Вежоннас кыкысь Павел ветлис сылы индõм деревнясõ, кодъяс вõли нюжõдчõмаõсь 30 километр кузъта. Ветлис любõй поводдя дырйи. Отсалис вõралысьлõн писькõслун.

А сэсся рабфак. Сьõкыдкодъ вõли босьтчыны велõдчõмõ кызь кум арõса зонлы, кодi важõн нин эз босьтлы киясас книга. Но зильлун ставсõ венõ.

Тõдлытõг колис, быттьõ лэбис, кум во. А на бõрын — вщõ вит во чõж Свердловскса горнõй институтын велõдчõм. Вõли Павеллõн кõсийõм велõдчыны лесотехнической институтын, кодõс помалõм бõрын позис эськõ уджавны челядь дырсянь тõдса пармаын. Но лесотехнической вузын эз вõвны прõст местаясыс, мый вõсна ковмис пырны горнõйõ. Урал гõраясын, практика вылын, Калинин тырвуйõ гõгõрвоис геологлысь удж. Мусмис тайõ уджыс. Радейтанаõн лоис нэм кежлõ.

Павел Калининлы вõли 30 арõс, кор сылы сетисны руднõй месторождениеяс кузя инженер-геологоразведчиклысь диплом. Уджавнысõ сийõ вõзйысис Коми муõ.

Сийõ первой уджалис Ухтаса горнонефтянõй техникумын, сэсся местнõй промышленность кузя наркоматын.

Коми АССР-са местнõй промышленность кузя наркоматын уджалигõн Павел Дмитриевич инженер-геологсянь кыптис наркомõс вежысьõдз. Наркомат сэки корсис строительнõй материалъяс.

Усть-Куломскõй районын, Кельтма ю катыдын, кõни му веркõсын тыдалис доломитизируйтõм известняк, Калинин писькõдис шурф, медым тõдмавны известняк слõйлысь кызтасõ. Му пытшкысь перйõм известняк видлалигõн геолог казалис, мый рõмыс сылõн кутшõмкõ аслыссикас, быттьõ йиджтõдõма нефтьõн. Но кытысь сылы лоны? Мõвпыштис: породаяслõн потасъяс пыр нефтьыс вермис кыпõдчыны зэв пыдисянь. Тайõ тõдчана аддзõмтор йылысь Павел Дмитриевич гижис Москваõ, наукаяс Академиялõн президент академик Губкинлы. Воис воча кыв. Сэсся Калининõн индõм местаын некымын во чõж нуõдсисны корсьысян уджъяс. Но корсьысьõмсõ эз помавны: тайõ районõ зэв сьõкыд вõли писькõдчы-

ны. Эм-ö Вылыс Кельтма вылын нефтьлөн месторождение? Та вылö сэки стöча эз вочавидзны.

— Но öни та вылö позьö сетны эскöдана воча кыв,— висьталö П. Д. Калинин.— Делöйс сыын, мый бөръя кадö восьтöма нин нефтьлысь Верхнекамскöй да Верхнепечорскöй месторожденияяс. А Вылыс Кельт-маса район буретш на костын. И öни уна учёнöйяс лыддьöны, мый Верх-некельтминскöй районуын нефтьыс эм.

Тыдалö, абу нин ылын сийö кадыс, кор Вылыс Кельтмаын кыптас-ны бурöвöй вышкаяс, кодъясысь фонтанъясөн резыштас нефть.

Наркоматын уджсö П. Д. Калининлөн олöмын позьö шуны сöмын эпизодөн. Олöмлысь медся ыджыд юкөнсö — комын во — Павел Дмит-риевич Калинин сетис СССР-са наукаяс Академиялөн Коми филиалын уджлы.

1939 воын чужö республикаын медводдза научнöй учреждениеясысь öти — СССР-са наукаяс Академиялөн Войвывса базаысь Сыктывкар-скöй группа. Вескöдлыны индöны геолог П. Д. Калининöс. Война орö-дис Калининлысь научнöй деятельностьсö некымын во кежлö. Сöмын 1946 воын войнаса инвалид, мöд степеня Отечественнöй война ордена кавалер, старшöй лейтенант П. Д. Калинин бергöдчö Сыктывкарö. Фронтовик пырö уджавны СССР-са наукаяс Академиялөн научно-иссле-довательскöй базаö, кодöс вöли котыртöма 1944 воын. Сёрöнджык ба-заыс лоис СССР-са наукаяс Академиялөн Коми филиалөн.

Фронт вылын Калинин воштис кок пöвсö. Экспедициясö ветлöм йы-лысь весиг эз вермы лоны сёрни. Сийö кутис вескöдлыны геологическöй секторөн. Младшöй научнöй сотрудник П. Д. Калинин вöчö зэв колана удж — шлиховöй анализъяс филиалса став геологъяслы. Павел Дмит-риевичөн минералъяс донъялöм геологъяслы отсалö вöчны правильнöй выводъяс породаяс куйлöм йылысь. Му шарлөн строение йылысь.

А сэсся выль задание — тшöктöны лöсьöдны «Геологическая изу-ченность СССР» научнöй уджлысь витöд том. Тайö ыджыдысь-ыджыд научнöй трудсö шуöма вöли лэдзны 30 том. Научнöй трудыс — мян странаын 1800 восянь йöзöдöм став геологическöй уджъяс йылысь да Сöветскöй Союзлөн мупытшса озырлунъяс йылысь аслыссикас сводка. Сэтчö пырöны геологическöй исследованиеяслөн история кузя рефе-ратъяс, аннотацияяс, библиографическöй справкаяс да обзорнöй глава-яс. Тайö ыджыд книгаыслөн могыс — сетны геологическöй исследова-ниеяс йылысь фактическöй материал, кызси содтöд «Геология СССР» фундаментальнöй монография динö.

Витöд томсö шуöма вöли лэдзны некымын книгаөн. Дас кык во чу-көртис материалсö Павел Дмитриевич. Уна тöлысьяс сийö коллялис Мос-кваса да мукöд каръясса геологическöй архивъясын. Тайö кад чöжөн вöли лэдзöма нель выпуск, кодъясын шымыртöма 1611 восянь 1955 воöдз кадколаст (тöдчöдам, урчитöма вöли чукөртны 1800 восянь, а корсьöма 1611 восянь!). Дасьтöма выпускъяс, кодъяс шымыртöны 1956—1965 во-яс, помалöма бөръя выпусклысь рефератъяс (1966—1970 вояс). Вöчöма ыджыдысь-ыджыд удж.

«Геологическая изученность СССР» научнöй уджлөн витöд томыс геологъяслы лоис аслыспөлöс энциклопедияөн, путеводительён. Ыджыд отсöг сийö сетис Вуктылса да Усинскса нефть восьтысьяслы. Қазьтыш-там, мый витöд том лöсьöдöм кузя кызвын уджсö вöчис П. Д. Калинин.

Павел Дмитриевичлы сизимдас сайö ар. Некымын во нин сийö пен-сия вылын, но ветеран пыр на збодер. Сийöс сьöкыд суны гортас. Ка-лининöс позьö аддзыны Верховнöй судын, кытчö сийöс бөрйöма народ-нöй заседательён (таöдз кызь во гөгөр сийö вöли Сыктывкарскöй город-скöй народнöй судса заседательён). Павел Дмитриевич частö выступай-тö лекциясөн. Ветлис сийö уна районъясö. Сылысь лекциясö кывзисны Леткаса да чужан районуна му вöдитысьяс, Сыктывкарса велöдчысьяс

да Усогорскса вөр лэдзысьяс. Ветеран-геолог Павел Дмитриевич Калинин, коді ассъыс став олөмсö снис чужан крайлөн мупытшса озырлунъяс тöдмалöмлы, пыр туйын.



## КОМИ ФОЛЬКЛОР НИМÖДЫСЬ



Филологическöй наукаясса доктор, Сыктывкарскöй государственнöй университетлөн коми кыв да литература кузя кафедраса заведующöй профессор Анатолий Константинович Микушевöс ми суим сълөн кабинетын корреспонденция видлалöм сайын. А. К. Микушев ним вылö воём письмöясысь öти вöли Венгриясь. Международнöй сравнительнöй литературоведение кузя «Неохемскоп» журналса редактор Дердь М. Вайде юөртис, мый тайö издание лысь öти номер редакция кöсйö сины финно-угорскöй литератураяслы. Письмö гижысь корö Микушевöс отсавны дасътыны тайö номерсö. «Миянöс, медвойдөр, интересуйтöны финно-угорскöй литератураяс костын, а сідз жö мукöд кывъя литератураяскөд йитöдъяс да налөн

типологическöй анализ»,— висътавсьö письмöын.

Мöд письмöыс вöли Москвасянь. Сы улын сулалис Россійскöй Федерациясь писательяслөн Союз правленияса председатель Сергей Михалковлөн кырымпас. Анатолий Константинович пöшти дас во нин вöли российскöй критика да литературоведение кузя сöветса членөн. Михалковсянь воём письмöын, стöчджыка кö, постановлениеын, висътавсис профессор Микушевöс критика да литературоведение кузя сöветлөн бюроса членөн вынсьöдöм йылысь. Коймöд письмöын, Москваысь жö, А. К. Микушев дінö шыödчисны кызди паськыда тöдса критик дінö да корисны бöрйыны мортöс том критикъяслөн всесоюзнöй семинарын участвуйтöм вылö.

Тайö письмöясыс нин петкөдлöны, кутшöм уна сикас могъяскöд йитчöма уджыс А. К. Микушевлөн. Но медся войдөр республикаын, да весиг рубеж сайын, сійöс тöдöны кызди фольклористöс. Фольклор исследуйтöм вылын сійö уджалис аспирантөн, эз энөвтчы фольклорысь кандидатөн, а сэсса и филологическöй наукаясса докторөн лöм бöрын. Анатолий Константиновичлысь исследованиеяссö зэв вылö донъялöны тöдчана учёнöйяс. Вайöдам некымын пасйöd докторскöй диссертация вылö, кодöс А. К. Микушев дорйис 1970 воын. «Диссертациялөн автор,— гижис фольклористъяслөн международнöй ассоциацияса вице-президент профессор К. В. Чистов,— Россійскöй Федерацияса национальнöй республикаын народнöй творчество кузя уджалысь медся вына да кужысь специалистъясысь öти. Научнöй авторитетсö сійö медвойдөр шедöдис кызди коми песеннöй фольклор чукöртысь да йöзöдысь... Микушевөн дасътöм диссертациялөн тöдчанлуныс донъявсьö дженъыд, но ясыд кывйөн — выльысь вöсьтöмтор».

«Шензяна, мый ещö миян кадö позьö вöчны сэтшöм чуймöданаторъяс, кызди коми эпос вöсьтöм»,— висъталис ошкана кывъяс финскöй академик Эрки Итконен.

«Микушев ёртлөн диссертациясы лоо коми народлөн песенной творчество йылысь первой обобщайтан уджён. Сылён уджык выводъяссы выльёсь,— гижис СССР-са наукаяс Академиялөн член-корреспондент профессор Д. К. Зеленин.— Диссертант ассыс выводъяссо вочо коми народлөн песенной творчествосы уна лыда образецъяс пыдіа анализируютом подув вылын, откодялём могысь комияскөд орччөн олысь народъяслысь песенной творчество видлалёмөн».

Наукао туй. Сійо абу откодь.

— Менам дядь, нималысь генерал Георгий Николаевич Микушев, мөвпаліс лоны литераторён, а лоис военной мортон, ме коси лоны офицерён, а меысь артмис учёной,— шмонитёмөн нисё збылысь шуо Анатолий Константинович.

1943 воын Микушев лоис Коми пединститутлөн литературной факультетса студентён. Роч кывйысь кындзи, тани велөдісны и коми кыв. Оти лекция вылын преподаватель кызкө казтыштіс М. Горькийлысь кывъяс: «Быдласянь — бурятъяс, чувашъяс, мариецъяс дорсянь да сідз водзө дзольгöны шензөдана мича мелодияслөн шоръяс. Тайо озыр материал будущей Моцартъяслы, Бетховенъяслы, Шопенъяслы да Григъяслы». Народной творчество йылысь тайо кывъясыс Микушевлы мөрчисны став олём кежлө.

Институт помалём бöрын сійөс мөдөдöны Сыктывдинской районса Ыб сиктö. Недыр уджалö средней школыын роч кыв да литература кузя преподавательён, а сэся лоо школаса директорён. Сэки жö сійөс примитöны партияö. Тани сійо матысянь төдмасьö устной народной творчествоөн. Сылөн сөвмө мөвп — сетны ассыс сямлунсö коми песенной фольклор төдмалёмлы. Сідзи сійо лоо СССР-са наукаяс Академиялөн Коми филиал бердын аспирантён.

Кызди кандидатской (1953 во), сідз жö и докторской (1970 во) диссертацияс дорйитөдз, найөс гижём вылө материал чукөртём могысь, Микушев ветліс уна лыда экспедициясö. Коми эпос да фольклор корсис республикаса районъясын, а сідз жö Мурманской областын, Ямал полуостров вылын, Обь юпөлөнса сиктыясын — быдлаын, көні олöны комияс. Көр дадюлаясөн да пон нартъясөн том учёной ветліс тундраті. Уна сё километр мунöма подөн.

Уна вося востөмъяс отувтöма «Коми песенной фольклорлөн генезис да эволюция» докторской диссертацияын. Диссертациясö вöлі лэдзöма торъя книгаөн, кодöс бара вылө донъялісны учёнойяс.

Тайо книгаыс А. К. Микушевлөн абу первой нин. 1961 воын вöлі йөзөдöма сылысь «Коми литература да народной поэзия» удж. Неуна сёрөнджык сійо А. А. Вежевкөд лэдзö «Коми литература» учебник. 1971 воын А. К. Микушев отлаын композитор П. И. Чисталевкөд лöны Коми АССР-лөн Государственной премия лауреатъясөн. Тайо премиясö налы вöлі сетöма «Коми народной сыланкывъяс» издание дасьтöмысь. Сыланкывъяссö лэдзöма куим том. Микушевөн либö сылөн отсөгөн гижöма 10 книга. Сійо йөзөдіс 150 статья журналъясын да научной уджъяслөн сборникъясын. А. К. Микушев нуөдö уна сикас научной да литературоведческой удж.

А. К. Микушевлысь научной заслугаясö вылө донъялёмөн, Финляндияса финно-угорской общество бөрйис учёнойөс аслас обществоса заграничной членөн. Таысь кындзи, Анатолий Константинович — научно-технической сотрудничество кузя смешанной советско-финской комиссиялөн литература да фольклор кузя группаса член, союзной да международной фольклорной конференцияс вылын быд пöръя участник.

## АРСЯ ВӨРЫН

Пувйыс таво  
Розья-розья.  
Зіля вотчоны  
Том гозья.  
А кор дышөдыштас,  
Сэк,  
Окасьыштны  
Абу грек.

Но, а ягыс —  
Сылөн вөля —  
Кыё помасьлытөм  
Висьт:

«Лоад коркө  
Пөчөн-пөльон,  
Сэки вөрад  
Он нин письт...»

Кымөр улын  
Куйлө пестер.  
Чөла дзуртө  
Пожөм пу..  
Көть и талун  
Тыртөг лэччан,  
Лөк кыв вөрыслы  
Он шу.

## ВОЙПУК ЙЫЛЫСЬ

Коми войпук йылысь  
Сёрни серти төдам.  
Мам на сэні сывлөм,  
Бать на сэні нөдлөм.

Вөвлөма пө гажа,  
Вөвлөма пө муса.  
Мамөй дзор нин важөн,  
Батьлөн олөм кусі.

Көсйөмыс да мөвпыс  
Налөн збыльмис, олө.  
Сөмын миян мөдтор  
Мыйлакө нин колө.

Праздникъясным вильёсь,  
Важсө ссылам, нөдам...  
Но, а войпук йылысь  
Та мында и төдам.



## ЧЕЛЯДЬДЫРСЯ ВОЯСӨЙ

Челядьдырся воясөй да  
Чөскыд өмидз тусьясөй,  
Кытчө бара лэбзинныд ті,  
Муса еджыд юсьясөй?

Недыр кежлө волөй вай на  
Миян дорө ворсыштны.  
Төдса вөрө котөртлам ми  
Котралыштны, горзыштны.

Лысан вылө пуксьылам да  
Вильыш төв моз лыйыштам,  
Эжва дорө лэччылам да  
Эзысь чери кыйыштам.

Челядьдырся олөмөй да  
Чөскыд өмидз тусьясөй,  
Он тай косөй миян дорө,  
Муса еджыд юсьясөй.



# КӖЛДУНЬЯ

## ВИСЬТ

Отарӧ ыркалӧ лов шыыс арлӧн. Чайтсьӧ, регыд нин ворсыштас асыв тӧлыс еджыд бобувъясӧн. Шомва кӧть и абу паськыд ю, но джуджыд да визув, пессӧ паромнӧй пыж улын быттьӧкӧ ловъя. Войыс сэтшӧм пемыд, кӧть кодкӧ чуньнас синмад сатшкас.

Сьӧкыда ружӧбтис паромлӧн моторыс, вӧрзис кокувса плӧщадкаыс да заводитис уйны пемыдас. Сӧмын ылын-ылын югзыштитис мыйкӧ кыа кодъ. Сийӧ пӧ вӧр лӧдзысьяслӧн Шомдор посӧлок.

Сэтчӧ и тӧрмасьӧны уголовнӧй розыкса инспектор Иван Югов да пон новлӧдлысь Егор Рудзегов. Рыт-нас нин милицияса горотделӧ воис юӧр, мый петкӧдӧмаӧсь посӧлокса магазинсӧ. Кольӧм войнас, буракӧ, вӧлӧм «делӧыс», но веськалӧма шойччан лун да абу и казялӧмаӧсь рытӧдзис.

Рудзегов понсӧ Зурганӧн нимтӧ. Зурганлӧн оз пукавсьы машинаын. Никсӧмӧн вӧзйысьӧ петны. Егор босьтитис сийӧс кӧвйӧдыс да корис ас дорас. Пукалӧ пон, дзоргӧ пемыдас.

Егорлӧн мӧвпъясыс жугыльӧсь: «Весьшӧрӧ Зурганӧс кыскам. Шыасьлі ӧд Манов дорӧ, да кывзас мӧй сийӧ!»

Инспекторлы, Иван Юговлы ставыс на войыс кодъ жӧ пемыд. «Дивӧ босьтӧ!— шензьыштӧ сийӧ.— Лунтыр некод эз казяв магазин гусялӧмсӧ. А ӧд стӧрӧж на эм и».

Юговӧс шензьӧдӧны и мӧд сикас мӧвпьяс: «Йӧзыс пыр грамотнӧй-джыкӧсь лоӧны, олӧмыс кокнялӧ. Некутшӧм абу коланлун корсьны кынӧмпӧт гусясьӧмӧн. А гусясьысьяс пыр на эмӧсь». Милицияӧ уджав-

ны локтигӧн Югов унаысь шулис аслыс: «Мыж вӧчысьяс бырасны, и уджтӧм колян...» Вӧлӧмкӧ, сорсьылӧма сӧки. Куим во сайын помалис Казанскӧй юридическӧй институт и кыз том специалистӧс мӧдӧдӧсны татчӧ, войвылӧ. Оз нин первойыс мун делӧ вылӧ, но пыр на мыйыськӧ быттьӧ родыштӧ. Артмас-ӧ ставыс лючки? Со и ӧнӧ тӧрмасьӧ, окота регыдджык кутчысьны дзугсьӧм шӧрт помас да каттысьны сы кузя. Кымын регыдӧн босьтчан корсьны мыжаӧс, сымын бурджык.

Но мый нӧ тайӧ? Берегӧдзис зӧв на ылын, а моторыс паромлӧн размӧдысь чорыда несйис да ланьтитис. Кылӧдӧ визулыс, а мотор пыр чӧв олӧ. Дӧзмис Югов да пырис рубкаӧ. Пызан сайын югыд лампа улын пукалисны ныла-зонма. Тыдалӧ, найӧ чорыда вензисны. Нывлӧн гырысь синъясыс васӧдӧсь. Гӧрд тошка зонмыжа синъясӧн видзӧдӧ ныв вылӧ да пыр на быттьӧкӧ корис прӧща.

— Мыйла сулалан?— юалис Югов.

— Моторыс жугалӧ,— вочавидзис зон.

— Гашкӧ, зибъяс эмӧсь?— шогпырысь юалис Югов.— Йӧткасям.

— Абуӧсь.

— Тадзи и кутам кывтны?

— Регыд лыа кӧса вылӧ каям.

Югов петис. Шофӧр пукалис машинаын да вугралис. Рудзегов Зурганьскӧд пукалисны топӧдчӧмӧн, шонӧдчисны.

— Меным ковмас чеччыны да мунны подӧн,— шыасис Югов Рудзегов дорӧ.— Моторыс жугалӧма.

— Мый сӧнӧ тӧныд войнас вӧчны?— дивуйтчис Рудзегов.

— Тані нинѳм бурис абу. Ме видзьяс вывті веськыд туй тѳда.

Недыр мысти паромыс гурскыштіс пыдѳснас ляпкыдінын, гаровтчыштіс да сувтіс. Югов пѳрччис ботинкисѳ да гачсѳ, босьтіс портфельсѳ и чеччыштіс пемыдас. Сѳмын на кыпѳдчис лыа мыльк вылѳ да удитіс гачасьны, нѳшта на кодкѳ бузгысис ваѳ да тѳрмасѳмѳн локтіс береглань.

— Глафира, Глаша!— горзіс вуджѳдчысь.— Эн йѳйтав!

— Ог кут мешайтчыны. Ѳтчид сѳмын сѳвзья синмас Полинушка-ыдлы дай муна,— нор гѳлѳсѳн вочавидзис ныв.

— Абу сійѳ мыжа! Абу...

Скѳр ань матыстчис Югов дорѳ да кысъталіс аслас сапѳгьясысь васѳ, сѳсся ыджыда ышловзис да шуис:

— Ті бѳрся кута вѳтччыны. Позьѳ?

— Вѳтчѳй, ме пайысь,— шуис Югов да воськовтіс водзлань.— Коді нѳ ті лоанныд?— паніс Югов нывкѳд сѳрни.

— Морт...

— Аддза — морт. Весигтѳ доза лѳсьыдіник.

— Аттьѳ.

— Кѳні уджаланныд?

— Некѳн ог.

— Кыдз сідз?

— Ѳтилаысь петі, а мѳдлаѳ эг на пыр.

Сѳсся орис сѳрни. Асмыштіс пемыдыс, и восьлавны быттѳѳ лѳсьыджык лоис. Джуджыд бадьяс костѳд Югов да Глаша кайисны видзьяс вылѳ. Регыд Юговѳс чукѳстіс Глаша:

— Виччысьлѳй!

— Мый лоис?— Югов ѳзтіс фонарик. Глаша пѳрччис сапѳгсѳ.

— Вирѳдз зыртѳма!— Югов гѳлѳсын вѳлі жалитѳм и дѳзмѳм.— Колѳ гаровтны. Эм тіян мыйкѳ?

— Чышьян. Сѳсся нинѳм.

Югов перйис портфельсьыс кичышкѳд, косяліс сійѳс шѳрипѳв да сетіс Глашалы.— Нямѳдав.

— Аттьѳ,— Глаша мыжа морт моз неокотапырысь босьтіс кичышкѳд торьяссѳ.

Ѳні найѳ восьлалісны нин орчѳн ытшкѳм видз кузя. И колѳ жѳ вѳлі сѳѳктѳдны неминучасѳ арся повед-

дялы. Первой сынѳдас ѳшйыштіс посныдык уль бус, коді черань везйѳн кѳлассис чужѳм вылѳ. Недыр мысти заводитчис зѳрны. Ковмис дзебсьыны зорѳд сайѳ.

— Но и но!— ышловзис Югов.

— А-а-асьядорыс д-дугдас,— мыкталігтыр шыасис Глаша.

— Т-ті к-кынманныд?— дзык виччысьтѳг воча мыктыштіс Югов.

— К-кынма...

Югов пѳрччис вывсьыс топыд ытыса плащ да пуктіс пельпом вылас нывлы.

— Асьныд плащтѳгыд кынманныд...

— Ог,— дѳзмѳм гѳлѳсѳн водзсасис Югов,— ме зорѳд улас пыра.

— М-ме п-пыра жѳ.

Зорѳд улын артмис кык торья горс. Горсьясас йѳжгыльтѳмѳн пуксисны зонма-ныла. Гѳгѳр чѳв. Сѳмын зѳр тусьяс дугдывтѳг кышкѳны-усѳѳны турун вылѳ. Шоналыштіс да Юговлѳн вугыртѳма. Садьмис кодлѳнкѳ кышѳдчѳмысь.

— Ті?!— чуймис сійѳ.

— Ме пола,— гусѳѳникѳн шыасис Глаша,— сійѳн и гудйыси ті дорѳдз.

— Мыйысь поланныд?

— Ветлѳдлѳ кодкѳ турун пиас, кышѳдчѳ. Дзодзув, гашкѳ...

— Дзодзулыд оз сѳй.

— А вомѳ кѳ пырас...

— Пѳдсѳн колѳ видзны,— нюмѳѳвтіс Югов.

Веськыда кѳ шуны, Юговлѳн йнзыыліс сѳлѳмыс нывлѳн татшѳм «збоялѳмысь». Тѳдтѳм нывбабаыс кыкис ас дінас... и повзьѳдліс. Югов ѳзтіс фѳнариксѳ.

— Ті, цыганка али коді?

— Кутшѳм нѳ ме цыганка!— дивуйтчис ныв.

— Мыйла нѳ та пасьяѳсь да татшѳм сѳѳдѳсь синьясыд?

— Арын, тыдалѳ, чужлѳма...— Ныв нюмьяліс сылы, сѳсся серѳктіс сѳтшѳм мичаа да гажаа, Юговлѳн косяссис быттѳѳ пытшкѳсыс, ачыс вом тырнас мѳдіс гигзьыны.

— Кѳлдунья ті?

— Но ѳд и ті кѳлдун жѳ...

— Ветфельдшер ме. Порсьпиянѳс кодзны муна.

— Сераланныд?

— А понья милиционерыс?

— Сійо ачыс ыджыд. Ме вөзйыси, да босьтисны. Пöпутчикьяс.

Дугдiс зэрны. Гажаджыка нин колис мөд вой джынйыс ныла-зонмалөн. Зорөд пытшкө пискөдчис нин асья югыдыс. Волiс да китшкыштит катша. Пуксьылисны зорөд вылө рудракаяс, раз-мөдысь кравөстлисны, быттьö ас ногыс горзисны «Бур асыв!» да бөр лэбисны.

Недыр мысыт кылис машиналөн шы. Чеччисны Югов да Глаша зорөдысь. Петисны туйлань. И лөсыда артмис. Удитисны сөмын километр джын мунны туй кузя, и суөдiс найөс машина, көнi пукалисны Рудзегов да сылөн Зурганыс.

— Югдiгас катер воис да катөдiс паромнöй пыжсö места вылас,— кыпыда юөртiс Рудзегов.

Зурган кузякодь скөралiс Глаша вылө, мурзiс. Поселокö воигөн нин сөмын ланьтiс.

Глаша да Югов торйөдчисны бур төдсаея моз.

— Пөрьясян ещö!— шогпырысь шуис Глаша.— Висьтасян ветеринарөн.

— Извинит,— Глашалысь кисö кутлигмоз шуис Югов,— шмонитны радейта. А тэ öнi кытчö?

— Корся пöпутнöй машина да пыр жö бөр муна.

— Гортад?

— Ог на төд. Гашкө, тiян карö кольчча, сюрö кө колана уджыс.

— Ме чайта зубнöй техникыс горполиклиникалы колö.

— Кыдз тэ төдан, мый ме зубнöй техник?

— Öтик-кө, эм зарни пинь тэнад... Зэв на том, а зарни пинь. Мөд-кө, сёрниыд медработниклөн.

— Зэв тай сюсь вөлөмыд. Ну, мөдысь аддзысьлытөдз.

— Регыд аддзысьлытөдз,— Югов топыда кутлис Глашаөс.

Участкөвöй инспектор Сергеев Игорь Васильевич, ар нелямына косiник морт, төдмөдiс Юговөс лөөмторнас. Ёна жалитiс, мый войся зэр ставсö мысыкис да öнi сьöкыд казьявны гусясьысыяслысь кок туйсö.

Гусясьысыяс, кыдзи и юөртлис милицияö Сергеев, збыльысь пыралөмаөсь пач труба разьөмөн, йирк выв-

сяньыс. Труба розь дорас кольөмаөсь кык кушенча гоз. Рудзегов ёна старайтчис, но Зурганыс сөмын йирк вылөд котралiс да никсiс, а лэччөм бөрын увтiс вузасысьсö, Полина Сюзеваөс. Понятöйяс сералiсны: регыд пö и сюри гусясьысыд!

Полина Сюзева, ар комына кыз нывбаба, дөзмис пон вылө да скөрысь шуис Рудзеговлы:

— Уберит ли мый ли сийөс, вир пүзьөдысьсö!

— Юасьö тiянөс аслас кылөн,— вочавидзис Рудзегов.

— Ме али мый гусяси?

— Сы йылысь и юасьö сийö.

— Мун сэтысь аслад юасьысьөн!

Актыс көть и артмис ыджыд, но нинөм төдчанатор эз ло пасйöма. Некутшөм чунь туй ни кок туй. Вузасысь висьталөм серти, гусясьысыя нүөмаөсь лунся сьөм, сё саяс пони часi, на пиысь комыныс зарни, быдсяма новлан көлуй да вит тюк шөвк.

Югов висьталiс телефон пыр горотделса начальник Мановлы ассыс первой видзөдласьяссö да корис сөгласие вöчны Сюзева ордын обыск. Унатор чуйдiс Юговөс татшөм воськов вылас: зарни часiяссö абу сюйöма сейфö, весиг сьөмсö.

— Иван, эн тэрмась,— өлөдiс Манов Юговөс.— Артышт нөшта ставсö гөгөрбок. Ме бура төда тайö нывбасö, ог эскы.

— Нинөм кө оз сюр, и майшасьөм оз ло. Шуам, Сюзеваыс бур ань, шойччан лун кежлө полис кольны сьөмсö магазинö вошөм-керөмысь, нуис гортас. А сэк кежлө татшөм случай...— вензис Югов.

— Аддзан кө збыль коланаөн, звөнитлы прокурорлы, Иван Ильич места вылас,— кывкөрталiс сёрнисö Манов.

Югов висьталiс ставсö прокурорлы, и сийö сетис санкция обыск вылө. Сөмын корсысьсөмыс нинөм эз югдөд.

— Обыскыд тайö йöй вылө артыштöма!— скөралiс участкөвöй инспектор Сергеев.— Кутас гортас сьөм видзны! Сюзеваыс ачыс сюсь, а сожительыс сылөн, Лудыковыс, куим пөв сюсьджык на. Вуджөдчö öнi. Аддзылин, көнкө, локтигад.

— Рыжикыс?— чуймис Югов.

— Да, гөрд тошка сійө. А мый, төдса?

Югов нинөм эз вочавидз.

Мөд лун. Югов видлалө кушенчаяс. Малалө бансө и гугсө, весиг исышталө, а шуны нинөм оз сяммы. Эмөсь сөмын нейджыд сьод штампъяс. Одва удайтчис вежөртны, кушенчаяссө вурөмаөсь Ухтаын. Корис ас дорас леспромхозса уджалысь Яков Лысовөс, код пыр муніс быдсяма спецодеждаыс вөрын уджалысьяс-лөн.

Лысов, неуна плешкасыштөм да дзормыштөм морт, сөмын малыштис кушенчаяссө да бура эз на видзөдлы на вылө, а шуис нин:

— Тайө Ухтаса швейникъяслөн. Миян өні некутшөм йитөд накөд абу. Асланым карса вурсьысыяс тыр-вийө кепысьөдөны.

— Сёрниыс зэв кыв кутана,— шуис Югов да выльысь юалис:— Верманныд-ө ті бура эскөмөн шуны, мый тайө кык кушенча гозйыс эз тіян пыр мунны?

Лысов матыстліс син дорас кушенчаяс, видзөдліс штамп вылө да черөн моз керыштіс:

— Верма. Вурөма тайө кушенчаяссө во джын сайын, а миянлы нин кык во оз вайны татшөмъяссө.

Югов лыддис тайө юөртөмсө зэв коланаөн, гижис протоколө да кырымөдіс Лысовөс.

— Сідзкө, уджыс тайө бокөвөй йөзлөн,— Лысов петөм бөрын радлыштис Сергеев, коді пукаліс тани жө.

— Чайтан, бокөвөй йөз кө гусясисны, тэныд и делө абу. А стөрөжыс көні вөлі?— чөвтліс Югов синсө өшиньө да шуис.— Вот и ачыс тапиктө.

Пырис косіник, дзоля тушаа дзор тошка дед. Босьтіс юрсьыс шапкасө, вештыштіс син вывсьыс некор сынавлытөм юрсисө да довкнитіс юрнас, чолөмасис.

— Здравствуйте, Семө дед,— вочавидзис Сергеев.

— Пуксьөй да висьтасьөй, Семён Яковлевич,— корис Югов.

Семө дед вит во нин стөрөжалө, дөзбөритө кымынкө склад да магазин. Ыджыд арлыда. Сійө важөн

нин пенсия вылын, но весь оз пукавсьыс гортас. Олө өтнас. Гөтырыс воддза во кувсьөма. Пиян да нывьяс карынөсь, пөшти некор оз волевлыны. Батьсө ас дорас оз жө корны. А вөзйысьны абу лөсьыд.

— Но кызд нө тадз артмис, Семён Яковлевич?— юасьө Югов.

— Кынмышті да пыри гортө. Шонтысьышта, мися. Эг и төдлы, унмовсьөма. Петі керкаысь. Нель час гөгөр вөлі. Эг өд куж видзөдлыны магазин вевт вылад. Рытнас нин сөмын казялі. Чөвтлі синмөс, а пач трубаыс абу. Пыр жө сельпоса пред діно муні.

— Корджык тіян нимлунныд?— веськодя юалис Югов.

— Сійө лунас и вөлі.

— Нимлунтө пасйыштінныд сідзкө?

Семө дед кузякодь чөв оліс, шуйга кинас чышкаліс улөс боксө, быттьө шөйөвошис.

Юговлы тайө тырмымөн вөлі, медым гөгөрвоны дедлысь мудеритөмсө.

— Юыштінныд, сідзкө?— тэрмөдлө пөрысь мортөс тшөтш и Сергеев.

— Ичөлика. Курөг мында. Юышти дай унмовси. Садьми сөрөн нин. Петалі, видзөдлі, ставыс бур да дзонь. А магазин труба вылад эг видзөд.

— Мед көть нин ме дорө локтін да висьталін, нимлун пө...— дөзмис Сергеев.— Тшөкті вежны. А эз кө артмы вежөм, ачым эськө видзөдышті.

— Дерт эськө да,— дедлөн раз-мөдысь бара на кыис зырыштіс улөс боксө.

«Эз на, тыдалө, ставсө висьтав!»— мөвпыштіс Югов, а сэссия неуна чөв олыштіс да юалис:

— Кодкод юыштінныд?

— Отнам...

— Ылөдчанныд, Семён Яковлевич!— сьөлөмсянбыс шуис Югов.— Ог төд сөмын, мый могысь.

— Мыжа ме. Юи да узи. Не кө тайө, гашкө и ставыс бур вөлі. Висьтала тай. Ог соссьы. Отнам юышті.

— Тэ жө абу юысь морт,— дивуйтчис Сергеев.— Мый нө сэтшөма друг юны ковмис?

— Нимлун. Юи курөг мында. Веськыда висьтася, кызд ен водзын.

— И некод эз волы тэ ордө?— эз эскыссы Юговлы.

— Коді нө ме ордө волас?

Кольоны лунъяс, а некутшөм төдчана туй пом Югов эз на аддзы, и оз на төд, кытчө эськө бура кутчысьны, медым петны гусясьысяс дорө. Кушенчаяс серти кө, позьо шуны, кодъяскө бокөвөйяс, абу посёлоксяс. Но кысь нө сэтшөм гарантияс, мый тайө кушенчаяссө посёлоксяс эз вермыны нёбны карысь либө ки помысь.

— Магазин гусялан войө, асья рөмыднас нин вуджисны посёлоксянь кум грузөвөй машина,— юөртис вуджөдчысь Сергей Лудыков.— Сэсся нинөм сэтшөмсө эг казавлы.

— Кутшөм организациясы машинасыс?— юалис Югов.

— Ог төд,— вочавидзис Лудыков.— Кодлөн сөмын оз и ветлыны машинасыс. Туйыс өд мян посёлокөн оз помассы. Төді кө, мый сийө войнас магазин петкөдісны, видзөдлі эськө номеръяссө и юали, кодлөн машинасыс.

— Шофёръяссө помнитан?

— Томөсь. Ставныс быттьө өтсемаөсь.

— Паськөмныс өтсема али чужөмныс?

— Чужөмныс и паськөмныс. Кабинасыныс эз и петавны весиг.

— Гашкө, бурөвикъяслөн машинасыс?

— Гашкө, и налөн.

Югов кузякодь чөв оліс да видзөдіс өшиньө. Ывлаын котралісны челядь, му вылын куйлісны кузь вуджөръяс, кодъясөс чужтіс рытъя шондыс. Енэж вывсө лякыштісны посныдик жеб кымөръяс.

— Мый вөвліс тіа-Глаша костын?— нёжйөник бергөдчис Лудыковлань Югов.

— Нинөм.

— Скөраліс тай мыйкө ті вылө да, сийөн юала.

— Аскөдныд тай муніс. Эз висьтав али мый?

— Юасыны эз вөв кызкө кивыв, а ачыс нинөм эз висьтав.

— Абу пөвъяс ми Глашакөд. Техникум помалөм бөрын воис мянө уджавны. Паныдасьлім клубын. Ме ышми мичлунсыс да кораси. Ог

төд весиг, радейті-ө сийөс. Синъясыс куканьлөн кодь гырысьсөсь, юрсныс чиганкалөн быттьө. Лөсьөдчи гөтрасыны... Свадьба көсий чукөртны, яй корси... Эз вузавны сэк мыйкө яйсө. Ме скөтоприёмной пунктө муні. Друг менам сәні уджаліс. Сідз и сідз, мися, кызди кужан, мезды. Босьт, шуө, өшпи, и артмас яй. Сө шайт сеті. Нуөді өшписө. Начки. А милиция өшинь улын нин. Гөтрасьөм пыдди кум во кезлө колонияө. Кык во мысти вөля вылө петі условнө. Гортө полі локны, дай яндзим. Локті татчө, посёлокас. Гожөмын да арын вуджөдча. Төлын вөр кыска. Шофёр менам профессияөй. Ола Полина Сюзевакөд, вузасыськөд. Ми радейтам өта-мөдөс. А Глаша кывлас мамсянь, көні ме обретайтча. Вот и воліс. Ме шуи, киссьөм васө огө нин куралөй.

Дас лун чөж нин олө Шомдор посёлокын Иван Югов, а гусясьысяс вылө эз на тшук. Манов оз видчы, оз тэрмөдлы, но гөлөс сертиыс позьө гөгөрвоны, оз ошкы. Медся нин мустөм сылы вузасысь ордын обыск вөчөмыс. Посёлок пасьта морт нин быттьө эз коль, код вылө Югов эз чөвтлы асьыс ёсь синъяссө, но некутшөм эрдөдан помкаяс эз сюрны. Сылісны быттьө и гусясьысясыс, и төваръясыс.

Парткомса секретарь Попвасевкөд да рабочкомса председатель Ивановкөд Югов чукөртліс рабочөйяслыс да служащөйяслыс собрание. Волісны уна йөз. Югов юөртис асьыс могсө.

Унаөн зэв окотапырысь сёрнитісны, критикуйтісны вузасысьсөс. Медбөрын трибуна вылө кайис Юрий Сизов, леспромхозса механик, ар комына, лөсьыда пасьтасьөма, дженьыда шырөм юрсна, паськыд пельпомъяса морт.

— Вөлі кө бур пөрадок ОРС-ын, магазинас вөръяс эз и сибаवны. Кум во нин магазин шонтөны котельнөйсянь, а важ пачыс памятник пыдди пыр на сулалө. А этійө стөрөжыс, Семө дедыс, кок йылас узьө, кык син костсыс көть нырсө гусяв. А сэтчө жө юсьөма да узьөма. Внукыскөд, көнкө, нимлун пасйисны. Машинаяс тай рытнас сулалісны өшинь улас...

Сёр рыт. Сергеев да Югов мунёны посёлок кузя. Енэжыс сэзь. Кодзувьяссё быттьё ошлёмабсь сунисьяс йылё. Чегём тóлысь тор дзик юр весьтын. Ывла югдодан лампаяс вóтлóны вóрлань пемыдсё. Лóнь да ыркыд.

— Кымалас, тыдалё, тавой,— гарыштó Сергеев.

— Вермас,— вочавидзё Югов.

— Но, мый сэсся кутам вóчны?— юалó Сергеев.

— Корсысьны.

— Мый серти?

— Колó тóдмавны, кутшóм машинаяс сулалісны стóрöж óшинь улын. Сизов серти, внукуыс дед ордас гóститóма. А дедыс оз висьтав. Мыйла? Чайта, юкталісны сійóс.

Дзик виччысьтóг паныдасис Глаша и налөн сёрни орис.

— Здравствуй, Ваня!— шыасис ныв.

— Здравствуй,— неуна чуймómон нюжóдіс Югов.— Кысянь тэ?

— Карсянь вои. Сóмын на машинаысь чеччи да веськыда тэнó корсьны. Поязя сёрнитыштны? Сóмын не туй вылын.

Югов оліс гóстиницалён торъя комнатаын. Лóсьодіс чай да юктóдіс виччысьтóm гóстяóс. А гóстя пóрчысьóма, пукалó мича виж платтьё кежысь, лóсьыда шмакалóm юрсиа, неуна муговгóрд чужóма. Синьясыс повзьóдана гырысьóсь да сэтшóm сьодóсь...

Югов ветлóдлө. То óтитор вайó, то мóдтор, а став пытшкóснас кылó, кызди óтарó крепыдджыка кóрталóны тайó мойдвывса синьясысас дорас. Мыйыс сóмын юрас оз гартчы. «А гашкó, меным сóмын мичаóн кажитчó. Лудыков со кукань синмóн нимтó...»

— Но, мый сэсся?— торкó чóвлунсё Югов.

— Ме делóон тэ дорó,— вочавидзё Глаша.

— Но?!

— Кык делó. Войдóрлун карын сирассис ме дорó кузь детина. Кыкис вечеринка вылó. Чукóрмис дас морт. Нывьяс да зоньяс. Вит пара. Юыштим, гажóдчыштим. Мый йóз, сійó и ме. Видзóда, ставныс гозйóдчыны дасьтысьóны. Медся интереснóйыс

сыын, мый быд зон узьны водтóдз пóдаритіс аслас нывлы зарни часіон, а менам кавалерóй сетіс мен кык часі. Вот найó,— Глаша перйис сумкасьыс часіяссё да сетіс Юговлы.

— Водзó, водзó мый?— терпенньóсьыс петіс Югов.

— А тэ мый чайтан?

— Узин?

— Дурак!

— Извинит.

— Ме босьті часіяссё да висьóm улó лэччи. Лёкысь горза да тупляся джоджас. Локтіс «скорая» да нуис больничаó. Сэтысянь и пышйи.

— А мóд юóрыс кутшóm?

— Мóдыс... Ас йылысь. Ме óні карса поликлиникаын зубнóй техник.

— Ну и молодчина!— сóмын и кужис пычкыны радлан сьóлómысь Югов. Дивуйтчис сійó нывлөн писькóслун вылó да татшóm виччысьтóm отсóг вылó.— Тэ тóдан, кодьяс тайó ныв-зонмыс?

— Кузь кавалерóй менам, Степан Пипуныров, шофёр, бурóвикьяслы груз кыскалó. Сылөн другьясыс, Олег да Евгений, тожó шофёрьяс. Сергей да Илья, сантехникьяс. Нывьясыс Анна, Катя да Римма — вурсьысьяс, а Серафима — санитарка больничаысь.

— А мыйла эськó горотделó эн пыр?

— Татчó воóm бóрын ме ачым та вылó дивуйтчи. Збылысь, мыйла эськó карса милицияó не шыóдчыны вóлі? Медся дивóыс на сыын. Тупляся джоджын, горза, а мóвпала тэ йылысь. Вот, мися, вая часіяссё, тэ босьтан найóс да аттьó пыдди окыштан...

Югов да Сергеев бумагаяс серти прóверитісны, и тыдовтчис, мый кыкнан часыс гусялóма татчóс магазинысь. Корисны юасыны войся стóрöжóс. Семó дед талун зэв лабутнóя вочавидзалó быд юалóm вылó.

— Семён Яковлевич, ті онó тóдóй Степан Пипуныровóс?— юаліс Югов.

— Внук сійó менам,— ыджыда ышловзис дед да шуйга кинас чышкыштіс улóс боксё.— Андрейлөн, ыджыд пилөн пиыс...

— Пипуныров Степан Андреевич, сідзкó?

— Сідз.

— Кымын арөса? Арлыдсө сылысь он төдөй?

— Кызы вит, кызы квайтөд вылын. Сідз, кажитчө.

— Гөтыра?

— Эн сёрнит. Раз-мөдысь нин лөсьөдчыліс гөтрасьны, да пыр оз путьмы.

— Ті бура төданныд сы йылысь ставсө!— дивуйтчыштіс Югов.

— Кыдз нө ог төд. Частө ме ордо волывлө.

— Сійө өд неважөн на, кажитчө, тиянын вөлі?— юалис Сергеев, коді өнөдз на пыр чөв оліс.

— Да...

— Гашкө, нимлунтө пасйыны воліс?— нюмьялігтыр юалис Югов.

— Збыль. Куимөн сэк найө вөліны. Сёрөдз кодь гөститісны...

— А мунөмнысө төдлін налысь?

— Эг. Узигкості мунөмаось.

— Висьталөй веськыда,— тшөктіс Югов,— корджык ті садьминныд?

— Но эз жө өд Степан гусясьны пыр!— дед весиг чеччыліс места вывсьыс.

Та бөрын налөн сёрни помасис.

Горотделса начальник Манов кывзис Юговлысь телефон пыр да ошкис. Көсйис пыр жө кутны гусясьысьясөс.

Югов да Глаша пөшти асыывводзөдз сёрнитісны асланыс олөм-вылөм йылысь. Час дас нин вөлі, кор найө пөпутной машинаөн веськөдчисны карө.

Вуджисны ю, а налы паньд паром вылө лөсьөдчөны кайны виж брезента куим грузөвөй машина.

— Вань,— тойыштіс бокас Юговлы Глаша,— первой машинаас Пипуныров Степан, а бөръя кыкас сылөн другьясыс — Олег да Евгений.

— Тэ эн сорсы?— шензьөмөн юалис Югов. Эз эскыссы сылы. Манов жө көсйысис...

— Найө!

«Мый вөчны?»— мөвпаліс Югов.

Югов падьялө, а машинаяс мурзигтыр мөдөдчисны паромлань.

«Найө жө Семө дед ордас сувтасны!»— лыйыштіс мөвп Югов юрын.

— Стоп! Стоп!

Машинаяс сувтісны.

— Мый тиянлы колө?— кабина өдзөссө восьтыштөмөн юалис Степан Пипуныров, синкым вывтіыс видзөдліс скөра.

Югов чургөдіс служебной удостоверениесө:

— Эм горотделсянь тшөктөм косөдны тиянөс кладовщик жалөба серти.

— Миян сопровождающөй эм,— лабутнөя сёрнитіс Степан.— Э-эй! Олег, ыстыв татчө Иван Петровичөс!— горөдіс сійө бөръя машиналы.

Тэрмасьтөг тапиктіс-локтіс паськыд чужөма, гөрд ныра, ар ветымына морт.

— Но мый сәні?— юалис сійө дөзмыштөм гөлөсөн.

— Вот угрозыск миянөс косөдө,— индіс Югов вылө Степан.

— Угрозысклы миянөдз абу делө,— мураліс дядьө.— Лоам төдсаөсь. Иван Петрович Мырин,— шуис Юговлы кисө мыччигмоз.

Ставөн тэрмасисны. Мырин корис лэдзны. Шөфөрьяс ызгисны. Лудыков быттьө на дорө жө. И пөпутной машинаысь шөфөрыс тэрмасис.

Вензьөны Югов да Мырин, а машинаяс мурзигтыр сөлөны паром вылө.

Медбөрын Юговлы ковмис висьтавны Мыринлы мыйын делөыс.

— Ме нө кысь төда, медым водзджык висьталін,— шевкнитіс княсө Мырин.

А паром вылын шөфөрьяс топөдөмаось Глашаөс.

— Вузалин!— лөкысь горөдіс Олег да шеныштчис ныв вылө, но сылысь сойсө кутіс Лудыков.

— А тәныд, рыжиклы, мый колө?— пиньнас гирснитіс Олег.

— Ваня!— чукөстіс Глаша.

Югов лыйыштіс паром вылө, но эз удит, Лудыковөн кучкөмысь Олег бузгысис ваө, но сэк жө Лудыков вылө кавшасисны Степан да Евгений.

— Тырмас! Тырмас!— лөньөдіс найөс Югов.

Тайө здукө кыр дорө төвзис карса милициялөн машина. Манов да Рудзегов аслас Зурганкөд локтісны отсөг вылө.

А. БЕЗНОСИКОВ,  
ВЛКСМ обкомса секретарь

## ТОМЪЯСЛӨН ВОДЗМӨСТЧӨМ

Колис нель во ВЛКСМ-лөн XVII съезд бöрын. И со апрель 25 лунö съездъяслөн Кремлёвскöй Дворецö бара чукöртчисны Ленинскöй комсомоллөн XVIII съездывса делегатыяс. На лыдын и миян республикаса комсомолиялөн представительяс — ставыс 18 морт.

Нель во — абу ыджыд кад. Но сийö вöли зев озыр тöдчана событиеясөн: мунис КПСС-лөн XXV съезд, примитöма СССР-лысь виль Конституция, страна кыпыда пасйис Великöй Октябрлы 60 во тырöм. Ставыс тайö ышöдис нывъясöс да зонъясöс вылөджык кыпöдны социалистическöй ордысьöмлысь знамя, шедöдны виль вермөмьяс уджын и велөдчöмын. Комсомолецъяс да том йöз ярыгыда петкөдлисны Коммунистическöй партиялы, батыяслөн да пöляяслөн революционнöй традицияяслы ассыныс ыджыд преданность.

Выйнöраөн, уна виль вермөмьяясөн воис съезд кежлö Коми комсомол, кодi öтувтö аслас радъясö 130 тысяча нылöс да зонмöс. Социалистическöй обязательствояс олөмö пöртöмын зев тöдчанаөн лоис «Великöй Октябрлөн 60 воны — 60 ударнöй вежон!» юбилейнöй вахта нуөдөм. 388 комсомольско-молодөжнöй коллектив, 8615 ныв да зон пятилеткалысь кык вося плансö тыртисны Октябрлөн юбилей кежлö. Республикаса 5300 сайö комсомолец пуктисны ассыныс кырымпас КПСС Центральнöй Комитетлы Рапорт улö.

Фашистскöй Германия вылын Победалы 30 во тыртигкежлö Коми комсомоллысь 98 медбур представительöс вöли снимайтöма миян народлөн

медся донатор — Победа Знамя до-рын. Дасөд пятилеткалөн первой вося итогыяс серти социалистическöй ордысьöмын 62 победитель снимайтчисны съездъяслөн Кремлёвскöй Дворецса Гербовöй залын. Неважөн уджын водзмөстчысьяслөн группа волис Ленинградö да снимайтчис легендарнöй крейсер «Аврора» вылын.

Бөрья нель воөн кык пöv содис комсомольско-молодөжнöй коллективъяслөн лыд. На пövстысь быд нельөд — коммунистическöя уджалысь коллектив. Асланыс водзмөстчөмөн да бур делöясөн пасыкыда нималöны «Воргашорскöй» шахтаысь комсомольско-молодөжнöй бригадаөн веськөдлысь Александр Перов, «Промстрой» трестысь штукатур-маляр Тамара Логинова, «Сыольскöй» совхозса тракторист Павел Третьяков да мукөд. Ми гордитчам Ленинскöй комсомоллөн премия лауреатъясөн. На лыдын — Вуктылса газопромысловöй управлениысь оператор Владимир Скурихин, Сыктывкарскöй ЛПК-ысь диффузорщица Ольга Федулова, СССР-са наукаяс Академиялөн Коми филиалысь младшöй научнöй сотрудник Зинаида Улле.

Вермөмьясö туйыс абу кокни. Сьöкыд вöли заводитнысö Михаил Гуляевлөн звенолы, кодi «Пионер» шахталөн водзмөстчысь участокысь вуджис «Западнöй» шахталөн кольчысь участокö. Том йöзлөн коллектив отсалис бырöдны ёртъясыслысь кольччөм, а М. Гуляевлөн звеноыс кык вося плансö тыртис Октябрлөн юбилей кежлö.

100 тысяча кубометр. Та мында вөр көсйысьліс сетны страналы юбилейной воын Михаил Мельниковлөн комсомольско-молодёжной бригада (Верхне-Печорской леспромхоз). XXXII Коми областной комсомольской конференция вылын бригадаса пөрөдчысь Иван Мамонтов юртіс, мый коллектив бура пөртіс олөмө сетөм кыв. ВЛКСМ обкомса член И. Мамонтовөс өтсөгласөн вөлі бөрйөма комсомоллөн XVIII съезд вылө делегатөн.

Бур водзмөстчөм петкөдлісны Ухтинской территориально-геологической управлениеысь буритчысыя Владимир Безруклөн да Рашид Гаффаровлөн комсомольско-молодёжной бригадася, кодьяс дасөд пятилеткалысь куим вося план шуисны тыртыны ВЛКСМ-лөн XVIII съезд кежлө. Тайө пас улас öні уджалө 50 коллектив. А Владимир Безруклөн бригадасы куим вося заданиесө тыртіс нин во заводитчигөн.

Партиялөн XXV съезд индіс медшөр туй визьяс уджлысь эффективность да качество кыпөдөм вылө. Коми комсомол активная пырөдчис продукциялысь качество бурмөдөм кузя Ставсоюзса походө. И вермас талун гордитчыны аслас уджөн Сыктывкарской леспромышленной комплекса комсомольской организация, коді первойөн республикаын котыртіс качествомысь постьяс да штабьяс. Тайө отсаліс первой сорта типографской бумага лэдзөм содтыны кык сайө пөв.

Воысь-во содө лыдыс том новаторьяслөн. Бөрья нель воөн найө сетісны матө 19 тысяча рационализаторской мөвп, коді отсаліс видзтыны 16 миллион сайө шайт.

Зэв ыджыд кыв кутөмыс областной комсомольской организациялөн комсомольской стройкаяс вөсна. Сөмын кык воөн вит Ставсоюзса да куим республиканской ударной комсомольской стройка вылө путөвкаясөн мөдөдөма кык тысячаысь унджык нылөс да зонмөс. Организационная да политическая ёнмисны сиктса комсомольской организацияяс. Нечерноземьеса ударной комсомольской стройка вылын комсомолецьяслөн да том йөзлөн лыдыс содіс

кык пөв. Республикаса муяс вылын да фермаясын сьөлөмсянныс уджалөны нелямын комсомольско-молодёжной звено да экипаж. Сиктса комсомольской организацияяс төдчана удж нуөдөны видз-му овмөсө, торья нин скөт видзөмө, том йөзөс кыскөм кузя, том механизаторьясө дасьтөм кузя.

Унатор вөчсьө комсомольской стройкаясса коллективьясөс культурная могмөдөм кузя. Сөмын колөм во Вуктыльской, Усинской да Печорской районьясса ударной стройкаяс вылын петкөдлөма 230 спектакль да концерт.

Ми кыв кутам и том рабочейьясөс быдтөм вөсна. Дасөд пятилеткаын профтехучилищеясын колө дасьтыны 41,5 тысяча квалифицированной рабочейьяс, на лыдысь 17 тысяча мортлы сетны средней образование. Но талун кежлө училищеяслөн уджын эмөсьна гырысь тырмытөмторьяс. Уналаын велөдчысыя босьтөны ичөт профессиональной навекьяс, мый вөсна найө оз вермыны вөчны босьтөм разряд серти удж.

Том йөзлы ыджыд өтсөг сетөны наставникьяс. Республикаса трудовай коллективьясын сизим тысячаысь унджык наставник, кодьяс отсалөны быдмыны 15 тысяча том рабочейьялы.

Челядьөс трудовай воспитайтөм кузя төдчана удж нуөдсьө школаясын. Нель воөн школьникьяслөн уджалан да шойччан лагерьяс содісны кык пөв. Колөм гожөмын налөн лыдыс вөлі 124.

Некымын во нин муно смотр — «Быд том мортлы — средней образование!» Тайө смотрас бура участвуйтөны Воркутаса, Интаса, Ухтаса да Княжпогостской районса комсомольской организацияяс. Тырмымөн казтыштны, мый бөрья нель воөн уджалысь том йөзлөн школаясын средней образование босьтісны 15 тысяча морт. Но зэв на этша уджалысь том морт велөдчө Сыктывдинской, Усть-Цилемской, Ижемской да Корткерөсской районьясын. Торья нин омөля нуөдсьө та кузя уджыс леспромхозьясын да совхозьясын. Сідз, «Комилеспром» пасьятын

уджалысь том йӧз пӧвстысь сӧмын 16 процентсӧ шымыртӧма велӧдчӧмӧн.

Том йӧзлысь марксистско-ленинскӧй видзӧдлассӧ сӧвмӧдӧмын медыджыд тӧдчанлуныс политическӧй образованиелӧн. Ӧні республикаын уджалӧ тысячаысь унджык кружок. Лоис нин традицияӧн велӧдчан вӧсӧ заводитны да помавны Ленинскӧй урокӧн. Тӧдчымӧн бурмис пропагандистскӧй кадръяслӧн составыс. Комсомольскӧй политическӧй велӧдчӧмсӧ бура котыртӧны ВЛКСМ-лӧн Усинскӧй, Вуктыльскӧй да Койгородскӧй комитетъяс. Но, кызди вӧлі пасйӧма областнӧй отчетно-выборнӧй комсомольскӧй конференция вылын, республикаысь 14870 нылӧс да зонмӧс (2400 мортыс комсомолец) абу шымыртӧма некутшӧм велӧдчӧмӧн. Да и уналаын на кружокъяс да семинаръяс мунӧны гажтӧма, пропагандистъяс занятияеяс кежлӧ лӧсьӧдчӧны тырмытӧма. Политическӧй велӧдчӧмӧн омӧля веськӧдлӧны комсомоллӧн Удорскӧй, Сыктывдинскӧй да Троицко-Печорскӧй райкомъяс.

Массово-политическӧй удж нуӧдӧмын бур боксянь петкӧдлісны асьнысӧ агитпоездъяс, агитсамолётъяс, агиттеплоходъяс. Агитколлективъясын лекторьясысь ӧтдор вӧліны концертнӧй бригадаяс, искусствоса представителъяс, комсомолса, войнаса да уджыввса ветеранъяс. Республикаса ударнӧй комсомольскӧй стройкаеяс вылӧ да Удорскӧй районӧ волісны СССР-са наукаеяс Академиялӧн Коми филиалысь том учӧнӧйяс.

Колӧ пасйыны и сійӧ, мый бӧръя кадӧ озырджыкӧн лои олӧмыс школаясса, техникумъясса, вузьясса комсомольскӧй организацияяслӧн. Сӧветскӧй народлӧн революционнӧй, боевӧй да трудӧвӧй слава местаясӧ кольӧм, сизимӧд этапын, миян республикаысь воліс 19 тысяча сайӧныв да зон. Талун кежлӧ комсомоллӧн комитетъяс бердын котыртӧма комсомолса, войнаса да уджыввса ветераньяслысь 185 сӧвет. Найӧ уна вын пуктӧны том йӧзӧс военно-патриотическӧя воспитайтӧмӧ.

Том йӧз да комсомолецъяс вӧліны водзмӧстчысысьӧн уна сикас культурно-массӧвӧй мероприятияеяс котыртӧмын. Первойысь нуӧдӧма сӧветскӧй сыланкыв сылысыяслысь республиканскӧй конкурс. Зӧв тӧдчанаӧн лоис сӧветскӧй да болгарскӧй том йӧзлысь дружба фестиваль нуӧдӧм. ВЛКСМ обком ӧнмӧдӧ йитӧдъяс творческӧй том йӧзкӧд. Вӧлі петкӧдлӧма том художникъяслысь республиканскӧй выставка — «Комилӧн томлун». Республиканскӧй драмтеатрса комсомольскӧй организациялӧн водзмӧстчӧм серти том актёръяс петкӧдлісны общественнӧй подувъяс вылын «Не забывай меня, солнце» спектакль.

ВЛКСМ-лӧн XVII съезд бӧрын Коми областнӧй комсомольскӧй организациялӧн уджын да олӧмын вежсьӧмъясыс лойны зӧв тӧдчанаӧсь. И Коми комсомол, кодӧ бӧръя нель воӧн быдмис дас кык тысяча сайӧ морт вылӧ, и вӧлі, и лӧӧ областнӧй партийнӧй организациялы бур отсасысьӧн.

## Кык серпаслөн сюжетъяс

Иван Михайлович Губкинлы, Главной сланцевой комитетса юралысылы да өттшөтш Главной нефтяной комитетлөн коллегияса членлы, воис народной овмөслөн Высшой советсянь нётчюд вөвлытөм на почта: Рабочой да Крестьянской Оборона Советса председательлөн бланк вылө гижөм юасьомъяс, кузь докладной записка да письмө.

Письмөын висътавсис:

«Гражданин В. И. Ульяновлы (Ленинлы).

Сы вөсна, мый заводитчө ломтасысь кризис, ме лыддя коланаөн веськөдны Тиянлысь внимание Ухтаса нефть вылө, мый йылысь ме бура төда. Тиян эм позянлун сетны индөд, мед төдмасисны места вылын тайө нефтьнас да весиг заводитисны перйыны. Чорыд условияс вөсна тайө нефтьсө перйыны сьөкыд, но сэк жө энотчыны некыз оз позь».

Письмө улас вөлі кырымпас: «Москваса да Московской губернияса Удж Отделлөн Главной Бухгалтериясыс заведующой Александр Семенович Соловьев. 1919 вося сентябрь 23 лун».

Штамп сертныс позьө төдмөдны, мый письмөыс да докладной запискаыс сийө жө луннас воьма Кремльө да регистрируйтөма 16220 номерөн.

Тайө вөлі сьөкыд кад. Военной сводкаясын висътавсис Красной Армиялөн временной неудачаяс йылысь. Юденич топөдчис Петроградлань, Деникин нетшкысис Москваө. Сентябрь 21 лунө сылөн войска босьтисны Курск, матыстчисны Воронеж да Орел дорө. Сьөкыдлун өшйис столица весьтө. Рабочой да Крестьянской Оборона Совет йөзөдис Москваын военной положение. Карысь уна дас тысяча морт стрөитисны столица дорын оборонительной сооруженияс.

И вот татшөм кадө Москваса служащой шыөдчис Советской правительствоса веськөдлысь динө. Соловьев быттьө эз казаяв военной опасностьсө. Сийө аддзис ещө өти врагөс, скөрөс да коварнойөс,— ломтасысь кризис, коді топөдис Советъяслысь том республикаөс, кызд шуласны, горшөдыс.

Ещө тулыснас на ВСНХ-лөн президиумлы ковмис обсудитны вопрос ломтас тырмытөм вөсна Путиловской, Невской да Ижорской заводъяс тупкөм йылысь. Нижной Новгородысь воис тревожной телеграмма: кизьөр ломтаслөн став запасъяс бырины, дзыкөдз сувтасыс предприятияс, көть кутшөм колана продукция найө оз лэдзны.

Продовольствие кузя Народной комиссариат лөсьөдис населениелы карасин вылө норма: төлысь кежлө өти мортлы столицаын — өти фунт, сиктъясын — фунт джын. Гожся куим төлысьө карасин эз сетсы.

Советской республика стрөга видзис нефтьлысь да нефтьысь вөчөм продуктъяслысь запасъяс. Но та вылө видзөдтөг, тайө запасъясыс өдийө чинисны. Колис нефтьлөн сөмын дасөд пайыс, мый удайтчылис вайны Волга кузя Кавказысь 1918 воын. И сэсся виччысьны кизьөр ломтас вөлі некытысь. Странаसा став нефтяной районъяс вөліны врагъяслөн киясын. И некод эз вермы стөча висътавны, дыр-ө ещө нюжаласы Антантаөн да пытшкөсса контрреволюцияөн көвъялөм военной испытанияс.

Владимир Ильич Ленин сувтөдіс геологыас водзё мог — корсьны кизьөр ломтаслысь месторождениеяс страна пытшкёсысь. 1919 вося февраль 14 лунё «Известия» газет гижліс: «Колё, воштёмъяс пыдди, корсьны выль источникъяс (нефтьлысь — А. К.) Сöветскöй Россия пытшкысь. Та боксянь торъя внимание колё веськөдны Ухтинскöй нефтянöй район вылө...»

1919 вося гождём кежлө Иван Михайлович Губкин лөсьөдіс геологоразведочнöй экспедиция Ухтаö.

Сійö лунъяснас Кремльын, вöвлөм Судебнöй установлениеяс зданиеын, көні мунлісны Народнöй Комиссаръяс Сöветлөн да сылөн комиссиялөн — Ичöt Совнаркомлөн — заседанияяс, век частөджык казътывсис «Ухта» кыв.

Геологоразведочнöй экспедиция мөдөдөмкөд йитöдын Государственнöй сооруженияяс кузя комитет шыөдчис народнöй овмөслөн Высшöй сөветö, корис сетны средствеояс Ухтаö грунтөвöй туй стрöитөм вылө.

Быдөн, коді воывліс тайö пармаас, өтмоза норасисны, мый сәні абуөсь некутшөм туйяс, абу транспортнöй йитөд. Туйяслөн абутөмыс вөчис мыдждөд мупытшкөсса озырлунъяс дінас. Ухтаса нефть кажитчис босьтны позьтөмөн. Геологыас лыддисны, мый районсö оз позь освоитны туйястөг.

Коркө войдөрджык Вологодскöй губернскöй земство заводитліс стрöитны грунтөвöй туй. Но земстволөн сьөм өдва тырмис сы вылө, мед керавны прөсека да көнсюрө шыльөдыштны туйсö.

Өні, кор Ухтаö лөсьөдчис петны геологоразведочнöй экспедиция, Государственнöй сооруженияяс кузя Комитет мөвпыштис туйяс йылысь, кодъяс вермасны ковмыны матыса кадö.

Комитет корис вит миллион шайт.

Вит миллион шайт... Эз кокни вөв аддзыны тайöс республикаса гөлиник бюджетысь. Сәкся кадö вөлі стрөг пöрадок: вөчны сөмын сэтшөм уджъяс, кодьяслөн эм стратегическöй төдчанлун.

Ухтаö туй — кызди сійöс донъявны? Сійö колана крайсö освоитөм могысь, странаын дзик öти нефтеноснöй район исследуйтөм могысь. Сійö вермис сгөдитчыны бöрынджык, кор кутасны стрöитны сәкся кадö нин арталан Москва — Ухта көрт туй.

Тайö вопрос видлалігөн Ичöt Совнарком эз сяммы примитны конкретнöй решение.

Вопрос, коді чужтіс разнöй пөлөс мнениеяс, вөлі вылысь видлалөма Народнöй Комиссаръяслөн Сöвет заседание вылын 1919 вося июнь 20 лунö.

Миянлы абу төдса, кызди муніс тайö обсуждениеыс. Та йылысь позьö сөмын гөгөрвоны протоколлөн скупиник строкаяс серти. Но тайö строкаясыс вайисны миян кадөдз став интерессö, кодөс петкөдлісны проблема дінас народнöй комиссаръяс да налөн председатель. Ичöt Сöветлөн решениеö найö вөчисны татшөм содтөд: «Сетны вопроссö выль, паськыджыка видлалөм вылө СНХ бердса комиссияö, мед корасны сэтчө тшөтш ВСНХ-ысь ухтинскöй нефть вопрос кузя специалистсöс. Вежон мысти бара сувтөдны вопроссö Народнöй Комиссаръяслөн Сöветын».

Сійö жö лунас Ичöt Сöвет примитис постановление, кодөс кырымаліс Владимир Ильич: «Корны вторникын, июнь 24 лунö, ВСНХ-лөн Высшöй научно-техническöй отделысь специалистъясöс, мед сетны колана дон Ухтинскöй нефтянöй районлы».

Июнь 24 лунö Совнаркомса комиссиялөн заседание вылө воисны, постояннöй членъясысь өтдор, ВСНХ-ысь, торговля да промышленность наркоматысь да мукөд ведомствоясысь представительяс. Народнöй овмөслөн Высшöй Сöветсянь вөліны научно-техническöй отделөн веськөдлысь Н. П. Горбунов, горнöй сөветса председатель Ф. Ф. Сыромолотов,

И. М. Губкин да мукöд. Колö шуны, мый Ичöт Сöвет эз частö нуöд-сывлы татшöм представителъяс дырйи.

Комиссия разрешитис стрöитны грунтöвöй туй Ухтаöдз да сетис колана мында средствояс. Народнöй Комиссаръяслөн Сöвет, кодi засе-дайтис тайö жö лунас, вынсьöдiс тайö решениесö. Июнь 26 лунö Влади-мир Ильич кырымалiс постановление, кодöс вöли мöдöдöма Государст-веннöй казначействоö. Сэни висътавсис:

«Народнöй Комиссаръяслөн Сöвет июнь 24 лунся заседание вылын шуис:

сетны Народнöй овмöслөн Высшöй Сöвет бердса Государственнöй сооружениеяс Комитетлы «Половники — Ухта» грунтöвöй туй стрöитöм вылö Государственнöй казначействолы содтöд 5.000.000 (вит миллион) шайт.

Народнöй Комиссаръяслөн  
Сöветса председатель В. У л ь я н о в (Ленин)».

Став сьöкыдлуньяс вылö видзöдтöг, тайö туйсö заводитисны вöчны. Сийö индыссьылис став планъясын, кызди государственнöй тöдчанлуна объект. Сийöс вöли стрöитöма 1932 воын. Медпервоиöн пöльзуйтчисны тайö туйнас геологоразведчикъяс, кодьяс заводитисны перйыны про-мышленнöй нефть. Тайö туйыс вöли подулөн Печорскöй магистраль стрöитысьяслы 1937—1940 воясö. Öти кывйөн кө, туйыс пöртiс олöмö сы вылö пуктылöм могсö.

В. И. Ленин кырымавлiс постановлениесö Соловьевлөн письмöыс куим тöлысьөн водзджык.

Кызди нö сiдзкö гөгöрвоны московскöй бухгалтерлыс гижöдсö? Артмö, мый Александр Семенович Соловьев сёрмис аслас предложе-ниеясөн?

Кöть и жаль, ми зэв этша тöдам удж отделлөн главнöй бухгалте-рияса заведующöй йылысь. Революцияöдз сийö служитлöма «Юнгерс» банкын, Октябрь бöрын вуджöма Сöветскöй власть дор. Уджавлöма Моссоветын, ВЦИК-лөн финансöвöй отделын.

Позьö веськыда шуны, мый Соловьев ньötчид эз вöв Ухта ю дорын. Тыдалö, сылөн вöли аслас библиотека, көни видзисны и Печорскöй край йылысь книгаяс. Соловьевлөн письмöын унатор босьтöма Б. И. фон-Вангельлөн «Разведочнöй даннöйяс серти Ухтаса нефть» книгаысь, ко-дöс вöли лэдзлöма Москваын 1900 воын.

Сэсся таысь öтдор артыштöма, мый революцияöдз вöли лэдзöма Ухта йылысь 250 кымын книга, брошюра, статья да очерк.

Ог кутöй мыжавны Александр Семенович Соловьевöс, кутшöм ли-тератураөн пöльзуйтчис сийö. Тöдчана, мый авторыслөн сьöлöмыс висис рöднöй страна вöсна, көсийс отсавны большевикъяслы зэв сьöкыд кадö.

Ухтинскöй нефть йылысь уна сёрни вöли 1918 воын, ещö унджык 1919-ын. Вöли кывзöма зэв уна специалистъясöс, примитöма правитель-ственнöй решениеяс, сетöма средствояс көрт туй да грунтöвöй туй стрö-итöм вылö. Мый ещö содтыны татчö? Москваса служащöй Соловьевлөн письмöысь ёна водзджык на татшöм предложениеясыс вöли пöртсьöны олöмö.

И век жö Владимир Ильич эз коль бокö тайö письмöсö да доклад-нöй запискасö. Сийö, кызди и век, сюся кывзысис прöстöй йöзлөн гөлö-сö, сюся, государстволы колана ногөн донъялис найöс.

А кадыс, кызди казътыштiм нин, вöли вывти сьöкыд. Дугдывтöг воа-лисны фронтъяс вылысь юөръяс. Медся коланаяссö да тöдчанаяссö висъ-тавлiсны телефон пыр Кремльö, Владимир Ильичлы.

Тайö сьöкыд луньясас В. И. Ленин лыддис Соловьевлысь письмö-сö, вöчис сэтчö карандашөн пасйöдьяс да гижис Рабочöй да Крестьян-скöй Оборона Сöветлөн бланк вылö:

«...Ломов ёрт! Кора ыстыны тайёс лёсялана отдело:

1) пунктём бумагасо, мед вочавидзасны меным, мый нин вёчёма та-йё юкёнын...»

В. И. Ленинлөн индодыс вёлі зэв коланаён да срочнойён. Ломов (Григорий Ипполитович Оппоков), коді сэки вёлі ВСНХ-са Председательёс вежысьён, шыодчис Губкин дінё: «Иван Михайлович! Зэв срочнөя колө Тіян кырымпас улын Тіян заключение».

Губкин вермис тодмасьны Владимир Ильичлөн индодён да московскөй служащөйлөн гижөдөн 1919 вося октябрь первой луньясө. Тайё жө төлысьнас В. И. Ленин корис учёнойёс Кремльё. Со мый кызытылө та йылысь ачыс Иван Михайлович:

«1919 вося октябрын ме да Ф. Ф. Сыромолотов локтім Владимир Ильич дінө, вайим съорысь сланцевөй бензин, карасин да мукөд нефте-продуктыяс тыра ичөтик бутылкаяс. Секретарыс шунс: сөмын дас вит минутысь не дырджык.

Владимир Ильич кыпөдчис пызан сайысь, локтіс мянлы воча, пук-сьөдіс.

Заводитчис сёрни. Владимир Ильич корис петкөдлыны, көні эмөсь сланцевөй месторождениеясыс. Ми матыстчим карта дорө да сёрнитім кык час да джын. Сёрнитім нефть, сланецьяс, сапропельяс йылысь. Ленин сюся кывзис, юасис, корсис туй, кызди мынтөдчыны ломтас вөс-на кризисысь».

Кремльын тайё сёрни йывсысь тырвуйөджык висьталө ещө өти документ — Главной нефтяной комитетлөн октябрь 13 лунся бюллетень, коді видзсьө Москваын СССР-са народной овмөслөн Центральной государственной архивын. Сэтысь позьё лыддыны:

«Некымын лун сайын Главнефть коллегияса член И. М. Губкин вөчис сланецьяс да сапропельяс перйөм, а сідз жө нефть корсьөм йылысь доклад Совнаркомса председатель В. И. Ленинлы, коді интересуйтчис Вологодской губерниялөн Ухтинской, Казанской губернияса Сюкеевской, Уральской областяса Темирской районьясын разведочной да бурөвой уджьяс нуөдөмөн. В. И. Ленин корис өддзөдны тайё уджьясө...»

Тайё архивной документьясыс сетөны позянлун сёрнитны кык картина йылысь, кодьясөс вөчисны кык художник өти и сійө жө тема вылө.

Коді воліс Москваө, СССР-са Революциялөн Центральной Музейө, дерт, аддзыліс картина, коді шусьө: «Геологической экспедицияса участникьяс Губкин юрнуөдөм улын Ленин ордын. 1919 вося октябрь». В. И. Ленин нюжөдөма кисө Волгалань. Буретш тані дас во мысти, 1929 воын, качис нефтьлөн фонтан, чужис «мөд Баку».

Рисуйтисны сійөс РСФСР-са заслуженной художник Н. П. Христолюбов да художник А. И. Фомкин 1955 воын.

А 1974 воын Сыктывкарын — Коми республикалөн столицаын — позис аддзыны выставка вылысь ещө өти картина, кодөс рисуйтис Коми АССР-са заслуженной художник Н. Л. Жилин. Сійө, кызди и Москваса художникьяс, босьтис сюжет пыдди Владимир Ильичлысь Губкинкөд сёрни. Ми аддзам, кызди учёной петкөдлө Печора районлысь карта, а Ленин сюся видзөдө войывса зэв ыджыд юлөн вожьяс вылө.

Шуйгавылас, пызан дорын, сулалө ВЦИК-са юралысь Михаил Иванович Калинин. Картинаыс шусьө: «Вөрзёдлытөм озырлуньяса му».

Миян водзын художественной произведениеяс, ми ог вермөй орчөдны найёс олөмын вөвлөм сійө либө мөд фактыскөд, корны документальной стөчлун. Ог кутөй донъявны картинаяслысь художественной төдчанлун (тайё могыс искусствоведьяслөн), но видзөдлам, кутшөм аддзысьлөм да сёрни көсийсны петкөдлыны художникьяс.

Ми төдам, мый Губкин эз өтчыдысь аддзысьлы Владимир Ильичкөд. Мөдарсянь, партиялөн да революциялөн вождь эз өтчыдысь видзөдлывлы «Вөлөгдасянь войвылө». Печора бердса озырлуньяс йылысь вопрос

чужис том Сöветскöй Россияын регыд Октябрь бöрын — 1917 во помын, 1918 во заводитчигон. Сийöс сувтöдисны сöветскöй общественность, центральной да местной учрежденияс, торъя гражданина сийö либö мöд письмöясын, кодъяс воалисны Владимир Ильич Ленинлы, народной овмöслөн Высшöй Сöветö.

Такöд йитöдын окота казтыштны ещö öти докладной записка йылысь.

Народной Комиссаръяслөн Сöвет, кодi вöли 1918 вося июль 13 лунö В. И. Ленин юрнуöдöм улын, сетис индöд ВСНХ-лы вöчны печорскöй нефть да из шом корсьöм вылö смета. Владимир Ильичлөн индöд серти 1918 вося гожöмын ветлисны геологыяс Ухта ю вожö. Татчö позьö содтыны, мый 1919 вося июнын Ичöt да Ыджыд Совнаркомъяслөн заседаниеяс вылын быд боксянь вöли видлалöма Ухтаса нефть йылысь проблема.

Губкин пасйылис аслас казтылöмъясын, мый Ухта динö геологыяслысь вниманиесö веськöдис Владимир Ильич Ленин, кодi и водзö пыр интересуйтчис татчöс озырлунъясөн. Тырмымөн казтыштны öни паськыда тöдса телеграмма, кодöс ыстылöма 1920 вося март 9 лунö Архангельскö Ломовлы — карсö белогвардеецъясысь мездöм бöрын регыд мысти. Сэни Владимир Ильич юасис Ухта бердса нефтеносной районкод йитчöм материалъяс да отчётъяс йылысь. Ленинлөн кык гижöдын, кодъяс 1921 вося öсь да йитчöмаöсь Сöветскöй государстволөн концессионной политикакод да ортсыса торговлякод, бара жö гаравсьö Ухта йылысь.

Колö чайтны, Владимир Ильич ещö революцияöдз на тöдлис мупытшкөсса озырлунъяс йылысь, кодъясöс дзеблалис Войвыв. Сийö вермис тöдмавны тайöс уна лыда литератураысь, газетъясысь, III да IV Государственной думаяс заседаниеяслөн протоколъясысь, кодъясöс сюся лыддывлис. Сылөн «Нефтяной тшыглун» йылысь» статья, кодöс гижöма IV Государственной думын сёрнияс серти, чужтö та йылысь мöвп. 1913 во март 22 лунся думскöй заседание вылын эз öтчюд казтывссы «Ухта» кыв.

Печора бердса озырлунъяс йылысь Владимир Ильич вермис кывлыны партия кузя ёртъясянь, кодъяс пиысь унаөн вöлины Войвылын ссылкаын.

Документъяс сетöны позянлун шуны: картина вылын петкөдлöма öти исторической факт — 1919 вося октябрын Владимир Ильичлысь да Губкинлысь аддзысьлөм.

Николай Жилинлөн картинаыс оз мун паныд московскöй художникъяслөн произведениелы. Мöдарö, сийö петкөдлö исторической событияссö неуна мöд боксянь, тöдчöдö, кызди В. И. Ленин видзöдлис Войвывса озырлунъяс вылö.

Öти сюжет серти художникъяслөн кык картина ещö öтчюд тöдчöдöны, мый исторической Войвыв да Поволжье век вöлины орччөнöсь, бытöкö ордйысисны öта-мöдыскöд.

Разной сикас помкаяс вöсна Поволжье сöвмис войвывса «вокые» серти ёна öдйöнджык, — тадзи чужис странаын выль топливно-энергетической база — «Мöд Баку», кодi комын во чöж могмöдис государствоöс кизьöр да газ ломтасөн да сырьеөн.

«Коймöд Баку» ним новлö öни Тюменьса Войвыв.

Но бөръя воясö век ыджыдджык пай пунктö страналөн ломтас запасö и Европалөн Рытыв-войвывса район. КПСС XXV-öд съездлөн индöдъяс серти танi котыртсьö Тимано-Печорскöй территориально-производственной комплекс, көни медся ыджыд тöдчанлуныс сетсьö индустриялөн ломтас юкөнъяслы. Рытывыв Сибирса комплекскод öтлаын сийö кутас сетны государстволы нефтьлысь да природной газлысь тöдчана ыджыд пай.

# РÖДМÖДНЫ ДОНА ЧЕРИЯС

Кольöм во помын Сыктывкарын вöли ученöй советлөн сессия, кытчö волісны странаса научнöй учреждениеясысь да производственнöй организацияясысь представительяс, кодьяс тöдсабсь миян войвывса ваяскöд. Сэни муніс сёрни Белöй морелөн да Европейскöй войвывса юяслөн да тыяслөн биологическöй ресурсьяс йылысь, чериясöс рöдмöдöм да быдтöм йылысь, войвывса юясысь васö Волгаö веськöдöм да сэкса условиясын чери овмöс котыртöм йылысь. Научнöй докладьяслөн подув вылын дасьтöма рекомендацияс, исследованиеяслысь медшөр туй визьяс, кодьясöс олöмö пöртöм отсалас водзö бурмöдны чери овмöс, кыпöдны сылысь эффе́ктивность, көзьяйскöя пöльзуйтчыны юясöн, тыясöн да налөн биологическöй ресурсьясöн. Миян республикаын чери овмöс сөвмöдан туйяс йылысь и кутас мунны сёрниыс тайö статьяс.

Бөрья кадöдз Коми АССР-ын чери овмöс сөвмöдöмлы сетсис ичöt тöдчанлун, көть и республика зэв озыр ваясöн. Став юяслөн кузьтаыс 84 тысяча сайö километр, тыяслөн ыдждаыс 46 тысяча гектар. Öткодявны кө Мурманскöй областькöд либö Карелиякöд, то миян республикаын вогöгöрся ва запасьясыс куим пöв унджык, а юясын да тыясын олö 42 сикас чери. На пöвстын не сöмын странаса, но и мирса меддона черияс — сьöмга, сиг, ком, стерлядь. 1950-öд воясын кө республикаын став кыйöм чери лыдын джынсьыс унджыкыс вöліны тайö дона чериясыс, то öни — öдва нельöд пайыс.

Артыштöма, мый ветымынöд вояс заводитчигöн став сикас черияс Пе-

чораысь позьö вöли кыйны во чöжөн 20 тысяча центнер, Эжваысь — 7 да Мезеньысь 3 тысяча центнер. Но кыйлісны сöмын коймöд пайсö, и то унджыксö меддона черияссö. Кыйсьöмсö кустарнöя котыртöм эз вермы кыпöдны прöмыслöвикьяслысь удж производительностьсö, и такöд тшöтш лёк ногөн ипользуйтсисны сырьевöй ресурсьяс. СССР-са наукаяс Академиялөн Коми филиал сетліс уна индöдьяс чери кыйöм содтöм да дона черияслысь запасьяс видзöм кузя. Но зэв этшабс на пийсысь лон пöртöма олöмö.

Дона черияслөн лыдыс öтарö чинö. Водзти кө Печораысь воөн кыйлісны 10—12 тысяча тонна сьöмга, сиг да мукöд дона черияс, то öни тайö лыдпасыс чиніс джынвыйö. Öткымын примитöм мераяс бур боксянь тöдчисны сиглысь лыдсö содтöм вылö. Но сэк жö оз тöдчы содöмыс нельмалөн да омульлөн. Сідзкө, колö унджык чери лэдзны кульманінас ю воргаяс пыр, дугöдны найöс кыйöм Печора ю вомын (дельтаын) да Баренцево морелөн берег дорьясын. Сьöмга чиніс эз сöмын Печорын, но и Севернöй Двина да Мезень ю вожьясын. Зэв колана, медым унджык лэдзны Печораö дона черияссö, бурджыка видзны найöс туйясын да кульманінъясын.

Став сикас черияслөн лыдыс чинö, медсясö, юяс няйтчöдöмысь. Тайö медводз инмö из шом, нефть, газ перйысь да вөр лэдзысь предприятиеяслы, кодьяс оз тöждысьны юяс да тыяс сöстöма видзöм вöсна. Ыджыд мыжыс и браконьерьяслөн. Та вöсна республикаын öни эм позянлун кыйны воөн сöмын 17 тысяча

центнер чери. А кыйоны нощта на этшаджык. Да и юясын колисны унджыкыс сир, сын, ёді, кельчи, ёкыш, йөрш да мукөд сикас черияс, кодъясөс некызд оз позь өткодявны дона черияскөд.

Тыдалө, оз бур боксянь кут төдчыны вөр-ва да чери овмөс вылө и миян юясысь мыйтакө ва Волгаө веськөдөм. Водохранилищяеяс вөчөмкөд тшөтш черисө рөдмөдөм-быдтөм да кыйөм содас, но ёна чинас запасыс бур черилөн,— өд лоө бырөдөма налысь уна кульманіньяс. Та вөсна учёнйяслөн кыптө торъя төждлун, и найө асланыс совет вылын индісны уна туй визьяс, кодъясөс веськөдөма дона черияслысь запасьяс содтөм вылө.

Европейскөй войвылын эмөсь уна тыяс, но наөн пөльзуйтчыны сямтөг. Сэні олөны сэтшөм черияс, кодъяс сөйөны вывті уна, а быдмөны ньөжйө. Татшөмөсь йөрш да ёкыш. Тыясас кө рөдмөдны өдйө быдмысь чериясөс, шуам, пелядьөс, то «урожайностьыс» ёна содас. Онөдз на абу төдмалөма Большеземельскөй тундраса тыяслысь чери ресурсьясө. А сэні матө 80 тысяча кымын ты да 25 тысяча километр кузьята юяс. Быд во сэтысь позьө босьтны 20 тысяча кымын центнер чери, унджыксө — зельдь, пелядь, сиг, чир да с. в. А черитөм тыясас колө рөдмөдны сиг. Котыртны кө чери вөдитысь торъя овмөсьяс да рөдмөдны тыясын өдйө быдмысь чери, то республика мөдіс эськө босьтны содтөд уна тысяча центнер колана продукция.

Тані колө индыны сійө, мый Большеземельскөй тундралөн ыджыд-джык юкөныс пырө Архангельскөй областьө. Но экономика боксянь

тундралысь асыввыв юкөнсө выгөднөджык освоитны миян республикалы. Сэки эськө коми прөмысловикьяслы позис заводитны кыйсыны и Баренцево да Карскөй морясса ваясын. Абу на тырвуйө бура лөсьөдөма лимитьясө Коми АССР-лы да Архангельскөй областьлы Печора, Мезень да Севернөй Двина вожьясын дона черияс кыйөм кузя. Бөръя кык юсьыс миян республика ни өти оз кый сьөмга, көть и ыджыд стада-яе кульмөны Коми территория вылын. Тайө сөрнитанторйыс кыптө зэв ёся Комирыбпром котыртөмкөд йитөдын.

Оз позь не казтыштны сідз шусяна садкөвөй комплексьяс йылысь, кодъясөс лөсьөдөны тыясын да водохранилищяеясын чери быдтөм могысь. Татшөм уна комплексьяс өні уджалөны Ленинградскөй да Мурманскөй областьясын, Карелияын. Мый сэтшөм садөкыс? Валөн юкөн, кодөс гөгөртөма капрон тывйөн. Татшөм садөк-йөрас и видзөны черисө. Комплексаэ эмөсь пөк босьтаніньяс, инкубаторьяс, посни чери дөзьөританіньяс да быдтаніньяс. Садкөвөй овмөсьясөс выгөднө котыртны энергетическөй станцияслөн шоныд ваясын. Та кузя миян республикалөн позянлуньясыс зэв гырысьөсь. Садкөвөй овмөссө позьө лөсьөдны медводз Печорскөй ГРЭС дорса шоныд ваясө. Та могысь жө позьө используйтны и Сыктывкарса да Воркутаса теплөвөй станцияяс.

Коми АССР-са учёнйяс водзө кутасны өддзөдны научнөй уджьяс ва ресурсьяс комплекснөя используйтөм кузя, медым чери овмөс лөис республикаса народнөй овмөслөн төдчана юкөнөн.

## ПЫШЙИС СИКТӨ

— Но, коді сэсса мян пиысь ветлас командировкао? — асывьяснас аслас сотрудникьяслысь тшөкыда юавлө Степан Иванович Пешкин.

Чөв олысь уджалысьяс заводитөны шпорөдчыны кабалаясөн уна жыръя пызан йөрьясын.

— Тянлысь юала, коді, мися, кутшөмкө районө петавны окотитө? — дөзмөмөн нин сёрнитө Пешкин. — Али сибдим ставөн асланым улөсьясө?

Войтырыс быттө воманыс ва босьтөмаось. Степан Иванович водзө ышөдө:

— Верми кө, ачым ветлі. Радикулит песө. Войнас кор ковмас мөдар бок вылө водны, гөтырлы лоө тшөктыны бергөдны... Тэ, Василий Павлович, гашкө, ветлан?

— Ог жө вермөдчы, — жугыля вочавидзө бухгалтер. — Доктор шуө, нервьясөй пө висьөны, стресс пө. А командировкаад муна да, сәні видчыны ковмас. Стрессыс и содас.

Пешкин видзөдө Дина Эрнестовна вылө. И сийө лэптыштлө пельпомьяссө.

— Гөгөрвоанныд кө, внукөй тшыксыны кутіс. Төрыт босьтөма ножич да выль платтөлысь сосьяссө тшөтшөдөма. И рисуйтчө менам помадаөн. А помадасө көть кытысь корсь, некытысь оз сюр. Ме ог вермы кольны татшөм вильыш внуксө.

Томджыкьясыслөн внукьясыс абуось на, но найө сідз жө зильөны корсьны помкаяс да пыксьыны командировкаясысь. Помкаыд тай век сюрө. И кор Степан Иванович вешйылас на дінысь, дивитөны сийөс:

— Миянлы жө дзик нинөмла туяс петавлынысө, коланлуныс абу.

— И кызд тайөс заведующөйным оз гөгөрво?

А заведующөй ассыс дольө:

— Кутшөм нө ми контора, сөмын кө гачьяснымөс зыртама? Бырөдасны мянлысь конторанымөс!

И начальниклы зөв нимкодь лои, кор планөвик Курыдкашин өтчыд букөстис:

— Меным эськө окота ветлынысө да. Гашкө, лэдзланнды?

Степан Иванович нимкодьясла шамыртліс сылысь кисө.

— Кызди нө огө лэдзө! Ветлы! Вай мун аски жө да ветлөдлы вежон чөж.

Семен Петрович ветліс урчитөм сроксө да воис бөр конторао зөв дольд.

— Сэтшөм, — шуө, — ветлөдлынытө лөсьыд! Кык кило да джын ассыым тшөгөс чинті. Важөн нин колөма петавнысө.

Семен Петрович дыр висьтавліс, кызди олөны өнія сиктын, кутшөм вежсьөмьяс лоөмаось сийө ыджыд кадколастнас, кор сийө помся оліс карын. И мыйлакө зөв өна видіс найөс, кодьяс сиктө мөдөдөны зөв омөль кирпич.

— Сэтшөм шогмытөм кирпич сиктад вайөны, — ропкис сийө. — Шөри чегө!

Контораса войтыр гадайтисны, мыйла сиктеса кирпич вөснаыс сылөн сьөлөмыс висьө. Но веськыда юавны эз лысьтны, медым кызкө не чуйдны мортсө, сэсса мөдысь оз мун.

А мый вөчис пөльзасө сиктас Семен Петровичыс, некод эз юав, весиг заведующөй. Сийө нин бур, мый мортыс сөгласитчис шоныд гортсө эновтлыны, туй вылас кынмыштны

да ветлысь-мунысьяслөн гөстиница-са векныд койка вылын узылыны.

Вежон мысти Курыдкашин бара вöйысис командировкаö. Око тапырысь лэдзисны. Сэся өддзис да пом эз ло, удж вылас прамöя оз и пукавлы.

— И век мыйлакö öтилаö веськöдчö, öти районö. Контораын та йылысь тожö дöжналöны:

— Эз-ö нин сэни пöдруга лöсьöд? Öтнас олигөн. Гöтырыс пö тай пышйöма мöд динö. Гöтрасяс дай оз ло мян планöвикным.

— Гöтырö татчö вайöдас. Оз жö карысь мун.

Но мунны тай мöвпыштöма Семен Петрович Курыдкашиныйд. И öти мича луно пырис планöвик заведующöй Пешкин динö да пунктис пызан вылас кабалатор.

— Кора мездыны менö ас окота серти.

Заведующöй эз эски аслас синьяслы.

— Мунан мöдлаö? Мыйла? Тэ жö мян медся прамöй мортыс! Коді нö кутас командировкаас ветлыны?

Семен Петрович сöмын шпыннялис да лабутнöя висьталис:

— Ыджыд аттьö, мый менö командировкаясö ыстывлинныд. Аддзи ассым шудöс.

— Шудöс? Сэтчöс дöва вылö ыштин? Оз прöста, сідзкö, йöзыс дивитны. Юбкаяс бöрся пö вöтлысян.

— Кутшöм юбкаяс бöрся! Печникö менö босьтöны, зэв ёна корöны. Сиктас пачыс уна, а пач тэчысьыс пöшти абу. Том дырйи коркö на велалі. Вот быд командировкаö ветлигөн пачьяснас и нокси. А мый? Зэв на и лöсьыд песовтчи да.

— Ассыд рöднöй конторатö он жö энöвт?— нора юалис Степан Иванович.

— Энöвта,— чорыда вочавидзис Семен Петрович.— Миян контораыс дзик ковтöмтор. Кодкö штатьяссö вывтi ёна пöльтöма да дзонь контора котыртöма. А вермис эськö став тайö уджсö öти морт вöчны либö медся уна вылö кыкөн. А сиктын, аддза да, йöзыс оз тырмы. Уна уджачки сэтчö колö. А ми, дзоньвидза йöз, крепыд мужичöйяс, ковтöм конторасын шоммам.

— Но мун, сідзкö, мун,— мурöстис Степан Иванович,— ми асланым контораö на кольччылам.


Техн. редактор И. Оплеснин.

Адрес редакции: 167610 г. Сыктывкар, Дом печати, комн. 26.

Телефоны редакции: 2-47-52 (гл. редактор), 2-51-52 (отв. секретарь).

Сдано в набор 23/III-1978 г. Подп. к печати 12/IV-1978 г. Ц01170. Заказ № 2087. Цена 20 коп. Печ. лист. 4. Приведенных печ. листов 5,6. Тираж 6619. 70×108<sup>1</sup>/<sub>16</sub>.

г. Сыктывкар, Республиканская типография Управления по делам издательств, полиграфии и книжной торговли Совета Министров Коми АССР.




Виталий Зазерский — Сыктывкарской государственной университет-са студент, спартаковец, конькиён котралом кузя международной класса мастер. СССР-са народьяслон нельод товся Спартакиада вылын юниорьяс повстын сийо босьтис нель зарни медаль.

Снимайтис В. Вежев.

20 коп.

Индекс 73069



Апрель.

Фотоэтиюд В. Вежевлюн.